


ისტორიანი



**ბეჩელები და
დემოფანი
ვიძხოხია**

კაბინეტი დასკრებილი ქართველი მოციქვლები



**ხალეხ ახანყაბა
დღედე უსნობი
დებანები**



**თუნაბედიოვი
ფანბუხთის
ნიანჭხები**



**ხობოხი
ისანებან
ბიბოხი
ხანჯანინს
ქახთველები**

ქახთველების ბიბოხი ქოქვა

**ლავან ბოთა
ბიბოთა ვარამი
8 ნიბნად**

ნიბნი IV
ფასი 3 ლარი

ნიგნი „ისტორიანთან“ ერთად – 5 ლარი

დავით
ალმაშანების
„ძღვანი
სანვიხვი“

ბაბახ III-ის
ფიქსა
2005 წელს
ბანადბუხა...


ქახთველით
თავბანანვილი
მოს ნიბნად



სახიჩვი

ახალი ამბები
 გაბრატ III-ის ფრესკა 2005 წელს
 განადგურდა... 6
 მორიბ გაყვინვა რეპაზ სათუპურის გაზეპი
 ანერეპს 9
 უკველესი მომღერალი ქალი მფუმთა
 ველზე 10
 ციმბირული ღინოზავრის „კველელი
 ნათესავი“ ბრავილილიდან 11
ილი ბიძოცები
 დავით აღმაშენებლის
 „ქლევანი სავკირველი“ 12

აჩიოველები უსოეთში
 „უაილდ უესტის“ მხედრები 18
ბანდუჩის ისტორია
 განქორწინება ანგარეპით 26
ილი ავანტიურისტები
 „ამა“ ბრიგორი 32
აჩიოველები ჰოლოეთში
 კატინის ტყეში დავრეპტილი
 ქარეველი ოვიცრები 36
XX საუენის ქიონებები
 სალღეს ავანემება 40



სახიჩვი

ახალი მატინა ქართველთა თავგადასავალი ოთხ წიგნად	48
საქართველოს ისტორიის მოთხოვნებიდან ვებრისისა და აფხაზეთის გაერთიანება	51
ღვთის ადგილის აღმშენებლის ურთიერთობა ჯგეროსნებთან	55
ქაბლუბი ჯრუჭის მონასტრის ისტორიისთვის	57
ქაქაუთი სტუმრებისთვის აგების საიდუმლო	62
საქოხის ისტორია მისი უდიდებულესობა ფეხურითი და მისი წინასწარი	67
საქოხი მისი გომიანობის ცხოვრების ლაბირინთი	72
ქილიტი თოგა ჩაგბელთვილი: ამ რუბრიკის სტუმრობა ადვილი საქმე არ არის... ..	78
„ისტორიანი“ ბავშვებისთვის 500 ფაქტი ისტორიიდან	82
სკანდორდი	90

ხელახლობის სპეხი

ბედიის ტაძრის „რესტავრაციამ“ კიდევ ერთხელ აგ- ვაფორიაქა. როგორც აღმოჩნდა, აფხაზმა და რუსმა არქიტექტორ-რესტავრატორებმა ისე აღადგინეს (პროცესი ახლაც მიმდინარეობს) კათედრალი, რომ ამ სამუშაოებს მაინცდამაინც ქართული კვალი შეეწირა.

2005 წელს თსუ-ის სტუდენტმა თეა შარიამ და კი- ნოლოკუმენტალისტმა ტარიელ სოხაძემ შეაღწიეს ბე- დიის ტაძარში. ეს იმ დროისთვის საკმაოდ გაბედული ნაბიჯი გახლდათ. მათ ჩამოიტანეს ფოტო და ვიდეო- მასალა, რომლებზედაც ასახული იყო ტაძრის მაშინ- დელი სავალალო მდგომარეობა. მანამდე ვრცელდე- ბოდა ინფორმაცია, რომ ბედია, საომარი მოქმედებე- ბის დროს, ჭურვების აფეთქებას შეეწირა, მაგრამ აღ- მოჩნდა, რომ კათედრალი არ დანგრეულია და ეს მარ- თლაც სასიხარულო ცნობა იყო. თუმცა ჩამოტანილ მასალებზე ასევე კარგად ჩანდა, რომ ტაძრის იატაკი აყვარათ, ხოლო ბაგრატ III-ის ფრესკა საგულდაგუ- ლოდ გაენადგურებინათ. ამ ექსპედიციას მოჰყვა დო- კუმენტური ფილმი „ბედია“. ამის შემდეგ ეს ამბავი მი- ვიწყებას მიეცა. არავის გახსენებია, რომ 2003-2004 წლებში (შესაძლოა უფრო ადრეც) ვანდალები, რო- მელთაც ეროვნება არ გააჩნიათ, ბედიის ტაძარში მი- ზანმიმართულად სპობდნენ ყოველივე ქართულს.

ეს ინფორმაცია, სამწუხაროდ, არავის მიუწოდე- ბია საერთაშორისო ორგანიზაციებისთვის. ეს რომ გაგვეკეთებინა, იქნებ დღევანდელი „რესტავრაცია“ თავიდან აგვეშორებინა.

აქვე უნდა ითქვას ისიც, რომ როგორღაც ბოლო პერიოდში ჩვენ ვსაუბრობთ მხოლოდ ილორისა და ბედიის „რესტავრაციაზე“, მაგრამ აფხაზეთში ასო- ბით ტაძარი და ციხესიმაგრეა, რომლებიც ქართულ ისტორიულ მემკვიდრეობას წარმოადგენს. მათ მდგომარეობაზე კი ალბათ მაშინ დავიწყებთ საუ- ბარს, როდესაც „ურემი გადაბრუნდება“ და ამ ძეგ- ლებს არსებობის საფრთხე შეექმნება. სახელმწიფო უწყებებმა და არასამთავრობო ორგანიზაციებმა დროულად უნდა მიაწოდონ ინფორმაცია საერთაშო- რისო ორგანიზაციებს და მოახერხონ მათი ჩართვა აფხაზეთში არსებული ისტორიული მემკვიდრეობის დაცვაში. ამ ეტაპზე ყველაზე სამური საქმე ამის მიღ- წვევაა. ბაგრატ III-ის ფრესკის გაქრობა მის ღვაწლს ოდნავადაც არ აჩინებს. ეს ფაქტი თანამედროვე ქარ- თველობას უფრო აყენებს ჩრდილს, რომ ვერ მოეუ- არეთ ერთიანი საქართველოს პირველი მეფის ერ- თადერთ ფრესკას.



ბაგრატ III-ის ფრესკის ბაჰრობა მის ღვაწლს ოდნავადაც არ აჩინებს. ეს ფაქტი თანამედროვე ქართველობას უფრო აყენებს ჩრდილს, რომ ვერ მოეუარეთ ერთიანი საქართველოს პირველი მეფის ერთადერთ ფრესკას

ისტორიულ-შემცენებითი ჟურნალი „ისტორიანი“

მთავარი რედაქტორი
ჯაბა სამუშია

რედაქტორი
გელა გურგენიძე

სტილისტი-რედაქტორი
ელენე სალარიძე

კომპიუტერული უზრუნველყოფა
რეზო თხილიშვილი

სარედაქციო კოლეგია:
ალექსანდრე ბოშიშვილი
ოქროპირი ჯიქური
ნინო ჯაფარიძე

კორექტორები:
ნანა მაჭკაურიანი
ნინო აბესაძე

რედაქციის მისამართი:
თბილისი, იოსებძის ქ. №49
ტელ.: 238-13-72, 238-02-45

სარეკლამო განყოფილება
ტელ.: 237-78-07, 238-78-70
e-mail: istoriani@palitra.ge

ჟურნალი გამოდის თვეში ერთხელ

რედაქციის ნებართვის გარეშე
მასალების გადაბეჭდვა აკრძალულია

ჟურნალის გამოსწორების მიმართულებით პრესისა და წიგნების გავრცელების სააგენტოს „ელვა.ჯი“.
ტელ.: 238-26-73, 238-28-74, 214-09-91



ბედიის ტაძარი

ბაგრატ III-ის ფრესკა 2005 წელს განადგურდა...

ბაგრატ III კურაპალატის ფრესკა ბედიის მონასტერში განადგურებულია. ინფორმაცია ამის შესახებ კულტურული მემკვიდრეობის დაცვის ეროვნული სააგენტოს წარმომადგენელმა გიორგი გაგოშიძემ გააუარცელა, მაგრამ არ დაუზუსტებია თარიღი, კონკრეტულად როდის მოხდა ფრესკის განადგურება.

მომხდარის გამო ოფიციალურმა თბილის-მაც და ქართულმა მედიასაშუალებებმაც განგაში იანერის პირველ ნახევარში ატქეს. თუმცა როგორც ირკვევა, ერთიანი საქართველოს პირველი მეფის ერთადერთი გამოსახულება, რომელიც ბედიის მონასტრის კედელზე იყო შემორჩენილი, გაცილებით ადრე გაქრა და ეს ოფიციალური სტრუქტურებისთვისაც ცნობილი იყო.

ბაგრატ III კურაპალატის ფრესკის განადგურების შესახებ ინფორმაცია ჯერ კიდევ 2005 წელს გაუარცელდა, მას შემდეგ, რაც შურნალისტმა თეა შარიაშვილმა და რეჟისორმა ტარიელ სოხაძემ აფხაზეთის ტერიტორიაზე შედწევა და ბედიის მონასტრის მონახულება მოახერხეს (ისინი იმ დროისთვის არასამთავრობო ორგანიზაცია „შემოქმედებით სალონს“ წარმოადგენდნენ).

2006 წლის მარტში ოკუპირებულ ტერიტორიაზე მდებარე კიდევ რამდენიმე ტაძარი გადაიღეს, რაც თავისუფლების ფასად დაუჯდათ. 3 მარტს ქართველი ჟურნალისტი და რეჟისორი სოხუმში, აფხაზ გიდათან და თეა შარიას სიძესთან ერთად დააკვეს.

„ბედიის მონასტერი 2005 წელს მოვიანხულეთ. 1-ელ მაისს, ადღგომა დღეს. წინასწარ გექონდა ინფორმაცია, რომ ტაძარში რალაც სამუშაოებს აწარმოებდნენ. 2004 წელს გათხარეს მონასტრის შიგნით მდებარე სამარხები, რადგან ბაგრატ III-ის საფლავს ეძებდნენ.

სწორედ ეს იყო ერთ-ერთი მიზეზი, რის გამოც ქართული სახელმწიფოს კონტროლს მიღმა დარჩენილ ტერიტორიაზე მდებარე



ბაგრატ III-ის ფრესკის ორი ათწლეულის წინანდელი ფოტოგრაფია

ტაძრების გადაღება გადაწყვეტილი. მოვარზ-
ეთ ბედიის მონასტრის, ასევე მის ეზოში მდ-
ბარე ეპისკოპოსთა სასახლის ქვედა სართუ-
ლის სრულად გადაღება. სწორედ ჩვენ მიერ
გადაღებული კადრებით სარგებლობს დღეს
ტელეკომპანია „იმედი“, როდესაც ამ თემაზე
მასალებს ამზადებს.

ბაგრატ III-ის ფრესკა 2005 წელს უკვე
აღარ არსებობდა. ამას გარდა, დამწვარი იყო
ის ქვა, სადაც იყო წარწერა ტაძრის აღმ-
შენებლებისა და აშენების ისტორიის შესახებ.

2006 წელს, სოხუმში ტყვეობიდან დაბ-
რუნების შემდეგ კიდევ ერთხელ ვცადე ამ
თემის წამოწევა, მაგრამ არაფერი მიაქცია
ყურადღება. მხოლოდ იმ ფოტოთი დაინტერ-
ესდნენ, რომელიც თუ შარიასთან ერთად ბე-
დიის მონასტერში გადავიღეთ გაშლილი
ქართული დროშით ხელში. ამ ფოტოს გამო-
ქვეყნება უნდოდათ, — იხსენებს „ისტორი-
ანთან“ საუბრისას ტარიელ სოხაძე.

რეჟისორი აღნიშნავს, რომ 2005 წელს
რუსულ მხარეს უკვე დაწყებული ჰქონდა
ილორის ტაძრის ე.წ. რესტავრაცია და ამ
თემაზე თუ შარია, ტყვეობიდან დაბრუნებ-
ის შემდეგ, 2006 წელს რამდენიმე განცხადე-
ბა გააკეთა.

ტარიელ სოხაძე: „ტაძრებთან რუსი
სამხედროების საგუშაგოები იყო და ისინი
აკონტროლებდნენ, ვინ შედიოდა და გამოდიო-
და ამ ტერიტორიაზე. ე.წ. სარესტავრაციო სა-
მუშაოებზე იძულების წესით იქ დარჩენილ
ქართველებსაც აშუშავდნენ. სწორედ მათი
დახმარებით ვიღებდით ინფორმაციას, რომ
ილორის ტაძარზე რუსული გუმბათის დადგმას
გეგმავდნენ. ამაზე განვაცხადეთ, ბევრიც
ვიყვირეთ, თუმცა მაშინ არაფერი დაინტერესდა“.

რეჟისორი იხსენებს ნიკა ვაჩიშვილის მიერ
(რომელიც იმ პერიოდში კულტურის მინისტრის
მოადგილე იყო) „კვირის პანორამასთან“ 2005
წლის ივლისში გაკეთებულ განცხადებასაც,
რომელშიც აღნიშნულია: „ცოტა ხნის წინ, აფხ-
აზეთის კულტურის სამინისტროს დახმარებით,
სტუდენტებმა აფხაზეთში მდებარე რამდენიმე
ხუროთმოძღვრული ძეგლი მოინახულეს.
მოდრობას თან ახლდა გულის ამაჩუყებელი
შეხვედრები აფხაზეთთან. გაგიკვირდებათ და
მაგალითად, ბედიის ტაძარსა და სხვა ძეგლებს
ადგილობრივი მოსახლეობა უყლის. ეს ბუნე-
ბრივი პროცესია, რადგანაც აფხაზეთის ტერი-
ტორიაზე არსებული ხუროთმოძღვრულ-კულ-
ტურული მემკვიდრეობა ერთობლივი ქართულ-



*ამ ადგილას ბაგრატ III-ის ფრესკასთან ერთად
გამოსახული იყო უცნობი პირის ფრესკა წარწერით.
დღეს ეს მხოლოდ მცირე ფრაგმენტია დარჩენილი*

აფხაზური ფენომენია. ასე რომ, ამ ორი ერის
გაყოფა და თქმა იმისა, რომ ეს მხოლოდ ჩვენი
ძეგლებია და აფხაზებმა მათ ხელი არ უნდა
ახლონ, არასწორია“.

დღეს კი, ოფიციალური ინფორმაციით,
ერთადერთი რამ, რაც ქართული მხარისთვის
ცნობილია, არის ის, რომ ბაგრატ III-ის გა-
მოსახულება რუსული მხარის მიერ მონას-
ტერში „კედლების გამაგრების მიზნით“ წარ-
მოებული სამუშაოებისას განადგურდა.

კულტურული მემკვიდრეობის დაცვის
ეროვნული სააგენტოს ხელმძღვანელი ნიკა
ვაჩიშვილი ვერ იხსენებს, რომ ინფორმაცია
ბაგრატ III-ის ფრესკის განადგურების შესახებ
უკვე 2005 წელს ჰქონდა.

„ჩვენი ინფორმაციით, ამ პერიოდში ადგ-
ილი ჰქონდა ვანდალიზმს. ბაგრატის ფრესკა-
ზე რუსული წარწერები იყო გაკეთებული ან
ამოკაწრული. თუმცა, ამის მიუხედავად, ის
მანაც შენარჩუნებული იყო. ფრესკა სადაც
2007-2009 წლებში განადგურდა“, — განაცხ-
ადა ნიკა ვაჩიშვილმა.

შეკითხვაზე, — რატომ არ მიაქცია კულ-
ტურის სამინისტრომ ყურადღება 2005 წელს
გადაღებულ მასალას, სადაც ფიქსირდებოდა,
რომ ბაგრატის ტაძარში ერთიანი საქართვე-
ლოს პირველი მეფის ფრესკა განადგურებუ-
ლი იყო და განგაში რატომ არ ატყუეს, — ნიკა
ვაჩიშვილმა განაცხადა, რომ ინფორმაცია,
თითქოს ფრესკა უკვე 2005 წელს იყო განად-
გურებული, მისთვის უცნობია.



ეპისკოპოსების სასახლის შესასვლელში ნაპოვნი ქართული წარწერები

„რუსული მხარე წერს, რომ კედლის მოჭარბებული და არალოგიკური ინიექტირება გააკეთეს, რამაც გამოიწვია ფრესკის ჩამონგრევა. წერენ, რომ ეს იყო დაახლოებით 8 წლის წინ, ანუ 2004 წელს. 2005-2006 წლებში კი გაჩნდა მინაწერები, ხოლო 2007-2009 წლებში კედლის სარემონტო სამუშაოებისას მოხდა ფრესკის ჩამონგრევა“, — განმარტა კულტურული მემკვიდრეობის დაცვის ეროვნული სააგენტოს ხელმძღვანელმა.

ერთიანი საქართველოს პირველი მეფის ფრესკა ბედიის ტაძარში, შიდა ინტერიერში, სამხრეთის კედელზე იყო შემორჩენილი. ის X-XI საუკუნის მიჯნაზე მოუხატავთ, შემდეგ XIV საუკუნეში განუახლებიათ. ბაგრატ III-ის ფრესკა და წარწერა XX საუკუნის 30-იან წლებში ზედმიწევნით ზუსტად აღწერა ცნობილმა ფერმწერმა, გრაფიკოსმა და კარიკატურისტმა, ოსკარ შმერლინგმა. მაშინ ფრესკაც და წარწერაც სრულად იყო შემონახული.

როგორც ისტორიკოსი ლია ახალაძე იხსენებს, ბაგრატ III კურაპალატის ფრესკა გასული საუკუნის 80-იანი წლების ბოლოსაც კარგად იყო დაცული. ასევე იკითხებოდა სამი გრაფემა — რატ — რაც კურაპალატის სახელის — ბაგრატის — ფრაგმენტს წარმოადგენდა და ზემოდან ქვემოთ თეთრი საღებავით იყო შესრულებული. ლია ახალაძე იმ ექსპედიციის წევრი იყო, რომელიც 1988-1989 წლებში ბედიის მონასტრის გაწმენდით და სარესტავრაციო სამუშაოებს აწარმოებდა.

მაშინ ექსპედიციის წევრთა ამოცანას ირგვლივ მდებარე ჯაგნარისგან ბედიის ტაძრის გაწმენდა წარმოადგენდა. არქეოლოგიურ გათხრებს კი რეზო ზვისტანი ხელმძღვანელობდა. 1988-1989 წლებში ბედიის ტაძარი დროე-

ბითი გუმბათით გადაიხურა, გაიწმინდა მიმდებარე ტერიტორია, ასევე საკათოლიკოსო პალატა, რომელიც XVI საუკუნეს განეკუთვნება, ხოლო ტაძრის პერანგის გასაშავებლად, რომელიც XIX საუკუნისაა, მონასტერს ხარაჩოები შემოეწყო.

სარესტავრაციო სამუშაოებს ბედიის მონასტერში ამჟამად რუსული კომპანია „ტექტონიკი“ აწარმოებს. ლია ახალაძის ინფორმაციით, კომპანიამ სარესტავრაციო სამუშაოები „აუზახეთის ეკლესიის“ თვითგამოცხადებული მეთაურის, ბესარიონ აპლიას ინიციატივით დაიწყო 2010 წელს. ისტორიკოსის განმარტებით, სქემა, რომლის მიხედვითაც რუსული კომპანია რესტავრაციას ატარებს, კრიტიკას ვერ უძლებს. ბედიის სამონასტრო კომპლექსი წარმოადგენს ქართული ხუროთმოძღვრების ერთ-ერთ უნიკალურ ძეგლს და შესაბამისად, სარესტავრაციო სამუშაოების ჩატარების პროცესში, ძეგლის ავთენტურობის შენარჩუნებისა და დაცვის მიზნით, აუცილებელია სარესტავრაციო სამუშაოებში ჩართული იყვნენ ძველი ქართული ხუროთმოძღვრების სპეციალისტები და ქართული მხარე.

ისტორიკოსი ასევე აღნიშნავს, რომ ტაძრის ინტერიერის რესტავრაციის დროს, აუცილებელია შემორჩენილი ფრესკული მონასტრობის კონსერვაცია-რესტავრაცია, რაც ქართული ფრესკული ხელოვნების სპეციალისტისა და რესტავრატორის ადგილზე მუშაობას მოითხოვს.

წინო ჯაგნარიძე



ტარიელ სოხაძე ბედიის ტაძრის საკურთხევლიდან. 2006 წელი



მორიბ გაყინვარებას სათბურის გაზები აჩერებს

სათბურის გაზების გამოტყორცნა მომდევნო გამყინვარების დადგომას აფერხებს. ამ დასკვნამდე ბრიტანელი მეცნიერები მივიდნენ. გამყინვარების უკანასკნელი პერიოდი დაახლოებით 11,5 ათასი წლის წინათ დასრულდა და მეცნიერები დღემდე კამათობენ, როდის დაიწყება შემდეგი.

ბრიტანელ მკვლევართა ჯგუფმა სამეცნიერო ჟურნალ Nature Geoscience-ში გამოაქვეყნეს სტატია, რომელშიც მოცემულია ახალი მონაცემები კლიმატის ცვლილებებზე დედამიწის ორბიტის ვიბრაციისა და სხვა მრავალი ფაქტორის ზემოქმედების შესახებ.

მათი დასკვნები მოწმობს, რომ გამყინვარების მომდევნო პერიოდი უახლოესი 1500 წლის განმავლობაში უნდა დადგეს, მაგრამ ეს არ მოხდება სათბურის გაზებით დედამიწის ატმოსფეროს გაჯერების გამო.

ბრიტანული სამეცნიერო ჯგუფის ხელმძღვანელის, კემბრიჯის უნივერსიტეტის დოქტორ ლიუკ სკინერის განცხადებით, „სათბურის გაზების გამოტყორცნის საერთოდ შეწყვეტის შემთხვევაშიც, გამყინვარებათაშორისი პერიოდი დედამიწაზე მაინც გახანგრძლივდება. მისი ხანგრძლივობა კი იმ ბუნებრივი პროცესებით განისაზღვრება, რომელიც ატმოსფეროში ნახშირორჟანგის დონის შემცირებაზეა პასუხისმგებელი“.

უკვე განიხილება ვერსია, რომ ანთროპოგენური ფაქტორები, მათ შორის ატმოსფეროში სათბურის გაზების გამონაბოლქვის ზრდა, რომელიც ხელს უშლის გამყინვარების პერი-

ოდის დადგომას, დადებითი ზემოქმედებაა.

ჯერ კიდევ 1999 წელს ცნობილი ასტრონომები სერ ფრედ ჰოილი და ჩანდრა ვიკრამასინგჰი მიუთითებდნენ, რომ გამყინვარების ახალ პერიოდს ხალხის მასობრივი განადგურება მოყვებოდა, თუნდაც იმის გამო, რომ სასოფლო-სამეურნეო სამუშაოები დედამიწის მეტად დიდ ტერიტორიაზე შეუძლებელი გახდებოდა.

მომზადებულია BBC-ის მასალების მიხედვით



უკველესი მომდარალი ქალი მეფეთა ველზე



ეგვიპტელმა და შვეიცარიელმა არქეოლოგებმა მეფეთა ველზე მომდარალი ქალის საფლავს მიაკვლიეს, რომელიც კარნაკის სამონასტრო კომპლექსში გამოდიოდა.

ეგვიპტის სიძველეთა სამინისტროს ხელმძღვანელ მანსურ ბორაიკას განცხადებით, ეს პირველი შემთხვევაა, როდესაც მეფეთა ველზე მიაკვლიეს ქალის სამარხს, რომელიც ფარაონთა ოჯახის წევრი არ არის.

აღმოჩენილი მასალების თანახმად, მომდარლის სახელი იყო ნემეს ბასტეტი, რომელსაც ქალისთვის ქალღმერთ ბასტეტის მფარ-

ნემეს ბასტეტის სარკოფაგი



ველობა უნდა მოეტანა. ბასტეტი ძველ ეგვიპტურ პანთეონში ქალური სილამაზის ქალღმერთი იყო, კატის სახით.

როგორც მეცნიერები აღნიშნავენ, მომდარალი კარნაკის სამონასტრო კომპლექსში გამოდიოდა. ეს კომპლექსი დაახლოებით 3500 წლის წინ აშენდა უძველესი ეგვიპტური ღმერთის, ამონის სახელზე.

არქეოლოგებმა ნემეს ბასტეტის სარკოფაგი 22-ე დინასტიის მმართველობის პერიოდით (ძვ.წ. 945-715 წწ.) დაათარიღეს. მომდარალი ქალი სავარაუდოდ ღვთაება ამონ-რას ქურუმის ქალიშვილი იყო და ამ ღმერთის სადიდებელ სიმღერებს ასრულებდა.

ნემეს ბასტეტის სარკოფაგს არქეოლოგებმა შემთხვევით, მეზობელი საფლავის გათხრებისას მიაკვლიეს. მეცნიერთა აზრით, ეს სამარხი მომდარლის დაბადებამდე 400 წლით ადრე აშენდა, თუმცა უცნობია, ვისთვის იყო განკუთვნილი.

მეფეთა ველი ეგვიპტის ერთ-ერთი ყველაზე ღირებული არქეოლოგიური ძეგლია. 1922 წელს სწორედ აქ მიაკვლიეს ფარაონ ტუტანჰამონის საფლავს.

მომზადებულია Associated Press-ის მასალების მიხედვით

ციმბირული დინოზავრის „მკვლელი ნათესავი“ ბრაზილიდან

მკვლევართა საერთაშორისო ჯგუფმა ბრაზილიაში ანთოზავრის „ნათესავებს“ მიაკვლია, — უძველეს ხვლიკებს, რომელთა ნაშთებიც ადრე მხოლოდ რუსეთში, აფრიკასა და ჩინეთში იყო აღმოჩენილი. მეცნიერებმა აღმოჩენის შესახებ სტატია ჟურნალ National Academy of Sciences-ში გამოაქვეყნეს.

გიგანტური ხვლიკის ნამარხი (თავის ქალა და ქვედა ყბის ნაწილი) ბრაზილიის სამხრეთში აღმოაჩინეს. ახალ სახეობას Pampaphoneus biccai-ი უწოდეს, რაც „პამპელ მკვლელს“ ნიშნავს. პამპა ველია სამხრეთ ამერიკის სამხრეთ-აღმოსავლეთით. Pampaphoneus biccai-ი მეცნიერებმა აღმოჩენილი

თავის ქალისა და ქვედა ყბის ძვლის წყობის მიხედვით აღწერეს. ნამარხის ასაკი 250 მილიონი წელიწადია.

მკვლევართა აზრით, „პამპელი მკვლელი“ შხამიანი იყო. ახალი აღმოჩენა იძულებულს ხდის მეცნიერებს, გადახედონ სამხრეთ ამერიკის კონტინენტის დასახლების სქემას. კერძოდ, ვარაუდობენ, რომ ძველმა გიგანტურმა ხვლიკებმა გაცილებით ადრე დაიწყეს მიგრაცია სამხრეთ ამერიკის კონტინენტზე ციმბირთან დამაკავშირებელი სახმელეთო ყელით, ვიდრე ამას აქამდე ვარაუდობდნენ.

მომზადებულია sciencenewsblog-ის მასალების მიხედვით



talizi

თქვის გაღანერგვის ცენტრი

ტაშკენეტის 27. ტელ: 2141515

WWW.TALIZI.GE

დავით აღმაშენებლის

„ქლავაი საკვირველი“

დიდგორის ბრძოლას გამორჩეული ადგილი უკავია საქართველოს ისტორიაში. ეს გამარჯვება დამოუკიდებლობისა და თავისუფლებისათვის ბრძოლის, ერთიანობის, ქვეყნისთვის თავდადების სიმბოლოა. იმავდროულად, დიდგორი ქართული სამხედრო წარმატებების ნიშანსვეტია.

არ იქნებოდა დიდგორი, რომ არა დავით IV აღმაშენებლის 32-წლიანი მოღვაწეობა. არ დაუდგებოდა საქართველოს „ოქროს ხანა“, დიდგორზე ბრწყინვალე გამარჯვება რომ არ მოგვეპოვებინა.

დავით აღმაშენებლის ფრესკა გელათში



მსოფლიოს ნებისმიერი ერი ამაყობს თავისი სამხედრო წარმატებებით. ხშირად პომპეზურობით აღნიშნავენ გამარჯვების დღეს. ბუნებრივია, ქართველებსაც გვმართებს, მოვეფრთხილდეთ ჩვენს ისტორიულ მქსიერებს და სათანადო პატივი მივაგოთ სამშობლოსთვის თავდადებულ გმირებს.

1121 წლის 12 აგვისტოს დიდგორის ვიწროებში მდგარ ქართველ მეომრებს გაცნობიერებული ჰქონდათ, რომ ეს დღე მათი სამშობლოსა და მათი ოჯახებისთვის შეიძლება გადაწყვეტი გამხდარიყო. ერი და ბერი სა-

განგებოდ ემზადებოდა. სამეფო კარი ჯარს საბრძოლველად ამზადებდა. ეკლესიებში ქართველთა გამარჯვების ლოცვას ადავლენდნენ. სამწუხაროდ, წერილობით წყაროებს არ შემოუნახავთ ცნობები, როგორ ემზადებოდა ქართველობა დიდგორის ბრძოლისთვის, ეს ამბები სამუდამოდ ჩაიკარგა ისტორიის ქარტეხილებში. რამდენ უძილო ღამეს გაატარებდა დავით აღმაშენებელი ბრძოლის საბოლოო გეგმის შემუშავებისას. მტერი საკმაოდ გამოცდილი იყო და ამიტომაც ყოველივე გათვლილ-დაანგარიშებული უნდა ყოფილიყო.

მუსლიმთა კოალიციური ლაშქარი ნელ-ნელა მოიწევდა საქართველოს სიღრმისკენ. მტერი დიდ იმედს ამყარებდა ამ ლაშქრობაზე. ერთხელ და სამუდამოდ „ჭკუა უნდა ესწავლებინათ“ ქართველთათვის, რომლებმაც არა მარტო შეაეწიროეს თურქ-სელჩუკები, არამედ ამიერკავკასიაში პირველობისთვის დაიწყეს ბრძოლა. 1120-1121 წლები ქართველთათვის მეტად წარმატებული გამოდგა. დავით აღმაშენებელმა რამდენიმე დიდ გამარჯვებას მიაღწია თურქ-სელჩუკებთან ბრძოლაში. 1120 წლის 14 თებერვალს ქართველებმა ბოტორასთან დაამარცხეს თურქები. მალე ქალაქი ყაბლაც აიღეს და შირვანიდან განდევნეს მტერი. იმავე წლის ნოემბერში დავითმა აშორნიასთან სასტიკად დაამარცხა სელჩუკები. ქართველთა ეს წარმატება 1121 წელსაც გაგრძელდა. ამიერკავკასიაში ქართველთა სამხედრო უპირატესობა აშკარა შეიქნა. ამით შეშფოთებულმა განძელ-თბილელ-დმანელმა ვაჭრებმა და ადგილობრივმა მუსლიმმა მმართველებმა სპარსეთის სულთანს სთხოვეს დახმარება საქართველოს წინააღმდეგ ბრძოლაში. სულთანმა მაჰმუდ მუჰამედის ძემ მთელ მუსლიმანურ სამყაროს მიმართა თხოვნით, დიდი კოალიციური ლაშქარი შეეკრიბათ ქართველთა წინააღმდეგ. სულთნის ამ თხოვნას ბევრი გამოეხმაურა. უმოკლეს ხანში შეიკრიბა 300-400-ათასიანი არმია. მას მაჰმუდ მუჰამედის



*გუსტავ დორეს გრაფიკული ნახატი:
„ილაზი ათვისუფლებს გოტიეს“*

თრიალეთის ზეგანის ხედი, სადაც, დავით აღმაშენებლის ისტორიკოსის მიხედვით, მტერი თვდაპირველად დაბანაკდა



დიდგორის სანახები, სადაც ბრძოლა გაიმართა



ქემ სარდლად ნეჯმ ად-დინ ილლაზი დაუყენა. აღმოსავლეთში ილლაზის სახელი იმ დროისთვის დიდების შარაუნდედით იყო მოსილი. იგი ფლობდა ბაღდადის, მარდინისა და ალეპოს ციხე-ქალაქებს. ილლაზმა განსაკუთრებით გამოიჩინა თავი ევროპელ რაინდებთან ბრძოლაში. 1119 წელს მან მდინარე ორონტის ნაპირებთან ე.წ. „სისხლიან ველზე“ სასტიკი დამარცხება აგემა ჯვაროსნებს. ამ გამარჯვების გამო ილლაზს „ნეჯმ ად-დინი“ — „სარწმუნოების ვასკვლავი“ უწოდეს.

ნეჯმ ად-დინ ილლაზთან ერთად ლაშქრო-

ბაში მონაწილეობდნენ დუბაის ემირი იბნ-სადაყა, თოღრულ მოჰამედის ძე, თულან არსლან კუზიანი, განძის ათაბაგი და სხვა მუსლიმი მმართველები.

აგვისტოს დასაწყისში მუსლიმანური კოალიცია საქართველოსკენ დაიძრა. ილლაზი ჯერ არზრუმში მოვიდა. სწორედ აქ უნდა მოეყარათ თავი სხვადასხვა მხრიდან წამოსულ ილლაზის მოლაშქრეებს. თოღრულ მოჰამედის ძე განძის მხრიდან, ხოლო თულან არსლან კუზიანი დვინის მხრიდან მოემართებოდა. „პაემანი“ თრიალეთში იყო დათქმული. დავით აღ-

დავით აღმაშენებლის ხელრთვა



მოეტყუებინა მტერი და ისე მიეყვანა ის ქართველებისთვის მომგებიან პოზიციებზე, რომ ისინი ვერ მიმხვდარიყვნენ. სხვაგვარად გეგმა ჩაიშლებოდა. მუსლიმ ავტორ ქემალ ადდინს აქვს ერთი ცნობა, რომელიც ნათულს ფენს ქართველთა სამხედრო ხრიკს. ისტორიკოსი მოგვითხრობს: „მუსლიმანებმა, რომლებმაც თავდაპირველად დაამარცხეს ისინი (ე.ი. ქართველები), მისდიეს მტერს და მოექცნენ მათ ზურგში მთის გადასასვლელზე“ (თარგმანი გურამ კუტალიასი). როგორც ვხედავთ, დიდგორი არ ყოფილა ქართველებისა და მუსლიმური კოალიციის დაპირისპირების პირველი პუნქტი. ამ სამხედრო კამპანიის მიხედვით, მათ მანამდეც ჰქონიათ შეტაკება, მაგრამ ქართველები დამარცხებულან. აქ ერთი რამ არის გასარკვევი, ქართველები მართლა დამარცხდნენ თუ სტრატეგიული მიზნების გამო გაითამაშეს დამარცხების სცენა. როგორც ჩანს, ეს უკანასკნელი მოსაზრება უფრო მისაღებია, რადგანაც სწორედ ამ სამხედრო ხრიკის წყალობით დავითმა მტერი საფარში შეიტყუა. ვინც დიდგორზე ყოფილა, დამეთანხმება, ჭკვიანი და გამოცდილი სარდალი აქ ჯარს ნამდვილად არ შემოიყვანდა, მით უმეტეს, თუ აქცენტი მის რიცხობრიობაზეა გადატანილი. ილღაზს საკმაოდ გამოცდილი იყო იმისთვის, რომ სამხედრო სტრატეგიის ეს ელემენტარული დეტალი არ სცოდნოდა. ჩვენი აზრით, ილღაზს ქართველები უკვე „დამარცხებული“ ეგონა, როდესაც დიდგორზე მივიდა. სწორედ ამის იმიტაცია შეუქმნა მას დავითმა. ამდენად, საქართველოს საზღვრის გადმოლახვიდან მოყოლებული ილღაზს ეგონა, რომ საკუთარი სამხედრო გეგმის მიხედვით მოქმედებდა, არადა ეს იყო ქართველ მხედართმთავართა მიერ წინასწარ შემუშავებული სტრატეგია.

მაშენებლის ისტორიკოსის მიხედვით, მტერი „მოვიდეს თრიალეთს, მანგლისს და დიდგორთა, რომელიც თვით ფერხთა ზედა ვერ ეტეოდეს ამათ ადგილთა“. დავით აღმაშენებელი დიდგორის ვიწროებში ელოდებოდა მტერს, რომელიც იყო „სიმრავლითა ვითარცა ქვიშა ზღვისა“. საუსებით სამართლიანად მიუთითებს აკადემიკოსი როინ მეტრეველი, რომ დიდგორის მდებარეობის სტრატეგიულმა მნიშვნელობამ განაპირობა დავით აღმაშენებლის მიერ მისი ბრძოლის ადგილად შერჩევა. დიდგორის ვიწროებები მტერს საშუალებას არ მისცემდა, გაშლილიყო და თავისი რიცხობრივი უპირატესობა გამოეყენებინა.

მაგრამ მუსლიმური კოალიციის დიდგორზე შემოტყუება არც ისე ადვილი იყო. ილღაზს ჰქონდა თბილისამდე მისაღწევი სხვა გზაც. დავითის წინაშე იდგა ერთი ამოცანა, მას სამხედრო ეშმაკობის წყალობით უნდა

1121 წლის 12 აგვისტო, გარიჟრაჟი. დიდგორის ველზე ჯერ კიდევ სიწყნარეა, მხოლოდ აბჯრის ჟღარუნი და ცხენების ფრუტუნი ისმის. აქა-იქ მეომრები გადაუძახებენ ერთურთს. დავითმა ჯარის საბრძოლო მზადყოფნა ბრძანა. ხუცესები მეომრებს ლოცავენ. ანტიოქიის სამთავროს კანცლერ გოტიეს ცნობით, ბრძოლის დაწყების წინ დავით აღმაშენებელს მგზნებარე მოწოდებით მიუმართავს თავის მეომრებისთვის: მეომარნო ქრისტესანო! თუ ღვთის სჯულის დასაცავად თავდადებით ვიბრძოლებთ, არამცთუ ეშმაკის ურიცხვ მიმდევართა, არამედ თვით ეშმაკ-

ღიდი ბრძოლები

საც ადვილად დაფამარცხებთ. და ერთს რას-მე გირჩევთ, რაც ჩვენი პატიოსნებისა და სარგებლობისთვის კარგი იქნება. ჩვენ ყველამ, ხელების ცისკენ აპყრობით, ძლიერ ღმერთს აღთქმა მივცეთ, რომ მისი სიყვარულისთვის ამ ბრძოლის ველზე დაეიხოცებით და არ გავიქცევით. და რათა არ შეგვეძლოს გაქცევა, კიდევ რომ მოვინდომოთ, ამ ხეობის შესავალი, რომლითაც შემოვსულვართ, ხეთა ხშირი ხორგებით შევკარით და მტერს, როცა მოგვიახლოვდება ჩვენზე იერიშის მოსატანად, მტკიცე გულით დაუნდობლად შევუტით.

ბრძოლის წინ დავითმა საგანგებოდ შეარჩია 200 მეომარი. მათ უდიდესი მისია დაეკისრათ. ბრძოლის ბედი ბევრად იყო იმაზე დამოკიდებული, როგორ შეასრულებდნენ ისინი მეფის დაჯარვას. ამ მეომრებმა თავიდანვე იცოდნენ, რომ სამშობლოს, რწმენისა და მეფის ერთგულებისთვის სიკვდილზე მიდიოდნენ. რაოდენ გულდასაწყვეტია, რომ ამ 200 გმირი ქართველის არც სახელი და არც ოჯახური წარმომავლობა არ ვიცით.

გათენდა. უეცრად ქართველთა ლაშქარს 200 მეომარი გამოეყო და ილაზის ბანაკისკენ დაიძრა. მორჩილების ნიშნად ხმლები მალლა ჰქონდათ აწეული. მტერმა იფიქრა, დანებებას აპირებენო და კარგა ღრმად შეუშვეს ბანაკში. უეცრად ქართველებმა იარაღი იმშველეს და მოწინააღმდეგეს დაეროვნენ. ილაზის მეომრები დაიბნენ. სანამ გონს



კელათი





დიდგორის ბრძოლის ასპარეზი. რეკონსტრუქცია

მოვიდოდნენ, დავით აღმაშენებელმა შეტევა წამოიწყო და მტერს რამდენიმე მხრიდან შეუტია. ლაშქრის ცენტრს დავითი ედგა სათავეში. ფლანგებზე ყოჩაღთა და დემეტრე უფლისწულის ჯარები იყო განლაგებული. ბრძოლის დაწყებისთანავე დემეტრე უფლისწული დიდგორის ერთ-ერთი მთიდან დაეშვა და ილღაზის არმიას გვერდიდან შეუტია. პირველივე შებრძოლებისას მტრის ბანაკი შეირყა. სარკინოზები არ ელოდნენ ქართველთა ასეთ სწრაფ და ფართომასშტაბიან იერიშს. დავითმა მართლაც გენიალური სამხედრო გეგმა დაუპირისპირა ილღაზს. მტერი 300-400 ათასამდე იყო, ხოლო ქართველთა ლაშქარი 55 600 მოლაშქრისგან შედგებოდა. სარკინოზთა რიცხობრივი უპირატესობა იმდენად დიდი იყო, რომ ხანგრძლივ ომს ქართველთა ლაშქარი ვერ გაუძლებდა. ამიტომაც, პირ-

ველ მასობრივ შეტევას დიდი მნიშვნელობა ჰქონდა. ყველაფერი გეგმის მიხედვით წარიმართა. ბრძოლა სამ საათამდე გაგრძელდა. მტერმა ვერ გაუძლო ქართველთა ასეთ იერიშს და უკუიქცა. ბრძოლის ბედი გადაწყვეტილი იყო. ილღაზის არმიას ქართველებმა დიდგორიდან 70 კილომეტრზე სდიეს. ტყვე და ალაფი აუარებელი იყო. მართლაც, დიდგორზე ქართველობამ შეუძლებელი შეძლო. შემთხვევითი არ არის, რომ დავითის ისტორიკოსი დიდგორის გამარჯვებას „ძღვევის საკვირველს“ უწოდებს.

ქართველი ერი ყოველთვის დიდი მოწინეებით იხსენიებდა დიდგორის გმირებს. მათი ხსოვნის უკვდავსაყოფად კი ხალხმა ეროვნული დღესასწაული „დიდგორობა“ დააწესა.

ჯაჯა სამუშია

„უაილდ უესტის“ მხედრები

გურიასა და გურულებთან დაკავშირებულ თემაზე კვლევა-ძიების შედეგად მივედი დასკვნამდე, რომ ჩვენი ქვეყნის ისტორიის სწავდასხვა ეტაპზე გურულები ერთ-ერთი „პირველი ვიოლინოს“ პარტიას ასრულებდნენ: ისინი ან ჯანყდებოდნენ, ან რევოლუციონერობდნენ, ან მთავრობაში იხსდნენ, ან ტყვეში იყვნენ გაფარდნილი ან კიდევ ამერიკაში ჯირითობდნენ.



ქართველი მხედრები ლონდონში, 1892 წ.

აქაურ მოჯირითეთა თავგადასავალს გურიაში არდადეგებზე ჩასულს მეზობლის მოხუცები ასე მიაშობდნენ, — ბაბუა, გურულებმა ამერიკა სუნთლა გადარიენ, მარა თვითონაც გადარულები ჩამევიდნო. სერიოზულად ამ თემაზე მუშაობა თითქმის თოთხმეტი წელიწადია, რაც დავიწყე. ამ ხნის განმავლობაში უამრავი ახალი მასალა, საინტერესო და სახალისოც მოვაგროვე როგორც საქართველოში, ასევე ამერიკის შეერთებული შტატების არქივებსა და მუზეუმებში.

გურულ მოჯირითეთა განსაცვიფრებელი (და ტრაგიკულიც) ისტორია 1892 წლიდან დაიწყო, როდესაც ისინი ინგლისში პირველად შეუერთდნენ ცნობილი ამერიკელი შოუმენის, ბაფალო ბილ კოუდის ველური დასავლეთის შოუს (Wild West Show), 1893 წელს კი გურულები აშშ-ში ჩავიდნენ. „რუსი კაზაკების“ სახელით გურულები 30 წელიწადზე მეტხანს გამოდობდნენ ბაფალო ბილისა და არაერთი სხვა ცირკისა თუ შოუს არენაზე. მათ საყო-

ველთაო აღიარება მოიპოვეს და დიდი გავლენა იქონიეს კოვბოებზე. ქართველი ცხენოსნების გამოსვლა „უაილდ უესტ შოუს“ მთავარ წარმოდგენად ითვლებოდა. ასეთივე ინტერესს მხოლოდ ინდიელები და კოვბოები იმსახურებდნენ, მიუხედავად იმისა, რომ იქ მათ გარდა მსოფლიოს მრავალი ქვეყნის წარმომადგენელი მონაწილეობდა. ცირკისა და შოუს მეპატრონეებმა გურული მხედრების სახით მიაგნეს ნამდვილ ოქროს საბადოს — არტისტებს, რომელთა სანახავად უამრავი ხალხი დადიოდა. საყურადღებო ფაქტია, რომ ყოველი რესპექტაბელური შოუს მფლობელი თუ მენეჯერი თავს მოვალედ მიიჩნევდა, აუცილებლად ჰყოლოდა ე.წ. კაზაკთა ჯგუფი. გურულებს სწავდასხვა მიზეზის გამო ეძახდნენ კაზაკებს. უმთავრესი ის გახლდათ, რომ საქართველო მაშინ რუსეთის იმპერიაში შედიოდა და აქედან გამომდინარე, ყოველი მისი მოქალაქე რუსი ეგონათ. ეს სამწუხარო შეცდომა ნელ-ნელა სწორდება. მივალწიე იმას, რომ ბაფალო



ბაფალო ბილი კოუდი, 1875 წ.

ბილის სახელობის ორ ყველაზე მნიშვნელოვან მუზეუმში, ვაიომინგსა და კოლორადოში, გურულების ფოტოსურათებზე შევაცვლევინე წარწერები და ახლა მათ არა რუსი კაზაკები, არამედ ქართველი მოჯირითეები აწერია.

პირველად გურული მოჯირითეები საზღვარგარეთ, კერძოდ კი ინგლისში, გამოჩნდნენ 1892 წელს (ჩვენში მხედრების პირველი გამგზავრების თარიღად მიჩნეული იყო 1887 წელი, რაც არ დასტურდება). იმ დროს ლონდონის Earl's Court-ში მიმდინარეობდა მეზადეობის საერთაშორისო გამოფენა, სადაც სხვადასხვა სახის ღონისძიებებთან ერთად, ბაფალო ბილი კოუდის „უაილდ უესტ შოუს“ წარმოდგენებიც გაიმართა. სერა ჯეი ბლექსტონი წერდა (წიგნში *Buckskins, Bullets and Business, A History of Buffalo Bill's Wild West*): „რუსი კაზაკები პირველად ბაფალო ბილის „უაილდ უესტ შოუს“ ლონდონში 1892 წელს შეუერთდნენ. ჯგუფი შედგებოდა 18-დან 25 წლამდე ათი მამაკაცისაგან. მათი ლიდერი...





გურულ მხედართა პირველი გუნდი: ბესარიონ ცინცაძე, ლუკა ჩხარტიშვილი, მოსე გიგინეიშვილი, ლევანტი ჯორბენაძე, ვასო ჭყონია, ირაკლი ჭყონია, დათა ჭყონია, ივანე მახარაძე, მელიტონ ცინცაძე და დიმიტრი მგალობლიშვილი

იყო პრინცი ივანე მახარაძე...“ ასე მოიხსენიებდნენ სხვა გუნდების მეთაურებსაც, მათი წარმომავლობის მიუხედავად. მოჯირითეები კი უმთავრესად გლეხები იყვნენ (ეს, რაღა თქმა უნდა, კეთდებოდა მაყურებელთა ინტერესის გასაღვივებლად. — ი. მ.). არსებობდა სხვადასხვა ვერსია და ასევე თარიღი, როგორ და როდის მოხდნენ გურულები უცხოეთში. ყველაზე სანდო, რომელსაც ისტორიული წყაროებიც უმაგრებენ ზურგს, ასე გამოიყურება: 1891 წლის მიწურულს ან 1892 წლის დასაწყისში ბათუმში მოჯირითეების შესარჩევად ჩამოვიდა ამერიკული ცირკის წარმომადგენელი თომას ოლივერი (მოჯირითე ველიკო კვიტიამვილის ცნობით, ამერიკელთა წარმომადგენელი ქალი იყო, თუმცა ამის დამადასტურებელ საბუთს ვერსად მოვაკვლიე). იგი ინგლისელ კონსულ ჯეიმს ჩემბერსთან დაბინავდა. კონსულთან იმხანად მსახურობდა (მდივნის მოვალეობასაც ასრულებდა) ზემო ჩიბათული კირილე ჯორბენაძე. კირილე გურული ნაყმე-

ვის ოჯახში იყო დაბადებული, ბათუმს საარსებო წყაროს საშოვნელად ეწვია (მომდევნო წლებში ჯორბენაძე ფინანსურად ისე მომაგრდა, რომ ბათუმში რესტორანი „ფლორიდა“ გახსნა. ის იყო მეწილე სასტუმრო „ლონდონისა“, რომელიც გასაბჭოების შემდეგ ბოლშევიკებმა ჩამოართვეს). ჯორბენაძემ როცა საქმის ვითარების შესახებ შეიტყო, ოლივერს განუცხადა, რომ ცხენოსანთა შეგროვებაში დაეხმარებოდა. თანხმობის შემდგომ ჯორბენაძე ოლივერსა და ვიცე-კონსულ ჰარი ბრიგსთან ერთად სოფელ ბაზვში, მთელ გურიაში ცხენოსნობით განთქმულ ივანე (დიდი) როსტომის ძე მახარაძის (1866-1921), მეტსახელად „მათრახას“ ოჯახში მივიდა. გადაწყდა, რომ ივანე გუნდს შეკრებდა. აქედან დაიწყო გურულ მოჯირითეთა მრავალწლიანი საზღვარგარეთული ტურნე.

პირველი საგაზეთო ცნობა „კახაკების“ შესახებ დაიბეჭდა 1892 წლის 8 მაისის Weekly Dispatch-ში, მას ეხმიანება „ივერიაში“

(19 ივნისი, №127, 1892) გამოქვეყნებული ცნობა: „ბათუმი: აი სახელი და გვარი იმ ქართველებისა, რომელნიც ამას წინად წაიყვანა აქედამ ერთმა პარიუის თეატრის აგენტმა ლონდონში ბარნუმის ცირკისათვის: იფანე მახარაძე, დიმიტრი მგალობლიშვილი, ვასო ჭყონია, დათა ჭყონია, ლევანტი ჯორბენაძე, ლუკა ჩხარტიშვილი, მოსე გიგინეიშვილი, ირაკლი ჭყონია, ბესარიონ ცინცაძე და მელიტონ ცინცაძე“.


რჩეული ახალგაზრდებისგან შემდგარმა ათკაციანმა გუნდმა, რომელთა შორის „იფერიის“ განცხადებით: „სოფელ ჩიბათს და ლანჩხუთში მცხოვრებელნი, სხვა-და-სხვა წოდებისა, მომეტებულად აზნაურობა“ იყო, სათანადო წვრთნა გაიარა, ქუთაისში შეაკერინა ექვს-ექვსი წყვილი სხვადასხვა ფერის ჩოხა-ახალუხი, მოიწესრიგა იარაღი, ცხენის აღკაზმულობა და ბათუმში გაემგზავრა (ჩოხები მყვირალა ფერის: ყვითელი, მწვანე, ვარდისფერი, ნარინჯისფერი და ა. შ. იყო. სავარაუდოდ, ეს შოუს ორგანიზატორთა მოთხოვნა გახლდათ, თორემ როგორც ვიცით, მსგავსი ფერის ჩოხებს ჩვენში არ ატარებდნენ). უნდა აღინიშნოს, რომ გურულ მხედართა უმრავლესო-

ბა მომცრო ტანის, მარღვიანი ახალგაზრდები იყვნენ, როგორც Wisconsin State Journal-ი (24 ივლისი, 1901) წერდა „ისინი უმეტესწილად პატარა ტანის ბიჭები არიან. მათ გვერდს ულამაზო ხმლები უშშვენებთ და ყველა სიგარეტს ეწევა“. ხოლო Monday Morning-ი (27 ივლისი, 1896) აღნიშნავდა: „მათი ბელადი დაახლოებით 140 ფუნტს (დაახლოებით 60 კილოგრამს. — ი. მ.) იწონიდა“, რაც არ უნდა იყოს გასაკვირი, რადგან ურთულესი ტრიუკების შესრულება დიდი აღნაგობის კაცს გაუძნელდებოდა (რა თქმა უნდა, გამოწვავისებრიც არსებობდა, მაგალითად კირილე ხოფერია, რომელიც გადმოცემით ლამის ორ მეტრამდე სიმაღლისა იყო).

ბათუმში შეყვრილმა ქართველებმა სამხედრო გუბერნატორისგან საზღვარგარეთული პასპორტები აიღეს (ხანდახან გურულებს პრობლემებიც ექმნებოდათ ხოლმე: ერთხელ ლუკა ჩხარტიშვილმა ვიღაც რუსს ხელი გაართვა და ნაცემმა მას ყოველნაირად შეუშალა ხელი პასპორტის აღებაში, რის გამოც ლუკა ერთ სეზონში შოუში ვერ გამოიჩნდა). ამერიკული პრესა წერდა: „სპილოსთვის კბილის ამოღება უფრო ადვილია, ვიდრე კაზა-

ბაფალო ბილის შოუს არაბი, კაზაკი (ქართველი) და იაპონელი მონაწილეები. სარეკლამო პოსტერი





გურული მხედარი წარმოდგენისას

კების გამოკლეჯა რუსეთის ყებებიდანო“ (Collier's Weekly, 13 აპრილი, 1901). გემ „მარია-თი“ ბოსფორ-დარდანელის გავლით მარსელს მიადგნენ, აქედან პარიზზე გავლით ჰაერში ჩა-ვიდნენ, საიდანაც „ორთქლის“ გემით ამერი-კისკენ გაემგზავრნენ. გურულების პირველი ნაკადის საიმეორაციო დეკლარაციებში მითი-თებული არ არის, რა თანხა მიჰქონდა თან თი-თოეულ მოჯირითეს, მაგრამ 1905 წლის დეკ-ლარაციაში უკვე აღნიშნულია, რომ ყოველ მათგანს ჯიბეში 20 დოლარი ედო. 1912 წლის დეკლარაციაში კი ჯორჯ ჯორჯიანს (მისი ნამდვილი სახელი უცნობია) ხელზე 500, ვასო წულაძეს 200, ხოლო პლატონ მურვანიძეს 215 დოლარი ჰქონდა.

ლონდონში გურულთა გამოჩენამ დიდი აღიაქოთი გამოიწვია — მანამდე კაზაკები იქ არაყის ენახა. განსაკუთრებულ ინტერესს იწ-ვევდა ხმალ-ხანჯალი და მასრები, რომლებიც ინგლისელებს მინიატიურული დინამიტები ეგონათ. ინგლისური ჟურნალი The Illustrated London News-ი (18 ივნისი, 1892) იუწყე-ბოდა: „საერთაშორისო მებაღეობის მშვენიე-რი გამოფენა მოწყობილია ერლს კორტ სტე-იშენსა და უესტ ბრომპტონს შორის... აქ კვლავ საშუალება გექლევათ იხილოთ ბაფალო ბი-ლის უაილდ უესტი ჩრდილოეთ ამერიკის პრე-რიებიდან... აგრეთვე კაზაკები რუსეთის კავ-

კასიდან, ცნობილი სამხედრო კავალერისტე-ბი მათი ჰეტმანის, პრინც ივანე მახარაძის ხელმძღვანელობით, რომლებიც წარმოაჩენენ ცხენოსნობის უმაღლეს ხელოვნებას“. რა შთა-ბეჭდილება მოახდინეს „კაზაკებმა“ ინგლისე-ლებზე, ამას მოწმობს თუნდაც 1892 წლის 15 ივნისის The London Serio-Comic Journal-ში დაბეჭდილი ვინმე სუზენ სპრეგის სიზმარი, რომელიც მან ნახა ერლ კორტში „კაზაკების“ შოუს შემდეგ. სიზმარში კაზაკმა სცემა მის სატრფოს, თვითონ კი მოიტაცა და წაიყვანა სტეპებში, სადაც ბოლოს იგი მშვენიერ მეფე მანუქას გაჰყვა ცოლად. კაზაკთა პოპულარუ-ლობაზე ერთი საყურადღებო ფაქტიც მეტყვე-ლებს — იმ წელს ქალთა შორის დიდი მოწო-ნებით სარგებლობდა ე.წ. კაზაკური ჩაცმუ-ლობა, ჩოხა-ახალუხის მსგავსად შეკერილი ტანსაცმელი.

გუნდის ლიდერი ივანე მახარაძე ინტერ-ვიუში (Pen & Pencil-ი, 16 ივლისი, 1892) აც-ხადებდა: „ჩვენ მოგვწონს ლონდონი. მატა-რებელი მიწის ქვეშ რომ დადის, ეს გასაოცა-რია და ქალაქიც დიდია. ჩვეულებრივი მატა-რებელი ჩვენ ვიცით, ერთი ასეთი ჩვენს სამ-შობლოშია, ბათუმში... ჩვენ იმიტომ ჩამოვე-დით, რომ აქ უფრო ბევრ ფულს ვიმოვიტ, ვიდ-რე სახლში. აქ მხოლოდ ექვსი თვით ჩამოვე-დით... ამის შემდეგ ჩვენს ცოლებსა და შვი-

ლებს დაუბრუნდებით“. ჟურნალი „კვალი“ (№34, 11 აგვისტო, 1896) წერდა: „ბევრ საწყალ გურულ გლეხს გამოაჭყეტინა თვალები ლუკაიას (ჩხარტიშვილი. — ი. მ.) ამერიკაში მოგზაურობამ. ზოგმა, ლუკაიას მიერ იქ წაყვანილმა კაცებმა, რომელთაც შინ ლუკმაპური და არც სახლ-კარი მოეძეოდათ, მისი შემწეობით და გზის გასწავლებით სახლ-კარიც აიშენეს, ლუკმაპურიც იშოვეს და მუდამ შიმშილისგან მტირალ ბავშვებს ცრემლი შეუშრეს თვალებზე“.

კაზაკების ჩამოსვლის ამბავმა დიდ ბრიტანეთის სამეფო კარამდეც მიაღწია. სულ მალე შოუს გენერალურმა მენეჯერმა ნეიტ სოლსბერემ შეტყობინება მიიღო დედოფალ ვიქტორიას მეჯინბეთუხუცესისგან, რომ მისი აღმატებულება დიდად ნასიამოვნები იქნება, თუ „უაილდ უესტის“ მენეჯერები მოახერხებენ კაზაკთა ჩაყვანას უინძორში და მშვენიერი ჯი-

რითის ჩვენებას. როგორც ისტორიული დოკუმენტებიდან და წიგნებიდან ირკვევა, შოუს ნახვა დედოფალს მხოლოდ და მხოლოდ კაზაკთა გამო უნდოდა, რომელთა თაყვანისმცემელი სიცოცხლის ბოლომდე იყო.

1892 წლის 25 თვისის გურულები იფანე მახარაძის თავკაცობით მისი აღმატებულების წინაშე წარდგნენ და დედოფლის, მისი შვილებისა და წარჩინებულ პირთა წინაშე იჯირითეს. ჯირითი სულ თორმეტ წუთს გაგრძელდა. წარმოდგენის დროს პრინცმა ჰენრიმ დედას, დედოფალ ვიქტორიას გერმანულად ჰკითხა: „დედა, თქვენ ფიქრობთ, რომ ისინი ნამდვილი კაზაკები არიან?“ იქვე მდგომმა სოლსბერემ პრინცს უპასუხა: „მომიტყვეთ, სერ, მაგრამ რასაც და ვისაც აქ ხედავთ, ყველაფერი ნაღია“. რა იცოდა მისმა აღმატებულებამ, რომ რუსი კაზაკები კი არა, მის წინაშე უბრალო ბახველი და ლანჩხუთელი გლე-

ინგლისის სამეფო კარი წარმოდგენას სასახლის ტერასიდან უცქერს





აშშ-ში ბაფლო ბილის შოუში გურული ქალებიც მონაწილეობდნენ

ხები ჯირითობდნენ (ეს დედოფლისა და გურულების პირველი შეხვედრა არ ყოფილა. ცნობილია, რომ XIX საუკუნის 60-იანი წლების დასაწყისში ლონდონში იმყოფებოდა თავადი დიმიტრი ქაიხოსროს ძე გურიელი, რომელიც დედოფალმა ვიქტორიამ მიიწვია სადილზე, სადაც ეროვნულ ტანსაცმელში გამოწყობილ გურიელს საზოგადოების ყურადღება მიუქცევია).

დედოფალი იმდენად ნასიამოვნები დარჩა ამ სანახაობით, რომ როგორც თვითმხილვე-

ლები იუწყებოდნენ, გურულებს გადასცა მათივე ფოტოსურათებით სავსე მოფარაყებული ალბომი (არსებობდა ცნობა, თითქოს ეს ალბომი იფანე მახარაძის ოჯახში ინახებოდა და როგორც ამბობენ, 1917 წელს მის ამერიკულ ყაიდაზე აშენებულ სახლში გაჩენილი ხანძრის დროს დაიწვა), მადლობა გამოუცხადა, ხოლო ინგლისის საზოგადოებამ 20 ათასი კაცის მიერ ხელმოწერილი ქებისა და მადლობის ადრესი შეადგინა ქართველთა პატივსაცემად. რუსული გაზეთი Московские Ведомости (25 ივნისი, 1892) იუწყებოდა, რომ „კავკასიელ კახაკებს (სხვა ნომერში გაზეთი მათ „გურულ კახაკებს“ უწოდებს. — ი. მ.), რომლებიც ახლა იმყოფებიან ლონდონში პოლკოვნიკ კოუდის ხელმძღვანელობით, ბრიტანელი მაყურებელი ძალიან გულთბილად ხვდება. დღეს ისინი გამოიძახეს უინძორში, სადაც დედოფლის წინაშე იჯირითეს“. იმავე წლის 5 ივლისის ნომერში გაზეთი წერდა, რომ „ინგლისელი ქრონიკიორი (ასეა ტექსტში. — ი. მ.) აღწერს მათ შთამბეჭდავ გარეგნობას, მათ ცეკვებსა და მელანქოლიურ სიმღერებს, რომლებიც მშვენიერია და ისეთივე შთაბეჭდილებას ახდენს, თითქოს სიმღერებს სოფლის გუნდები ასრულებენ რუსულ სტეპებში“. გაზეთი იქვე გულისტკივილით დასძენს: „და ამას ამბობენ ქართულ სიმღერებზე! რა ცოტა რამ იციან ევროპაში რუსეთსა და რუსებზე“.

„უაილდ უესტ შოუს“ სეზონი Earl's Court-ში 12 ოქტომბერს დაიხურა, ხოლო გურულები სამშობლოში 15 ოქტომბერს გაემგზავრნენ. ასე დაიწყო მოჯირითეების თითქმის 30-წლიანი ტურნე. საერთო ჯამში ამერიკა და ევროპა დაახლოებით 150-მა გურულმა მხედარმა დალაშქრა.

ირაკლი მახარაძე

გურული მხედრები შეტყვის იმიტირებისას



დიდი ქართველების გიორგაფიები! ეს ყველა გავშვამა უნდა ნაიკითხოს!

ქრისტე "საბავშვო ქარსელის" ყოველ ნომერთან ერთად

ვიზრუნოთ განათლებაზე
 პატარაობიდანვე!
 დიდი საქმეები
 პატარების ენით!

შერაბ კოსტავა



3 - დან
 10 თებერვლაგდა



მაგშუღბიდანვე უნდა
 ვიცოდეთ ჩვენი გმირები!

შამლაგი

დავით გურამიშვილი



წიგნის ფასი: 2.50
 (ქურნალთან ერთად 3.50)

უკვე გამოსული ბოგები შავიქლიათ შვიქინოთ წიგნის ბალაზიებში!

განქორწინება ანგარებით

ქალის უფლებები და
მეუღლეთა ბაყრა
შუა საუკუნეების
საქართველოში

ქრისტიანული მოძღვრების თანახმად, ქორწინება შეიძლება შეწყდეს მხოლოდ ერთ-ერთი მეუღლის გარდაცვალების შემდეგ. მაგრამ ქრისტიანული ქვეყნების კანონმდებლობა ცხოვრებისეული გარემოებების კარნახით იძულებული ხდებოდა, შეემუშაებინა განქორწინებისთვის აუცილებელი სხვა მიზეზებიც, რომლებიც მთელი შუა საუკუნეების განმავლობაში იცვლებოდა, და როგორც წესი, ზრდის ტენდენცია აჩასიათებდა.

მინიატიურა ვახტანგ VI-ის სამართლის წიგნიდან. ხელნაწერთა ეროვნული ცენტრი



მეუღლეთა განქორწინების შესაძლებლობა ჩანს პირველივე ქართულ პაგიოგრაფიულ ძეგლში, იაკობ ცურტაველის „შუშანიკის წამებაში“. ივანე ჯავახიშვილის აზრით, ქმრის მრისხანება შუშანიკისადმი და სასჯელიც სარწმუნოებრივი დენის შედეგი კი არ ყოფილა, არამედ გამოწვეული იყო შუშანიკის წასვლით ოჯახიდან, რაც ვარსკენს საკუთარი თავისა და სახლობის შერცხვენად მიუჩნევია.

თხზულების ერთ-ერთ ეპიზოდში ვარსკენი მეუღლეს სთხოვს სახლში დაბრუნებას. წინააღმდეგ შემთხვევაში, სახალხოდ ვირზე შესმითა და სამშობლოში გასტუმრებით ემუქრება. ეს კი გაყრას ნიშნავდა და ქალს მეორედ გათხოვების საშუალებას აძლევდა. სწორედ ამიტომ გადაიფიქრა ვარსკენმა თავისი განზრახვის სისრულეში მოყვანა, მოგვითხრობს იაკობ ცურტაველი.

„გრიგოლ ხანძთელის ცხოვრებიდან“ მოყოლებული, ქართულ საისტორიო წყაროებში უკვე ნათლად იკვეთება ქორწინების შეწყვეტისთვის აუცილებელი პირობები. მათგან

ერთ-ერთი მთავარი და უძველესი იყო მრუშობა. ქართული წყაროები ვრცელ მასალას გვაწვდიან სიძვა-მრუშობის შესახებ. ამ ორ ტერმინს ერთი შეხედვით ერთი და იგივე მნიშვნელობა აქვს, მაგრამ მცირე შინაარსობრივი განსხვავება მათ შორის მაინც ყოფილა. სიძვა ერქვა დაუქორწინებელი ვაჟის გაუთხოვარ ქალთან სექსუალური კავშირის დამყარებას, მრუშობად კი ითვლებოდა, როდესაც ერთ-ერთი პარტნიორი მაინც დაოჯახებული იყო. დამნაშავენიც განსხვავებულად ისჯებოდნენ: მრუშობისთვის თხზთმეტი წლით უზიარებლობით, ხოლო სიძვისთვის — შვიდი.

მრუშობისთვის უფრო მკაცრი დამსჯელი ღონისძიების დაკანონება ოჯახის სიწმინდის დაცვის მცდელობიდან უნდა მომდინარეობდეს, და არა მხოლოდ სიწმინდის. მრუშობა ოჯახის ფიზიკურ არსებობას ემუქრებოდა, იგი გაყრის ერთ-ერთი ძირითადი მიზეზი იყო. ამიტომ საერო და სასულიერო ხელისუფლება, რომლებიც მტკიცე და ძლიერი ოჯახის მომხრე იყვნენ, ყოველმხრივ სდევნიდნენ მისი დანგრევის მცდელობას.

ერთ-ერთი უძველესი ცნობა საქართველოში ცოლის მრუშობის გამო გაყრის შესაძლებლობის შესახებ დაცულია პეტრე იბერის (V ს.) ცხოვრების ასურულ რედაქციაში: პეტრე იბერის ბიძამ (მამის ძმამ), არსილიოსმა (არჩილმა), შეიტყო, რომ მისმა ცოლმა „სამარცხვინო საქმე ჩაიდინა“. პირველად მსუბუქედ გაკიცხა ის და მეორედაც რომ წაასწრო, ცოლის საყვარელს უთხრა: „მიჩუქებია შენთვის სიცოცხლე და სისხლი. აჰა, საგზალი და სამგზავრო ფული! სასწრაფოდ მოშორდი და ამ ქვეყანაში ნუ გაჩერდები“. ცოლს კი უთხრა: „შენ ამ საქციელის გამო არ გაგყვები, მაგრამ შენს უპატიოსნებას სასაცილოდ ავიგდებ“.

როგორც ვხედავთ, ადრე შუა საუკუნეების საქართველოში ცოლის მრუშობის შემთხვევაში ქმარს შეეძლო ცოლის საყვარელი მოეკლა კიდეც, ცოლს კი გაშორებოდა. ამაზე, როგორც ჩანს, ეკლესიაც და საერო ხელისუფლებაც თანხმობას იძლეოდნენ. სხვა წყაროების მიხედვით კი დგინდება, რომ გაწბილებულ ქმარს ეს უფლება მთელი შუა საუკუნეების განმავლობაში ჰქონდა.

ამ მხრივ საინტერესოა „გრიგოლ ხანძთელის ცხოვრებაში“ (X ს.) დაცული ერთი ეპიზოდი: ადარნასე კურაპალატის საყვარელმა თავისი მეტოქის – ადარნასეს ცოლის თავიდან მოშორების მიზნით, ქმარს ჩააგონა, რომ ცოლი მას ღალატობდა. ადარნასემ ეს ცილისწამება დაიჯერა, ცოლი თავის სამშობლოში – აფხაზეთში გააგზავნა, ხოლო მისი ვითომდა შემცდრენელი ყმაწვილი სასტიკად დასაჯა – მოკლა და ამით „სისხლი უბრალოსა ჭაბუკისა დასთხია“.

ამგვარად, ამ წყვილის დაშორება მოხდა მრუშობაში ქალის უსამართლოდ დადანაშაულების გამო, მაშინ, როდესაც ღალატის ამკარა ფაქტი ადარნასეს მხრიდან სახეზე იყო...

ასეთი გამოუძიებლობის, ცილისწამებით ცოლთან გაყრის უფლებას იყენებდნენ ფეოდალები, როდესაც რამე სხვა მიზეზის გამო სურდათ გაშორება. ასე მოიქცა იმერეთის მეფე, მაშინ ჯერ კიდევ ბატონიშვილი ალექსანდრე III (XVII ს.), გიორგი III-ის ძე. მას ცოლად ჰყავდა გურიელის ქალიშვილი. ალექსანდრემ ცოლს ქუთაისელ ვაჭართან კავშირი დააბრალა და თავის ვაჭიშვილ ბაგრატიან ერთად მამასთან – მამია გურიელთან დააბრუნა. კიდევ უფრო სასტიკი ამბავი აღუწერია ჟან შარდენს (XVII ს-ის ფრანგი



პეტრე იბერი



იმერეთის მეფე ალექსანდრე III ქრისტოფოროს და პასტაშის ნახატი



ლევან დადიანი
ქრისტოფორო დე კასტელის ნახატი

გიორგი III. ვინწვისის ფრესკა



მოგზაური): ოცდაოთხი წლის ასაკში ლევან დადიანმა შეერთო აფხაზეთის მთავრის ასული, რომელთანაც ორი ვაჟი შეეძინა. იგი იყო მეტად ლამაზი და ჭკვიანი დედოფალი, მაგრამ ბრალად დასდეს ქმრის დალატი. შესაძლოა ეს შურისძიებით იყო გამოწვეული მისი ქმრის აშკარა, ყოველდღიური დალატის პასუხად. იმ ქალთა შორის, რომლებიც ლევანს მოსწონდა, იყო მისი ბიძის – გიორგის ცოლი, დარეჯანი, დიდგვაროვან ჭილაძის ოჯახიდან. დარეჯანი არაჩვეულებრივად ლამაზი, მაგრამ უზომოდ პატივმოყვარე და ბოროტი ქალი ყოფილა. ის არ დაკმაყოფილდა ქმრის ძმისწულ მთავართან სასიყვარულო ურთიერთობით. შთააგონა დადიანს, ცოლს გაშორებოდა, თვითონ მოეტაცა და შეერთ. ლევანმა ეს მოთხოვნა შეასრულა. მრუში დედაკაცი მოიტაცა ბიძის ოჯახიდან და ცოლად მოიყვანა. რვა დღის შემდეგ კი აფხაზეთის მთავარს უამლოდ და სირცხვილნაჭამი გაუგზავნა თავისი ასული, რომელსაც ყურები, ცხვირი და ხელები ჰქონდა დაჭრილი. ასეთი უკიდურესი სისასტიკის გასამართლებლად მან ცოლს ბრალად დასდო დალატი ვეზირთან, რომელსაც პაპუნა ერქვა. ყველა რომ დაერწმუნებინა ამაში, ცოლის დასახიჩრებასთან ერთად, ვეზირი ზარბაზანში ჩაატყინა. მიუხედავად ამისა, ყველა ირწმუნებოდა, რომ დედოფალსა და ვეზირს შორის არაფერი მომხდარა, ეს მხოლოდ და მხოლოდ ჭილაძის ქალის სიავისა და ეჭვიანობის შედეგი იყო, რასაც ლევანმა მსხვერპლად შესწირა თავისი ცოლი და ვეზირი.

მსგავსი არაერთი ფაქტია აღნუსხული ქართულ საისტორიო წყაროებში. მათი წაკითხვისას ვხედავთ, რომ ქმარს, რომელიც ცოლის მრუშობას შეიტყობდა, განუსაზღვრელი უფლებები ეძლეოდა, მაშინ როდესაც თვითონ ანალოგიურ შემთხვევაში დაუსჯელი რჩებოდა. ამაზე მეტყველებს, აგრეთვე, ქართველ დიდებულთა შორის ზარჭებისა და ბუშების ყოლის არაერთი შემთხვევა, რომელთაგან აქ მხოლოდ რამდენიმეს მოვიყვანო: თამარის ისტორიკოსის მიხედვით, გიორგი III-ს ზარჭები ჰყოლია. სწორედ ერთი ამ „ზარჭთაგანისა ნაშობი“, თამარის ნახევარდა მიათხოვეს სალდუხისძის ძეს მუტაფრადინს. ისტორიკოსის თხრობის კილოს ეტყობა, რომ ზარჭის ნაშობი უფლისწულად არ ითვლებოდა და ღირსებით მეფის კანონიერ შვილზე დაბლა იდგა, თუმცა იმხელა ღირსება კი ჰქონდა, რომ მის-



ლევან კახთა მეფე. ფრესკა გრემის მთავარი ტაძრიდან

თვის კარგი მზითვი გაეშადებინათ და სახელოვანი ქორწილიც გადაეხადათ.

ასევე დავით ულუმაც, რომლის კანონიერი მეუღლე – ჯიგდა ხათუნიც უშვილო იყო, მოიყვანა საყვარელი, გააჩინა მასთან ორი შვილი და შემდეგ უკან გააბრუნა. ჯიგდა ხათუნმა კი იშვილა ეს ბავშვები.

რაც შეეხება ბუმებს, ისინი, მართალია, კანონიერი შვილების უფლებებით ვერ სარგებლობდნენ, მაგრამ ოჯახში განსაზღვრული სტატუსი მაინც გააჩნდათ.

ცოლის უუფლებობა, აქტიური პროტესტის გამოხატვის სურვილი მრუში მეუღლისადმი, კარგად ჩანს ავგიორგის ძის ლევანის (XVI ს.) მეუღლის, თინათინ გურიელის ანდერძში. ეტყობა, სიცოცხლეში თინათინმა ვერ მოახერხა მოერჯულებინა ან გაეყოლა თავის მემრუსე ქმარს, ამიტომ სიკვდილის წინ დაიბარა, რომ „არა დამარხონ გუამი მისი ქმრისა თვისისა ლევანის თანა, არამედ დაემარხოს იგი შუამთას თვისსა აღშენებულსა მონასტერსა“, რადგანაც „ლევან იყო სიძვისა და მრუსების მოყუარე“.

უკვე ამ დროიდან მოყოლებული განქორწინების მიზეზად მრუშობის გარდა ჩანს ავადმყოფობა, ოღონდ მხოლოდ ცოლის, თანაც განსხვავებული შედეგები მოჰყვებოდა ცოლის დასნეულებას ქორწინებამდე და ქორწინების შემდეგ. თუ ცოლი ქორწინების შემდგომ დასნეულდებოდა, ქმარს შეეძლო მისი მოშორე-

ბა, ოღონდ უნდა დაეფიცა, რომ გაეყარა არა სიძულვილის, არამედ სნეულების გამო.

ქართული საისტორიო წყაროების მიხედვით ჩანს, რომ ამ პერიოდში (განვითარებულ შუა საუკუნეებში) ქმრის მიზეზით ოჯახის დანგრევა მხოლოდ მის სოლომურ ცოდვაში მხილებით შეიძლებოდა.

1103 წელს დავით აღმაშენებლის ინიციატივით მოწვეულ რუის-ურბნისის საეკლესიო კრებამ განსაკუთრებით ხაზი გაუსვა იმ გარემოებას, რომ ქართველ საზოგადოებას ემუქრებოდა სოლომური ცოდვის გაგრძელების საფრთხე. ამ მიზნით ძეგლისწერაში სპეციალური მუხლიც კი შეიტანეს, რომელშიც სამღვდელოების წარმომადგენლები ახსენებდნენ ქართველებს, რომ ასურელები, სპარსელები, რომაელები და სხვები სწორედ ამ ცოდვამ დაღუპა. აღსანიშნავია, რომ მემატიაეები თამარ მეფის პირველ ქმართან განშორების მიზეზად ამ უკანასკნელის სოლომურ ცოდვაში მხილებას ასახელებენ. ამ შემთხვევაში ჩვენთვის საინტერესოა არა ის, რამდენად სწორია ეს ცნობა, არამედ ფაქტი, რომ სოლომური ცოდვა შეიძლებოდა განქორწინების მიზეზი გამხდარიყო. მემატიაე ამაბობს, რომ თამარ მეფე ორ წელიწადზე მეტხანს ითმენდა ქმრის ამგვარ უწესობას, ხოლო როდესაც ბოლოს და ბოლოს ვეზირებმა და დიდებულებმა გაიგეს ეს ამბავი, აღმფოთებულებმა აღიარეს, რომ საჭიროა ამ ძველი მტრის – სოლომური



ურბნისის საკათედრო ტაძარი

ცოდვის აღმოკვეთა. ეს ისეთი ცოდვაა, ამბობს ისტორიკოსი, „რომელმან მოაკულევინა ძმა-სა ძმა და მამასა შვილი“.

გვიან შუა საუკუნეებში განქორწინებისთვის აუცილებელ მიზეზთა რიცხვი კიდევ უფრო იზრდება. და რაც მთავარია, თუ ადრე შუა საუკუნეებში ქალის ინიციატივით ოჯახის დანგრევა პრაქტიკულად შეუძლებელი იყო, დროთა განმავლობაში იგი ნელ-ნელა მოიპოვებს ბრალმდებლად ყოფნის უფლებას, რაც საბოლოოდ კანონის სახით ფორმდება

ვახტანგ VI-ის (XVIII ს.) სამართალში. ამ დროიდან მოყოლებული უკვე ქალს ოფიციალურად ეძლევა ოჯახის დანგრევის უფლება, ოღონდ იმ შემთხვევაში, თუ მისი ქმარი გიჟი ან იმპოტენტი აღმოჩნდებოდა.

ზოგადად, სიგიჟე და ბნედიანობა (ეპილევსია) განქორწინებისთვის კანონიერი საფუძველი ხდება. ოღონდ თუ ქმარს ავადმყოფ ცოლს შეატყუებენ, იგი ვალდებულია, სამი წლის განმავლობაში უმკურნალოს მას. თუ ცოლი განიკურნება, ქმარი მას ვერ გაუშვებს

რუისის საკათედრო ტაძარი



და თუ ვერ განიკურნა – გაუშვებს „უსის-ხლოდ“ ფულადი ჯარიმით (შუა საუკუნეების საქართველოში ყველა წოდების ადამიანს ჰქონდა თავისი „სისხლის ფასი“, რის მიხედვითაც ფასდებოდა მათ წინააღმდეგ ჩადენილი დანაშაული). ქმრის დასნეულების შემთხვევაში კი ცოლმა ხუთ(!) წელიწადს უნდა მოუცადოს, უმკურნალოს ქმარს და მოუაროს. თუ ამის შემდეგაც აღარ ეშველა, კათოლიკოსმა და მოსამართლემ ქალს განქორწინების ნება უნდა მისცენ.

საინტერესო და აღსანიშნავია, რომ ვახტანგ VI განქორწინების მიზეზად არ მიიჩნევს ქალის უშვილობას. ეს დებულება თითქოს ეწინააღმდეგება ქრისტიანულ დოქტრინას და აღიარებს, რომ ქორწინების უძმაფრესი და ერთადერთი მიზანი შთამომავლობის გაჩენა არ არისო. ასევე იქცევა კანონმდებელი მამაკაცის მიმართაც. იგი განასხვავებს მამაკაცის ქალთან შეუღლების უნარს განაყოფიერების უნარისგან. თუ მამაკაცს განაყოფიერების უნარი არ აქვს, მაგრამ სქესობრივი კავშირი შეუძლია, ცოლი ვერ მოითხოვს განქორწინებას. მამაკაცის მხრიდან მხოლოდ სქესობრივი უუნარობა აძლევდა ქალს მასთან განქორწინების საფუძველს.

საერო და სასულიერო ხელისუფლების მიერ ოჯახის შენარჩუნებაზე ასე კატეგორიულად ზრუნვა შუა საუკუნეების ყველა განვითარებული ქვეყნისთვის იყო დამახასიათებელი. მიზეზი და მიზანიც საერთო იყო: ამ ქვეყნებში, მათ შორის საქართველოშიც, ნათესაური კავშირების ცენტრში იყო არა იმდენად საქორწინო კავშირები, არამედ სისხლით ნათესაური კავშირები. ეს უკანასკნელი უფრო წმინდა, ღრმა და მჭიდრო იყო, ვიდრე საქორწინო. ამიტომ საქორწინო კავშირების შექმნა და დარღვევა, ძირითადად, სწორედ ოჯახის ინტერესებს ემსახურებოდა. ყოველ შემთხვევაში, მაღალ საზოგადოებაში მაინც. ქორწინებისას საქმროსთვის მთავარი იყო საცოლის მშობლების ვინაობა, ავტორიტეტი და მზითვეი, სიყვარული კი შედარებით ნაკლებ როლს ასრულებდა. ასევე განქორწინების დროსაც მთავარი იყო ოჯახის უფროსის, გვარის ინტერესების დაცვა. ოჯახის თავი, რომლის ცხოვრების აზრი შემკვიდრის შეტენასა და მისთვის თავისი ქონების გადაცემაში იყო, ყოველმხრივ ცდილობდა ამ შემკვიდრის შენარჩუნებას. იგი დარწმუნებული უნდა ყოფილიყო, რომ შემკვიდ-



ვახტანგ VI

რე ნამდვილად მისია, რომ ის სხვის სისხლსა და ხორცს არ ზრდიდა. სწორედ ამით იყო გამოწვეული ის უდიდესი სიმკაცრე, რაც მრუშობაში მხილებულ ცოლსა და მის საყვარელს ელოდა. ქმარს შეეძლო მოღალატე ცოლის მოკვლა, განქორწინებაც, მაგრამ ეს უკანასკნელი მისი უფლება იყო და არა ვალდებულება. ალბათ იმიტომ, რომ განქორწინების შემთხვევაში ცოლი მიდიოდა სახლიდან თავისი ერთ დროს მოტიანილი მზითვეით, რაც, შეიძლება, ოჯახის მეურნეობის მნიშვნელოვანი წილი ყოფილიყო. ამით ოჯახის ქონება მცირდებოდა, რაც არაფრით არ შედიოდა ოჯახის ინტერესებში. ამიტომ ქმარს კანონით ეძლეოდა არჩევანის გაკეთების საშუალება, რომელშიც მას არაფერს ზღუდავდა. ქალი კი ასეთ უფლებას მოკლებული იყო. მხოლოდ XVIII საუკუნეში ვახტანგ VI-ის მიერ მიეცათ ქალებს ბრალმდებლად ყოფნის უფლება, რომლის მოპოვებაც მნიშვნელოვანი ნაბიჯი იყო ემანსიპაციის პროცესში.

ნანა გუგუშვილი

„მამა“ ბრიგორი

ხელნაწერთა ეროვნულ ცენტრში დაცულია საინტერესო მასალები ისეთი ოდიოზური პერსონის შესახებ, როგორც იყო გრიგორი რასპუტინი. ნინო და ბარბარე ყიფიანებისა და კირიონ საბავლიშვილის არქივებში (№803; №168) მიკვლეული მასალა მნიშვნელოვანია რასპუტინის ფსიქოლოგიური პორტრეტის რეკონსტრუქციისთვის. ნინო და ბარბარე ყიფიანების არქივი წარმოადგენს ორი საზოგადო მოღვაწის გაერთიანებულ მასალებს. ნინო (ქალიშვილობის გვარი ტატიშვილი) მსახიობ კოტე ყიფიანის მეუღლე იყო, ხოლო ბარბარე — დიმიტრი ყიფიანის შვილიშვილი. ის გახლდათ პირველი ქართველი ფსიქოფიზიოლოგი ქალი, საფარაუდოა, რომ სწორედ ბარბარე ყიფიანმა შემოგვინახა მასალა რასპუტინის შესახებ.

ბრიგორი რასპუტინის ფსიქოლოგიური პორტრეტისთვის



ყოველთვის არსებობდა დაინტერესება გრიგორი რასპუტინისადმი. იმ პერიოდის რუსულ ისტორიოგრაფიასა და არისტოკრატიულ წრეებში რასპუტინის შესახებ ორგვარი შეხედულება გვხვდება. მას მიიჩნევდნენ ეპოქის მნიშვნელოვან ფიგურად, მეტიც, უთვალსაჩინოეს წარმომადგენლად. ბევრს სწამდა მისი წმინდანობისა და მისადმი გაგზავნილ ღებულებში სთხოვდნენ, ელოცა მათთვის. გრაფი სერგეი ვიტე ასე წერს მასზე: „ჭეშმარიტად არაუარს არის ისეთი ნიჭიერი, როგორც ეს რუსი მამაკაცია. ის არის თავისებური, თვითმყოფადი ტიპაჟი! რასპუტინი საგვებით პატიოსანი და კეთილი ადამიანია, რომელიც ყოველთვის სიკეთეს თესავს“.

რაც შეეხება მეორე შეხედულებას რასპუტინზე, თანამედროვენი მას ახასიათებდნენ, როგორც ეშმაკს, ექსპანსიურს, მსმელს, ამორალურს, რომელმაც შეაღწია მეფის ოჯახში და იმდენი მოახერხა, რომ თავისი შეხედულებისამებრ ნიშნავდა და ხსნიდა მინისტრებს, ეპისკოპოსებს, გენერლებს და მთელი ათი წლის განმავლობაში იყო პეტერბურგის სკანდალური ქრონიკის ყურადღების ცენტრში. იმავდროულად, მას გააჩნდა უდიდესი

*Григорий
Распутин
аутоგრაფი*

და ამოუხსნელი ძალაუფლება ნიკოლოზ II-სა და მის ოჯახზე, ფლობდა ჰიპნოზურ ძალასა და რწმენას თავის განსაკუთრებულ დანიშნულებაზე.

ნინო და ბარბარე ყიფიანების არქივში დაცული რუსულენოვანი მასალა წარმოადგენს სოციალისტ-ფედერალისტ არჩილ ჯორჯაძის დის, თამარის მოგონებას რასპუტინზე, რომელიც 1906 წლის შემდგომი პერიოდით თარიღდება. თამარ ჯორჯაძე მოგონებაში დეტალურად მოგვითხრობს გრიგორი რასპუტინთან შეხვედრის ეპიზოდს.

თამარ ჯორჯაძემ თავისი ძმისწული რუსეთში კადეტთა კორპუსში ჩასარიცხად წაიყვანა. ისინი მე-2 კლასის ვაგონით მგზავრობდნენ. მისი ძმისწული, რაღაცით დაინტერესებული, მუდმივად მესამე კლასის ვაგონში იკარგებოდა. აღელვებულმა თამარმა ბიჭის ძებნა დაიწყო და მესამე კლასის ვაგონში ასეთ სურათს წააწყდა: ოცდაათიოდე წლის მამაკაცი გადაღეილი პერანგით იჯდა, ჩითის შარვალი მუხლამდე აეკაპიწებინა, ფეხები კი წელიან თასში ჩაუყო. მას ახალგაზრდა ქალები გარშემორტყმოდნენ: ერთი



ბარბარე ყიფიანი


გრიგორი რასპუტინი სამეფო კარის ქალბატონების გარემოცვაში





რასპუტინი, ეპისკოპოსი ვერძოვენი და ბერძონაზონი ილიოდორი

თამარ ჯორჯაძის მოგონება გრ. რასპუტინზე



Воспоминания о Гр. Распутинѣ Тамары Ивановны Джорджадзе.

Въ Великую пятницу, проходя мимо цирка, обратила вниманіе на большуу вывеску - это изображеніе Распутина съ двумя дьячками. Невольно мнѣ вспомнилось, что лицо этого мужика знакомо и знакома мнѣ эта картина. Въ августѣ мѣсяцѣ 1906г., я была въ Россію на экзаменахъ моего сына въ кадетскій корпусъ. Была во 2-мъ классѣ, но племянникъ мой все время пролежалъ въ 3-мъ классѣ, чѣмъ то заинтересованный. Возникла его долгая отсутствіемъ, а его стала разминивать въ III-мъ классѣ и выткнулась на слѣдующую картину: сидитъ мужикъ въ 30 лѣтъ въ растянутой носоворотѣ, ситцевые его штаны засучены до коленъ, ноги стоятъ въ чашкѣ съ водой; окружаютъ его молодые бабы: одна обвила его шею, другая гладила его волосы, третья обвила его поясъ, остальные сидѣли на полу, заглядывая въ глаза и разбрызгивая оны черпая воду изъ чашки рукой и пилки. Сначала я подумала, что должно быть это мужикъ идетъ изъ Иерусалима, поклонившись Гробу Господню. Отозвали одну бабу и разговорились съ ней, я узнала, что этотъ мужикъ свѣдѣтъ изъ Сибири, сначала въ Москву, а потомъ въ Питеръ показаться народу. Баба эта говорила говорила, что у него есть документъ, что оны св. На это я ей сказала: "Св. Не св., а все таки не совѣтлю пить эту грязную воду, за это баба раскричалась и пожаловалась мужику, на что тотъ строго на меня посмотрѣлъ и сказалъ: "останься съ нами и ты убѣдишься, что я Святой. Не помню точно, что я на это отвѣтила ему, но оны въ отвѣтъ вскакивали грозно поднимая на меня кулаки, называя меня лизиницей. "Какъ сдѣла ты увѣрить народъ, что нѣтъ Святыни? Иди по твоему говору, что ты не руская и имъ тебѣ не вѣрять. Я страшно растерялась, тѣмъ болѣе, что и дѣви на меня напустились: "къ счастью въ этотъ моментъ вошелъ кондукторъ, спросила его меня защитить, но оны на это мнѣ сказала: "Сударыня, одно могу Вамъ сказать, удалитесь въ

კისერზე ეხვეოდა, მეორე — წელზე, ხოლო მესამე თმას უსწორებდა. დანარჩენები იატაკზე ისხდნენ, თვალებში ვნებიანად შეჰყურებდნენ და მონური მორჩილებით თასიდან ხელით წყალს სვამდნენ.

თავიდან თამარ ჯორჯაძემ იფიქრა, რომ ეს მამაკაცი იერუსალიმიდან მოდიოდა, სადაც ქრისტეს საფლავს თავიანთი სცა. შემდეგ ახალგაზრდა ქალებისგან შეიტყო, რომ იგი თითქოს წმინდანი იყო. თამარმა უთხრა მათ, რომ წმინდანობის მიუხედავად, არ შეიძლება გაბინძურებული წყლის დალევა, რის გამოც თავს მათი რისხვა დაატყდა. გაბრაზებული მამაკაცი წამოხტა, ქართველ მანდილოსანზე მუშტი აღმართა და უთხრა: „როგორ ბედავ, ხალხი დაარწმუნო, თითქოს წმინდანები არ არსებობენ. ლაპარაკზე გეტყობა, რუსი არ ხარ, ახლავე გიჩვენებთ სეირსო!“ ქალს ვითარებიდან თავის დაღწევაში კონდუქტორი დაეხმარა. თამარსა და მის ძმისწულს დიდი ხნის განმავლობაში ახსოვდათ რასპუტინის თვალების გამოძეტყველება და მბრძანებლური იერი.

როგორც მოგონებიდან ირკვევა, თამარ ჯორჯაძემ სწორად შეაფასა გრიგორი რასპუტინის პიროვნება. იგი მიუთითებს გრიგორი რასპუტინის თავიანთსმცემელი არისტოკრატი ქალების იმ რელიგიური ფანატიზმის შესახებ, რასაც ისინი ავლენდნენ მის „წმინდანობასთან“ დაკავშირებით. ამ მოგონებიდან კარგად ჩანს რასპუტინის აგრესიული, მბრძანებლური ბუნება და მისი დამოკიდებულება სხვა ეროვნების ადამიანებისადმი.

კირიონ საძაგლიშვილის არქივში მოძიებული მასალა გრიგორი რასპუტინზე წარმოადგენს წერილს, რომლის ადრესატია ტარასი კანდელაკი. წერილში კირიონი ყურადღებას ამახვილებს რასპუტინის ცხოვრების ორ ფაქტზე: მის გაუღენახე რუსეთის ხელისუფლების პოლიტიკაზე და გრიგორი რასპუტინზე, როგორც ხლისტების სექტის მიმდევარზე. ეს სექტა წარმოიშვა რუსეთში XVII საუკუნის მიწურულს. ხლისტები არ ცნობენ სამღვდლოებას, „წმინდა“ და საეკლესიო წიგნებს. მათი მოძღვრების თანახმად, ადამიანს შეუძლია უშუალოდ დაამყაროს კონტაქტი სულიწმიდასთან, ნებისმიერ ადამიანში შეიძლება გარდამოვიდეს სულიწმიდა. ასე რომ, ხლისტებს ცოცხალი „ქრის-



რუსეთის იმპერატორ ნიკოლოზ II-ის ოჯახი

ტეები“ და „ღვთისმშობლები“ ჰყავთ. ახალ-მოვლენილ ქრისტიელ მიიჩნევდა თავს გრიგორი რასპუტინიც.

რაც შეეხება მის გავლენას სამეფო კარზე, ამასთან დაკავშირებით საინტერესოა ის ფაქტი, რომ მან დედოფლის დახმარებით ნიკოლოზ II-ს თანამდებობიდან გაათავისუფლებინა თავისი ბიძა ნიკალაი ნიკალაევიჩი, რომელიც პირველი მსოფლიო ომის დროს რუსეთის ჯარის მთავარსარდალი იყო. ის აქტიურად ერეოდა რუსეთის საეკლესიო საქმეებშიც. ნიკალაი ვერეინოვის მონოგრაფიაში „რასპუტინის საიდუმლო“ ვკითხულობთ, რომ რასპუტინმა იმპერატორთან საუბრისას რეკომენდაცია გაუწია ვინმე პიტირიმს, რომელიც 1914-1915 წლებში საქართველოს ეგზარქოსად გვევლინება.

ხელნაწერთა ეროვნულ ცენტრში დაცული საარქივო მასალა გრიგორი რასპუტინზე იმ ტენდენციას განაგრძობს, რომლის მიხედვითაც ის უარყოფით პიროვნებადაა მიჩნეული. კირიონ საძაგლიშვილის წერილი 1914 წლის 30 ოქტომბრით თარიღდება. ამ პერიოდისთვის საქართველოს მართლმადიდებელი ეკლესია კვლავ რუსეთის მართლმადიდებელი ეკლესიის შემადგენლობაშია. ამიტომ, ვფიქრობთ, შემთხვევითი არ უნდა იყოს მისი დაინტერესება გრიგორი რასპუტინის პიროვნებით.



ელენა კლოკაჩევა
„გრიგორი რასპუტინის პორტრეტი“

კატინის ტყუილი დახვრებილი ქართვალეი ოფიცრები

და ვარშავის აჯანყების ბმირი ქართვალეი ბობონა

ბოლშევიკურ რუსეთთან ხანმოკლე ომისა და რუსეთის მიერ საქართველოს დემოკრატიული რესპუბლიკის (1918-1921 წლები) ოკუპაციის შემდეგ იუნკერი არკადი სხირტლაძე (1902-1940) სხვა ქართველ იუნკრებთან და სამხედრო მოსამსახურეებთან ერთად იძულებული გახდა ემიგრაციაში წასულიყო. ბევრი მათგანი, მათ შორის არკადი სხირტლაძეც, პოლონეთის სამხედრო სკოლებში ჩაირიცხა და შემდეგ კონტრაქტით მსახურობდა პოლონეთის არმიაში.

არკადი სხირტლაძე ბიდგოშჩის მფრინავთა სკოლაში სწავლობდა. 1937 წელს ოჯახთან ერთად (პოლონელი მეუღლე იანინა კიჩინსკა-სხირტლაძე და ორი ქალიშვილი) ლვოვიდან დებლინში გადავიდა საცხოვრებლად და 1937-1939 წლებში დებლინის საავიაციო სკოლა „არწივის მართველებში“ მფრინავ-ინსტრუქტორად მუშაობდა. ომის დაწყების შემდეგ კაპიტანი არკადი სხირტლაძე ჩაერთო 1939 წლის სექტემბრის კამპანიაში. პირველ დღეებში დებლინის აეროპორტზე გერმანელთა მიერ განხორციელებული საჰაერო შეტევის დროს არკადი დაიჭრა და ჯერ ვარშავაში, შემდეგ კი აღმოსავლეთით გადაიყვანეს. 17 სექტემბერს პოლონეთის აღმოსავლეთიდან უკვე საბჭოთა კავშირი დაესხა თავს და გერმანელთა ფრონტს გარიდებული დაჭრილი კაპიტანი ბრესტის მისადგომებთან წითელარმიელებს ჩაუვარდა ტყვედ. თითქმის ერთწლიანი ტყვეობის შემდეგ, 1940



პოლონეთის არმიის ქართველი ოფიცრების ხსოვნისადმი მიძღვნილი სტელა ვარშავის აჯანყების მუზეუმის თავისუფლების პარკში

წლის აპრილში არკადი სხირტლაძე რამდენიმე ათას პოლონელ ოფიცერთან ერთად კატინის ტყეში დახვრიტეს.

საბჭოთა ტყვეთა ბანაკებში აღმოჩნდა პოლონეთის არმიის კიდევ რამდენიმე ქართველი საკონტრაქტო ოფიცერი. გიორგი მამალაძე 1921 წელს ჩავიდა პოლონეთში და ოფიცერთა სკოლის დამთავრების შემდეგ კონტრაქტით მსახურობდა პოლონეთის არმიაში, სადაც მაიორის წოდება მიანიჭეს. 1939 წლის სექტემბრის კამპანიაში გიორგი მამალაძე იბრძოდა გერმანელებისა და საბჭოელების წინააღმდეგ. საბჭოთა ტყვეობაში მოხვედრილი მაიორი გიორგი მამალაძე და კაპიტანი მიხეილ რუსიაშვილი სტარობელსკის, ოსტაშკოვისა და კოჟელსკის ბანაკების სხვა ტყვეებთან ერთად დახვრიტეს კატინში 1940 წლის გაზაფხულზე. კატინის ტყეში დახვრეტილებს ტყვეა უკნიდან, კეფაში ჰქონდათ მოხვედრილი...

ზოგიერთი წყაროს მიხედვით, მაშინ ბოლშევიკებმა კაპიტნის ტყვეში კაპიტან სხირტლადის, მაიორ მამალაძისა და კაპიტან რუსიაშვილის გარდა დახვრიტეს აგრეთვე პოლონეთის არმიის ქართველი გენერალი ალექსანდრე ჩხეიძე. ალექსანდრე ჩხეიძე (1878-1940) პირველი მსოფლიო ომის შემდეგ პოლკოვნიკის რანგში მსახურობდა საქართველოს დემოკრატიული რესპუბლიკის შეიარაღებულ ძალებში, პოლონეთში ემიგრირებულმა უმაღლესი სამხედრო განათლება მიიღო და პოლონეთის არმიის მე-16 ქვეითი დივიზიის სარდალი და მრავალი ბრძოლის მონაწილე გახლდათ. აღსანიშნავია, რომ სამოცდაათ წელს მღწეული ბრიგადის გენერალი ჩხეიძე გერმანელებმა აიყვანეს ტყვედ და შემდეგ რიბენტროპ-მოლოტოვის პაქტის შესაბამისად ბოლშევიკებს გადასცეს. აქვე ისიც უნდა აღინიშნოს, რომ სხვა ცნობების თანახმად, გენერალი ალექსანდრე ჩხეიძე 1941 წელს მოკლეს საბჭოთა კავშირის ტერიტორიაზე, კერძოდ, მოსკოვის ლუბიანკის ციხეში.

კაპიტან არკადი სხირტლადის უფროსი ქალიშვილი ირინა 1928 წლის 7აპრილს დაიბადა ლვოვში. 1943 წლის ბოლოს, როდესაც მამამისი ცოცხალი აღარ იყო, ირინა დედასა და უმცროს დასთან ერთად ვარშავაში გადავიდა. ოკუპირებულ ვარშავაში ირინას მოუძებნია ქართველი ქალი და მასთან დადიოდა ქართული ენის უკეთ შესასწავლად.

ქართველი კაპიტნის, პოლონეთის არმიის საკონტრაქტო ოფიცრის ქალიშვილი ირინა სხირტლადე არ იყო ვალდებული, მონაწილეობა მიეღო ვარშავის აჯანყებაში. მიუხედავად ამისა, მამაცი და გაბედული გოგონა აქტიურად ჩაება ანტიფაშისტურ მოძრაობაში. 1944 წლის აგვისტოში, ვარშავის აჯანყების დაწყების პირველივე დღეებში, ირინა სხირტლადე ფსევდონიმით „ირკა“ პოლონეთის წინააღმდეგობის არმიაში მოხალისედ ჩაეწერა და „პარასოლის“ ბატალიონში შეკავშირე და სანიტარი იყო. ბატალიონთან ერთად ირკამ ბრძოლის მთელი გზა განვლო ვარშავის ვოლას უბნიდან ძველი ქალაქის გავლით ცენტრამდე და ჩერნიაკოვამდე. 1944 წლის 14 სექტემბერს 16 წლის ირინა სხირტლადე ვარშავის სოლჟის უბანში, ლუდნას ქუჩაზე გერმანელთა ტყვიამ იმსხვერპლა, როცა ის ცდილობდა, მძიმედ დაჭრილი ბატალიონის უფროსისთვის დახმარება აღმოეჩინა. 1944 წლის 12-24 სექტემბერს სწორედ სოლჟში მიმდი-



კაპიტანი
არკადი
სხირტლადე



მაიორი გიორგი მამალაძე

ნარობდა გააფთრებული შეტაკებები აჯანყებულებსა და გერმანელებს შორის.

ვარშავის აჯანყება, რომელიც 1944 წლის 1-ელ აგვისტოს დაიწყო, პოლონეთის წინააღმდეგობის არმიის მიერ ორგანიზებული უმთავრესი ოპერაცია იყო და მას ემიგრაციაში მყოფი პოლონეთის მთავრობა ზეღმძღვანელობდა. აჯანყების მიზანი იყო გერმანელთა ოკუპაცი-



ირინა სხირტლაძე და მისი საფლავი პოვონზკის სამხედრო სასაფლაოზე



სკკპ ცკ-ის პოლიტიბიუროს დადგენილების ოქმი, რომლითაც შინაგან საქმეთა კომისარიატს უფლება მიეცა, უკრაინისა და ბელარუსიის სამხედრო ტყვეთა ბანაკებში მყოფი პოლონეთის არმიის მეთორბეისთვის დახურვების განაჩენი გამოეტანა


ისგან ვარშავის გათავისუფლება და დროში ისე იყო გათვლილი, რომ დამთხვევოდა საბჭოთა წითელი არმიის მოახლოებას ვარშავის აღმოსავლეთ გარეუბნებთან და გერმანელების უკან დახევას. მაგრამ საბჭოთა არმიამ მოულოდნელად შეაჩერა წინსვლა და საშუალება მისცა გერმანელებს, გადაჯგუფებულიყვნენ და ისევ წაერთმიათ ქალაქი პოლონელებისთვის, რომლებიც 63 დღეს გამირულად იბრძოდნენ თავიანთი დედაქალაქისთვის, გარედან რამე მნიშვნელოვანი დახმარების გარეშე. უინსტონ ჩერჩილი სთხოვდა სტალინსა და რუზველტს, დახმარება გაეუწიოთ ბრიტანეთის პოლონელ მოკავშირეებს, მაგრამ უშედეგოდ. შემდეგ, საბჭოთა კავშირისგან საკაერო უსაფრთხოების გარანტიის გარეშე, მან ბრიტანეთის უმაღლესი მთავარსარდლობით მოქმედი საფრანგეთის, სამხრეთ აფრიკის რესპუბლიკისა და პოლონეთის საკაერო ძალებით მაინც განახორციელა ორასამდე დაბალი სიმაღლის გაფრენა ვარშავის მიმართულებით. ამ თვითმფრინავებიდან აჯანყებულ ვარშავას საკვებსა და მედიკამენტებს უყრიდნენ.

ირინა სხირტლაძე დაჯილდოებულია მედლით „მამაცთა ჯვარი“, რომელიც 1920 წელს დააწესა პოლონეთის დაცვის საბჭომ და რომელიც ენიჭება მათ, ვინც სიმამაცესა და გამბედაობას გამოიჩინეს უშუალოდ ბრძოლის ველზე.

ირინა სხირტლაძე ბატალიონ „პარასოლის“ სხვა ჯარისკაცებსა და სანიტრებთან ერთად დაკრძალულია ვარშავის პოვონზკის ცნობილ სამხედრო სასაფლაოზე. ამ სასაფლაოზე განისვენებენ 1920 წლის ვარშავის ბრძოლის, 1939 წლის სექტემბრის კამპანიისა და 1944 წლის ვარშავის აჯანყების მონაწილენი. მათგან ბევრი უსახელო გმირია.

2011 წლის 14 სექტემბერს, ირინა სხირტლაძის დალუპვიდან 67 წლის შემდეგ ვარშავის პოვონზკის სამხედრო სასაფლაოზე გაიმართა ვარშავის აჯანყების გმირი ქართველი გოგონას ხსოვნისადმი მიძღვნილი ცერემონია. დებლნის საავიაციო სკოლის, „არწივის მართვეების“ კურსანტებმა, სადაც მრავალი წლის წინ ირინას მამა, კაპიტანი არკადი სხირტლაძე პოლონელ მფრინავებს წვრთნიდა, ყვავილებით შეამკეს ირკას საფლავი და მის ხსოვნას სანთლები აუთეს.

ღონისძიების ინიციატორი იყო პრეზიდენტ ლეხ კაჩინსკის კანცელარიის წარმომადგენელი, ქართველი ხალხის მეგობარი, ქალბატონი მალგოჟატა გოშიევსკა, რომელიც 2011 წლის



25 იანვარს საქართველოს ღირსების მედლით დაჯილდოვდა. „ყველამ ვიცით, როგორი მადლიერება გამოხატა ქართველმა ერმა პრეზიდენტ ლეხ კაჩინსკისადმი, მის მიერ 2008 წლის აგვისტოს ომში გაწეული დახმარებისათვის. საქართველოში არაერთ ქუჩას ეწოდა დაღუპული პრეზიდენტის, ლეხ კაჩინსკის სახელი. ჩვენ, პოლონელებმაც, უნდა გამოვხატოთ ჩვენი მადლიერება. ქართველებმა, რომლებიც პოლონეთის არმიამი მსახურობდნენ, სამაგალითო გმირობა და ერთგულება გამოავლინეს, როგორც 1939 წლის სექტემბრის კამპანიის დროს, ასევე შემდეგ, ოკუპირებულ პოლონეთშიც და დასაუღეთის ფრონტზეც. ბევრი მათგანი პოლონეთის უმაღლესი სამხედრო მედლებითაა დაჯილდოებული. ირინა სხირტლადისა და მისი მამის ისტორია ნაკლებად არის ცნობილი პოლონეთში. ჩვენ გვჭირდება ეს საზეიმო ცერემონია, რათა გავიხსენოთ ირინა სხირტლადი“, — ამბობს ქალბატონი მალგოჟატა.

პოეტმა ჯანსუღ ჩარკვიანმა ირინა სხირტლადის ხსოვნას ლექსი „ირინოლა“ მიუძღვნა. იმ დროს, როცა ირკას გმირობით შთაგონებული ჯანსუღ ჩარკვიანი ამ ლექსს წერდა, საბჭოთა კავშირის გავლენის სფეროდ და სატელიტად ქცეულ პოლონეთში, სადაც მარიონეტული კომუნისტური ხელისუფლება იჯდა, პოლონეთის არმიის ქართველი ოფიცრების თემა, ოფიცრებისა, რომლებიც პოლონეთის თავისუფლებისთვის თავდადებით იბრძოდნენ როგორც ფაშისტური გერმანიის, ასევე საბჭოთა წითელი არმიის წინააღმდეგ, მკაცრად ტაბუირებული იყო. შესაბამისად, ჯანსუღ ჩარკვიანს არ შეიძლება სცოდნოდა, რომ მისი ლექსის გმირი საბჭოთა შინსახკომის მიერ კატინის ტყეში დახვრეტილი პოლონეთის არმიის ქართველი ოფიცრის, კაპიტან არკადი სხირტლადის ქალიშვილი იყო. იმ წლებში არც ის ფაქტი იყო ცნობილი, რომ 1944 წლის ვარშავის აჯანყება, რომელსაც შეეწირა 16 წლის ირინა სხირტლადი, გერმანელებმა სწორედ საბჭოთა კავშირის დახმარებით ჩაახშეს.

2007 წლის 10 მაისს ვარშავის აჯანყების მუზეუმის თავისუფლების პარკში პოლონეთისა და საქართველოს პრეზიდენტებმა ლეხ კაჩინსკიმ და მიხეილ სააკაშვილმა საზეიმოდ გახსნეს პოლონეთის არმიის ქართველი ოფიცრების ხსოვნისადმი მიძღვნილი სტელა, რომლის სამეწოვანი (პოლონური, ქართული და ინგლისური) წარწერა გვამცნობს, რომ მე-



პოლონელებმა კატინში დახვრეტილთა ვინაობა მემორიალებზე უკვდავყვეს

მორიალი ეძღვნება პოლონეთის არმიის ქართველ ოფიცრებს, რომლებმაც 1939-1945 წლებში სიცოცხლე გაწირეს პოლონეთის რესპუბლიკისთვის, ორ ოკუპანტთან ბრძოლაში დაცემულთა, ჭრილობებისგან გარდაცვლილთა და მოკლულთა ხსოვნას, მათ ვინც თავი გაწირა პოლონეთისთვის 1939 წლის სექტემბერში, ემსხვერპლა კატინში ჩადენილ დანაშაულს, ვინც გმირულად დაეცა ვარშავის აჯანყების ბარიკადებზე და მეორე მსოფლიო ომის სხვადასხვა ფრონტზე.

ძატი ბოროტაძე



მედალი „მამაცთა ჯვარი“, რომლითაც დაჯილდოებული იყო ირინა სხირტლადი



საღმრთო აჯანყება

(1875-1876)

ეროვნულ-განმათავისუფლებელი მოძრაობა საქართველოში XIX საუკუნის პირველ ნახევარში აქტიურდება (კახეთისა და მთიულეთის აჯანყებები, საეკლესიო ბუნტი დასავლეთ საქართველოში). საუკუნის მეორე ნახევარში კი აქციონტი ეთნიკური თვითშეგნების აღორძინებაზე გადადის. ამ პერიოდსვე მიეკუთვნება აჯანყება სვანეთში, სოფელ ხაღდელში 1875-1876 წლებში.

ის, რაც რუსებმა მოახერხეს საქართველოს სხვა კუთხეებში, ვერ განახორციელეს სვანეთში, რადგან სამთავროს გაუქმების შემდეგ ვერ შეძლეს რეალურად ამ კუთხის დამორჩილება. ცინიკური იყო მოსახლეობის ლოთობაში დადანაშაულება და რუსებისთვის აგრერიგად ნაცნობი სენისგან ტრადიციების ერთგული სვანების „გათავისუფლების“ მცდელობა, რისთვისაც სოფლებში აღირიცხა არყის სახდელი ქვაბები და გამოხდაზე დაწესდა ბაჟი.


კონფლიქტის პროვოცირება ადგილობრივი თვადის, თენგიზ დაღეშქელიანისგან მოდის. მას ბალსზემთა, უბატონო სვანეთის მოსახლეობისთვის გამოუცხადებია ზახინისთვის გადასაცემი მიწების აზომვის შესახებ. ასევე მისთვის უნდა მიეწოდებინათ ცნობები, რა რაოდენობით ჰყავდათ პირუტყვი — ხარ-ძრო-

ხა-ცხენით დაწყებული, ძაღლითა და კატით დამთავრებული (მათზეც გადასახადების დასაწესებლად!). ხალხს ამ გაუგონარი განზრახვის გამო თხოვნით მიუძართავს დაღეშქელიანისა და ბოქაულისთვისაც, შუამავლად ჩამდგარიყვნენ მთავრობის წინაშე. მათ კი ცეცხლზე ნავთი დაუსხამთ და მოუთხოვიათ არაყსა და თუთუნზე აქციონის დაწესებაც. შემდგომ კიდევ უფრო განსაცვიფრებელი ამბავი ხდება. დაღეშქელიანმა მოსახლეობა დაამშვიდა, — ნურაფერს გადაიხდით, მეც გვერდით დაგიდგებითო, თუმცა კი ხალხი იმედის ანაბარა მიატოვა. მერე სულაც ჯარები გამოითხოვა ქუთაისიდან მათ დასასჯელად.

ეს სვანეთის აჯანყების პირველი ეტაპია. 1875 წლის მაისში ბალსზემო სვანეთში დაიწყო მიწების აღწერა. შეიარაღებული მამაკაცები სოფელ კალაში შეკრებილან კვირიკეს

Ci vis pacem - Para Belum!

თუ გსურს მშვიდობა...
ემზავე ომისთვის!



 **არსენალი**

კაცური ჟურნალი
არა მარტო მამაკაცებისათვის!

სალოცავთან. მჭევრმეტყველებით გამორჩეული ყოფილა ყასბულათ შერვაშიძის მიმართვა შეკრებილებსადმი: „ჩემზე მოხუცი ურევია ამ ყრილობას და ისინი ჩემზე უკეთ იტყვიან, რომ ვისაც ჩვენი დამონება და ხელში ჩაგდება მოუნდომებია, ყველანი ჩვენი მსხვერპლნი გამხდარან! სვანეთის სალოცავმა გვაშოროს, რომ თოფი და ხანჯალი დაგვჭირდეს ახლაც. ამგვარი საქმის მოსურნე არაყინ ვართ... ხმა დადის ჩვენი მიწების დაბეგვრა უნდათო. თუ ეს მართალი გამოდგა, მაშინ სიცოცხლის პირი არა გვაქვს და მუდამ წვალებას ის გვირჩევნია, ერთ დღეს გაეთავდეთ“.

გადაწყდა ბალისა და ლატფარის უღელტეხილების ჩაკეტვა. რუსებმა მრავალრიცხოვანი სამხედრო ექსპედიცია მოამზადეს ტფილისსა და ქუთაისში. დიდი ჯარი მიადგა ქვემო სვანეთის კარიბჭეს გენერალ ციტოვიჩის წინამძღოლობით. ამჯერად მოლაპარაკების

გზით ლეჩხუმიდან მზრის უფროსი გრინვესკი და მისი თანმხლებნი ლატფარის უღელტეხილით მივიდნენ სოფელ ლალხორში, ხოლო შემდგომ უკვე რუსთა რაზმიც ჩავიდა ბეჩოში. აქ უკვე რუსულმა მხარემ დაივიწყა მოლაპარაკების პირობები და შეიპყრეს ბუნტის მოთავეები. დატუსაღებული თავკაცები ქუთაისის სატუსაღოში გამოამწყვდიეს. აჯანყების პირველ ეტაპს ემსხვერპლნენ ყასბულათ შერვაშიძე და გინადრუყ ფარჯიანი.

1876 წელს მოვლენები ასე განვითარდა: წინა წელს აჯანყების მეთაურებად, ანუ ბუნტის-თავეებად გამოცხადებული 19 კაციდან სამი არ ენდო რუსებს და ვერც შეიპყრეს. გრინვესკიმ გადაწყვიტა, უშუალოდ ეხელმძღვანელა სადამსჯელო ექსპედიციისთვის, რომელიც თავდაპირველად მულახს „ესტუმრა“, სადაც შეიპყრეს შახუბათ ქურდიანის ორი უდანაშაულო ვაჟი და კალაში წაიყვანეს. აქედანვე გაგზავნეს ხალდეში მოსალაპარაკებლად მღვდელი ალექსი ბაქრაძე და მამასახლისი მარგველანი.

გრინვესკიმ მოითხოვა, დაშინაშევიან გადმოგვეცითო. ხალდელებს ორაზროვნად შეუთვლიათ, ჩვენი ხელით ვერ დავიჭერთ და ვერ მოგვგვრით, თქვენ კი თუ შეძლებთ, შეიპყარიო. აჟმა წინათგრძნობამ შეიპყრო სოფელი. ბევრმა ცოლ-შვილის გახიზვნა დაიწყო. ხალდელებმა არც რუსები შეუშვეს სოფელში და მით უმეტეს, არც თვითონ გამოეგებნენ გრინვესკის. მით უფრო, რომ ავი გამოცდილება ჰქონდათ უკვე: ვინც წინა წელს ქუთაისს წაიყვანეს, ყველანი ციხეში დაიხოცნენ. იქ სიკვდილს კი აქ სიკვდილი გვირჩევნიაო. ეს მოხდა 31 ივლისს. ამრიგად, სადამსჯელო რაზმი თავის მეთაურებთან ერთად ხალდეს მისადგომებთან ყურყუტებდა.

ხალდელები მთლად კმაყოფილნი არ დარჩენილან ბესარიონ ნიჟარაძის შუამავლობით. მართალია, სოფელი არ გამოჰყვა, მაგრამ ხალდელთა ერთი ნაწილი, ძირითადად ნათესაუბები მაინც დაუთანხმებია შეხვედრაზე იმ პირობით, რომ ხალხი გაჩერდებოდა ჯარისგან ერთი ვერსის სიშორეზე და შეხვედებოდნენ მხოლოდ გრინვესკის. მაგრამ ბესარიონ ნიჟარაძის მცდელობა ამაო გამოდგა, შეხვედრა არ შედგა, რადგან სწორედ ამ პერიოდს დაემთხვა დაპირისპირება გრინვესკისა და მაიორ ლეუსის შორის (ორივეს პირველობა უნდოდა). ასე რომ, ერთმანეთის ჯობრზე გრინვესკი და ლეუსი ჯარით ხალდესკენ გაემართნენ.



აჯანყების მონაწილე პარტყულად შამფრიანი. დიმიტრი ერმაკოვის ფოტო



გაუკაცურებული ხალდე

ამრიგად, I-ელ აგვისტოს გრინვესკი შეიარაღებული ჯარითა და ამალით ხალდეს მიადგა. ხალდეს დამცველთა ერთ-ერთი შთამომავლის, ჯოყოლა ჩეგიანის ცნობით, ხალდეში ოთხი გვარის ოცდახუთი ოჯახი სახლობდა: რვა კომლი ყოფილა გასვნიანებისა, შვიდ-შვიდი — ჩოფლიანებისა და ჯოხაძეებისა, ხოლო სამი კომლი ჩეგიანებისა. როგორც მთხრობელები გადმოგვცემენ, ამათ გარდა მესხეთე გვარიც ყოფილა ხალდეში. ორი კომლი ქოჩქიანებისა, მაგრამ ამ გვარმა დაფიცებაში არ მიიღო მონაწილეობა და ხალდე დაუტოვებიათ. სოფელში იმ დროისთვის თორმეტი კომპი ანუ მურყვამი მდგარა. ცხადია, თავისებურ სიმაგრეს წარმოადგენდა სვანური ქვითკირის სახლიც ანუ ლუშნუ ქორი და განსაკუთრებით მაჩვიბი. ორმოცამდე შეიარაღებული მამაკაცი კომპებში განლაგდა, ხოლო დარბაისელი მოხუცი სოფლის შუაგულში, სვიფში ელოდნენ მშვიდობიანად მტერს იმ იმედით, იქნებ საქმე კეთილად მოგვარდესო.

პირველი ხალდეში გრინვესკი შვეიდა. ჯა-

რის ერთი ნაწილი ხალდეში გაიშალა, მეორე ნაწილი კი სოფელთან განლაგდა და ალყაში მოაქცია იგი. უხუცესებმა სცადეს მშვიდობიანად მორიგება, ისიც გამოუცხადეს მომხდურთ, რომ ძეხნილთა ხელის დაფარებას არც აპირებდნენ, ისინი სოფელში არც არიან, ყარაჩაეთის მიმდებარე მთებში გაიხიზნენო.

შეიარაღებული ხალდელები თავდაცვით პოზიციებზე განლაგდნენ, თუმცა ორი მათგანი, ძმები გვეი და გიერე გასვნიანები კომპებს გარეთ აღმოჩნდნენ. ერთი ვერსიით, მათ ვერ მოასწრეს შეხიზვნა, მეორე ვერსიით კი ჯარს შეეგებნენ. ლუშნა რვა ჯარისკაცს მათი შეპყრობა უბრძანა. ერთი მალევე ააგეს ხიშტებზე, მეორემ კი ხანჯალი იმისშვლა და სამი სალდათი გაიყოლა, თუმცა მეოთხემ იგი იმსხვერპლა.

ეს ყველაფერი ხალდეს დამცველთა თვალწინ მოხდა. ბუნებრივია, საპასუხოდ სროლა გაისმა გასვნიანებისა და ჩეგიანების კომპებიდან. ბადრი, შავხან და ბულა გასვნიანებმა მოკლეს წერას ატანილი მაიორი ლეუსი და დაჭ-

რეს ბოქაული მიქელაძე. ჩვენი მთხრობელის, ჯოყოლა ჩეგიანის დიდმა ბაბუებმა მომი და გუა (გოგი) ჩეგიანებმა პირდაპირ მაზრის უფროსი გრინევსკი ამოიღეს მიზანში. მას გარდაუვალი სიკვდილი ელოდა, მაგრამ რატომღაც თავი გამოიღო კალის მამასახლისმა მარგველანმა, ცოცხალ ფარად დაუდგა და მის წილ ტყვიას ემსხვერპლა. თორმეტივე კოშკიდან დაიწყო სროლა. დაიღუპა ორი კაცი, ხოლო ცხრა დაიჭრა, ხალდელები კი მამა-პაპათა კოშკებმა საიმედოდ დაიცვეს. შეღამებისას რუსთა რაზმმა ლალხორალში გადაინაცვლა. გრინევსკი ჩეგიანების თოფს კი გადაურჩა, მაგრამ იმ ღამეს გასვიანების შურისძიებას ემსხვერპლა. გრინევსკიმ, დაჭრილმა მიქელაძემ, ექიმმა ბელსკიმ, ბაქრაძემ, ასათიანმა და დევლეთ პირველმა სოფლის აღმოსავლეთით მდებარე ესპინე ჯოხაძის ოჯახს შეაფარეს თავი. სწორედ აქ, ღამით ემსხვერპლნენ მესისხლეთა რისხვას. ამ შურისძიების მოთავენი ყოფილან ხიშტებზე აგებული გეგი და გიერგ გასვიანების ძმა ბუღა გასვიანი და მათი ბიძაშვილი ჩოფა გასვიანი. მხოლოდ დაჭრილ ბაქრაძეს ჩაუღწევია ქუთაისამდე. მეორე ვერსიით, დევლეთ პირველიც გადაურჩა შურისძიებლებს.

პირველ დღეს ხალდელებმა ივაჟკაცეს,

მაგრამ ისიც იცოდნენ, რომ ამ ყოველივეს არავინ შეარჩენდათ. დაასაფლავეს დაზოცილი მომხდურნი, ცოლ-შვილი ნათესავებში განიხნეს და დაიწვეს მზადება გადამწვევები ბრძოლისთვის. წარმომადგენლები გაგზავნეს ბალსზემოთა სოფლებში დახმარების სათხოვნელად, მაგრამ წინ დიდი იმედგაცრუება ელოდათ. წინა წლის გამოჩენილი ერთსულოვნება დაიფიცვეს, ერთად ბრძოლის პირობა და ფიცი დაირღვა. ასე რომ, სოფელი მარტო დარჩა.

რუსებმა მიყენებული სირცხვილის ჩამორეცხვა უღმობელი და სასტიკი გადაწყვეტილებით განიზრახეს. შეიქმნა სვანეთში გასაგზავნი მძლავრი სამხედრო ძალა სხვადასხვა სახეობის რაზმით, სავლე ლაზარეთით, სამხედრო ადალით, ერთი თვის სამყოფი სურსათ-სანოვანითა და საომარი აღჭურვილობით. საბოლოო მიზანს არც მაღავენენ: ალყაში მოექციათ სოფელი ხალდე და იქიდან ცოცხალი არ გაეშვათ არც ერთი სულდგმული.

სადამსჯელო ექსპედიციაში მონაწილეობდა ალექსანდრეპოლის 161-ე ქვეითი პოლკის ოთხი ასეული, ქუთაისის გუბერნიის ქვეითი მილიციის ორი რაზმი, 39-ე საარტილერიო ბრიგადის სამთო ბატარეის ოცეული, მესანგრეთა ასეული, გურიის მილიციისა და ბეჩოს სამხედრო ნაწილის რაზმები. ქუთაისთან კავ-

ფოლკლორული ანსამბლი სვანეთიდან, რომლის რეპერტუარს „გაუულ გაგ ზეც“ ამშვენებს



შირის დასამყარებლად მოეწყო კაზაკთა ხუთი საგუშაგო. ოპერაციას ხელმძღვანელობდა გენერალი ციტოვიჩი.

გზა ქვემო სვანეთის გავლით არჩიეს. ქუთაისიდან 12 აგვისტოს ჩოლურს მიაღწიეს, 19 აგვისტოს ლატფარის უღელტეხილი გადალახეს და ასე მიადგნენ ხალდეს სანახებს, სადაც თავად თენგიზ დადემქელიანის მიერ მთავრობის დასახმარებლად გამოყვანილი რაზმი დახვდათ. 20 აგვისტოსთვის განლაგდნენ სოფლის პირისპირ იმ ადგილას, რომელიც მიჯვარიშის სახელითაა ცნობილი. ეს იყო სტრატეგიული ადგილი, საიდანაც ხელის გულივით ჩანდა მთელი სოფელი. სწორედ აქ მოაწვევს დამპყრობლებმა საარტილერიო მოედანი სამთო ქვემეხებისთვის. ალყის მოწყობა საბრძოლო ტაქტიკის ყველა წესით დაცვით მიმდინარეობდა, საფარი ზღუდეების, სანგრების, თხრილების ჩათვლით.

ბრძოლის დაწყების წინ მტერმა ხალდელებს მოციქულები გაუგზავნა და დანებება მოსთხოვა. სოფელმა ულტიმატუმი არ მიიღო და უღმობელი ბრძოლაც დაიწყო. სწორედ ამ დღეებში, ხალხში იშვა სვანური... საგმირო-ჰეროიკული ფერხული-სიმღერა „გაულ გაგხე“.

მტერი ხალდეს სამი მხრიდან უტეცდა: სამხრეთიდან — მიჯვარიშ-ლამარიას მხრიდან ექვსი ქვემეხით; დასავლეთიდან — იფრალის, კრაბზაგარის, ვანიამის გზით და აღმოსავლეთიდან.

პირველი ცეცხლის წვიმა ხალდელებს 21 აგვისტოს დაატყდათ თავს, თუმცა მტერი ვერას გახდა. მომდევნო დღეს ხალდელებმა კვლავ საპასუხო ცეცხლი გახსნეს. ამჯერად მიზანში საარტილერიო ბატარეა ამოიღეს. ერთ-ერთი კოშკიდან გასროლამ მიზანს მიაღწია და ტყვია მეზარბაზნეს მოხვდა. ამ ფაქტს ჯოჯოლა ჩეგიანი ასე გადმოგვცემს: „მიჯვარიშიდან ქვემეხების სროლა ხალდეს დამცველებს დიდ ნგრევას აყენებდა. მაშინ ამოუღია მიზანში ჩემი ბაბუის მამის — ივანეს ძმას, მომი ჩეგიანს გამორჩეული მეზარბაზნე და შუბლი გაუგლეჯია მისთვის. მის ნაცვლად ვინმე თავაძე და გოლეტიანი დაუყენებია ქვემეხთან ციტოვიჩს. არ ვიცი, არ იცოდნენ სროლა, არ ვიცი, აჯანყებულთ ინდობდნენ, ფაქტი ის არის, რომ პირდაპირ არ ისროდნენ. ამით გაგულისებულ გენერალ ციტოვიჩს იქვე დაუხოცავს ორივე“. ხალდელებმა გადაწყვიტეს, როგორმე ქვემეხები გამოეყვანათ მწყობრიდან.



დაცარიელებული ხალდე ტურისტებს იზიდავს...

გამოიყო კიდევ თავდადებულთა ჯგუფი გურმაჩ, კაცინე და ბადრი გასვიანების, ჩარგაზ და ჯოხან ჯოხაძეებისა და გიორგი ჩოფლიანის შემადგენლობით. მათ მოახერხეს, შეუმჩნევლად და მოულოდნელად თავს დასხმოდნენ მოძალადეთა შუაგულს. სიცოცხლეს გამოასალმეს სამი მეზობელი, ხოლო ოთხი დაჭრეს. მაგრამ სამწუხაროდ, მწყობრიდან ვერ გამოიყვანეს „მთავარი მტერი“ — ქვემეხები. ქვემეხების ცეცხლში იყო გახვეული ხალდე 23 აგვისტოსაც. დღის ბოლოს მოხუცებისა და ქალების ერთმა ნაწილმა დატოვა სოფელი. ალყა უფრო და უფრო ვიწროვდებოდა.

გადაწყვეტ იერიშზე მომხდურნი 26 აგვისტოს გადავიდნენ. დაიწყო იერიში უშუალოდ სოფელზე ორი მხრიდან და ხალდეს უბან-უბან ხელში ჩაგდება. აქაც მთავარ წინააღმდეგობად მომხდურთ სოფლის დამცველთა გულადობა და ქართველ კირითხუროთა შედევრები — კოშკ-მურყვანები გადაეღობა. ამასობაში გმირ დამცველებს ტყვია-წამალიც ელეოდათ, ამიტომ ალყის გარღვევა

გადაწვივდეს. ერთმა ნაწილმა სასწაულებრივად მოახერხა კიდევ ეს.

კომპების ასაფეთქებლად საგანგებო ღონისძიებებს მეორე დღეს მიმართეს. ორი კომპი შიგნიდან გამოწვეს. ერთ ნაწილს ძირში მიყარეს მოჭრილი მორები, ცეცხლი ააბრიალეს და კედლები დაუსუსტეს. მეორე ნაწილს ოთხივე კედლის ძირში დენთი და ლალუმი შეულაგეს და ისე ააფეთქეს. ყველაზე დიდი კომპი გვი და ბადრი გასვიანებისა ყოფილა. გამაყრუებელი ხმაურით აფეთქებულა ლალუმი. საოცარია, მაგრამ კომპის ზღუდე-კედლებს ვერაფერი დააკლო აფეთქების სიმძლავრემ და როგორც მედგარი კაცი, ისე წაქცეულა კედლებდაუზბარავი მურყვამი. გმირი კომპის ბედი, გმირმა გასვიანებმაც გაიზიარეს და ვაჟკაცურად შეაკვდნენ მტერს.

სოფელს ნაწილ-ნაწილ თავდაღწეულმა ხალდელებმა მყინვარებს შეაფარეს თავი. მათ სვანებმა კოჟამ შტავალ ანუ კლდის მერცხლები უწოდეს, ხოლო დიდმა გალაკტიონმა ასე უძღერა კლდეს შეფარებულ გმირებს: „რა გინდათ მთაში, რას ერჩით მერცხლებს?“

თენგიზ დადემქელიანის რაზმმა მყინვარებში მიიმწყვდია ხალდელი ცხრა ვაჟკაცი. გამოსავალი აღარ იყო. მაშინ მიუმართავს თანამომხმეებისთვის გოგი დათას ძე ჩეიანს, —

მაინც ვიღუპებით, უკანასკნელად „გავთბეთ“ და გავარდვიოთ ალყაო. მუჯირები (რკინაწამოცმული ხე მთაში სასიარულოდ) დატყეხს და ცეცხლი იმით აანთეს. ცოტა გამთბარან, სიცოცხლის ნიშატი დაბრუნებიათ გათოშილებს და ალყა გამოურღვევიათ. იქ მულახელები მდგარან და გამოუტარებიათ თანამომხმენი. დადემქელიანს კი კალელებისთვის დაუბრალებია აჯანყებულთა გაქცევა და ისინი დაუსჯია.

მეფის მთავრობამ კვლავ ვერაგობას მიმართა. დეენილთა ცოლ-შვილი შეუპყრიათ და მათი დახოცვით იშუქრებოდნენ. დადემქელიანს მაინც არ ჩაბარებიათ. ჩამოსულან ქუთაისში (სხვა ვერსიით, ლენტეხში), გუბერნატორთან. ეზოში ნაძვის ხე მდგარა, თოფი მასზე გადაუტყნავთ და „გაულ გავხეს“ სიმღერით ჩაბარებიათ მტერს.

ხალდეს აჯანყებას ქართველი საზოგადოება გულისყურით ადევნებდა თვალს. ქართველი ინტელიგენციის ყურადღების ცენტრში იყო შეპყრობილ აჯანყებულთა სასამართლო პროცესი. საზოგადოებრივი დამცველის როლი სასამართლოზე თვით აკაკი წერეთელმა იკისრა. აჯანყებულთა დასაცავად აღიმაღლა ხმა ნიკო ნიკოლაძემ.

აჯანყებულებს იცავდნენ ადვოკატები ლ.

სვანები. XIX საუკუნის დასასრულის ფოტო





ძველი ხალდეს ნანგრევები

ლოლუა, დ. ლორთქიფანიძე, აღმაზოგი, დრობიშჩივი. სწორედ მათმა ერუდიციამ და საზოგადოებრივმა რეზონანსმა აიძულა რუსული ადმინისტრაცია, ჩამოხრჩობა კატორღით შეეცვალათ, ასევე შეემციებინათ გადასახლების ვადები. თუმცა განაჩენი მაინც უსამართლო და მძიმე იყო. არაადამიანური პირობების გამო გადასახლებულთაგან მხოლოდ ჩოფა ჩოფლიანი და მომი ჩეგიანი დაბრუნდა ცოცხალი.

გადაბუგულ და გაცამტვერებულ ხალდეში მეფის მთავრობამ დასახლება აკრძალა. ხალდელთა ოჯახები ნათესავებს იყვნენ შეხიზნული როგორც ზემო, ისე ქვემო სვანეთში. ასე მაგალითად, მომი ჩეგიანის ძმას ივანეს ცოლი ქვემო სვანეთიდან, სოფელ მუწდიდან ჰყოლია, კვასტიანების ქალი და ჩეგიანების ოჯახი კვასტიანებს შეუფარებიათ.

მხოლოდ 1880 წელს მიიღეს ხალდელებმა კვლავ თავიანთ სოფელში დასახლების უფ-

ლება. თუმცა ხელახლა, ფერფლიდან აღდგენილ სოფელს ხალდეს ნაცვლად ახალი იფრარი დარქვეს. სოფელი ნელ-ნელა გაშენდა და 1892 წლისთვის აქ უკვე 15 მოსახლე იყო.

სწორედ მომი ჩეგიანი, ეს გაუტყეხელი მემბოზე იყო პირველთაგანი, რომელმაც გადასახლებიდან დაბრუნებულმა ახალი სული შთაბერა ხალდეს. ქვემო სვანეთში, სოფელ ზაგალოდში შეხიზნული ოჯახი ამოიყვანა და ხელახლა დაანთო კერაზე ცეცხლი. მისი ინიციატივითვე აღუდგენიათ მაცხოვრის ეკლესია და ახალი სიცოცხლე დაუწვია სახელოვან სოფელს.

სამწუხაროდ, ხალდეში დღეს აღარავინ ბინადრობს. იქ ჩასულთ ნასახლარები და უძველესი კოშკების ნაშთები თუ შეახსენებენ იმ ტრაგედიას, რაც აქ საუკუნე-ნახევრის წინ დატრიალებულა.

ნოდარ შოშიტაშვილი

ქართველთა თავბადასავალი ოთხ წიგნად

„საქართველოს ისტორიის ახალი მრავალტომეული
ყოველი ოჯახის „ბინადარი“ უნდა გახდეს“

*გამომცემლობა „პალიტრა L“ საქართველოს ისტორიით დაინტერესებულ მკითხველს
სასიამოვნო სააზღვეს სთავაზობს.*

*საქართველოს ისტორია (უძველესი დროიდან XX საუკუნის ბოლომდე) — ოთხ ტომში
წარმოდგენილი ილუსტრირებული, უნიკალური ფოტოდოკუმენტებით გამდიდრებული
მასალები სრულფასოვნად ასახვენ ჩვენი სამშობლოს მრავალსაუკუნოვან ისტორიას.*

საქართველოს ისტორიის სამეცნიერო-პოპულარული ოთხტომეულის გამოცემის იდეა მეცნიერებათა აკადემიის აწ გარდაცვლილ პრეზიდენტს, აკადემიკოს ალექსანდრე თავხელიძეს ეკუთვნის. გასული საუკუნის დასასრულს გამოსაცემად შზად იყო პირველი და მეორე ტომი, თუმცა სამწუხაროდ, პროექტის განხორციელება მაშინ ვერ მოხერხდა. მხოლოდ 2009 წლიდან გახდა შესაძლებელი გამოცემაზე მუშაობის განახლება.

ოთხტომეული მოიცავს საქართველოს ისტორიის უძველესი დროიდან ვიდრე კომუნისტური ხელისუფლების დამხობამდე, ანუ დამოუკიდებელი საქართველოს ისტორიის ახალი ეტაპის დაწყებამდე. ამდენად, დაინტერესებულ მკითხველს შეუძლია გაეცნოს ისეთ უმნიშვნელოვანეს მასალებს, როგორცაა: საქართველოს ტერიტორიაზე მოსახლე ადამიანის ისტორია მისი აქ პირველად გამოჩენის დროიდან ქართული ეთნოსის წარმოქმნის ხანამდე; პირველი ქართული სახელმწიფოებრივი ერთეულების ჩამოყალიბება; ქრისტიანობის სახელმწიფო რელიგიად გამოცხადება; ბრძოლა სასანური ირანის, ბიზანტიის იმპერიის აგრესიის, არაბთა ბატონობის, თურქ-სელჩუკების, მონღოლების, ოსმალების, რუსების წინააღმდეგ... საქართველოს ოქროს ხანას, ფარნავაზიანთა და ბაგრატიონთა დინასტიის მეფეთა ცხოვრება-მოდგაწეობას, ქვეყნის აღზევებისა და დაცემის ამსახველ მასალებსა და დოკუმენტებს...

როინ მებრეველი (აკადემიკოსი): — წიგნი სხვადასხვაენოვანი და სხვადასხვა სახის წყაროების შესწავლა-შეჯერებისა და არსებული სამეცნიერო ლიტერატურის გათვალ-

ისწინების საფუძველზე დაწერილი. გვაქვს ამ თუ იმ ეპოქის დროინდელი, მსოფლიოს ისტორიული პროცესების გათვალისწინებით საქართველოში მიმდინარე სხვადასხვა პოლიტიკური დინების ჩვენების ცდები. აღსანიშნავია ისიც, რომ ნაშრომები პოპულარული ენით არის დაწერილი და მისაწვდომია მკითხველთა ფართო წრისთვის. აქვე იმასაც დაეძინდი, რომ ოთხტომეული, პირველ ყოვლისა, მოიცავს დროის უზარმაზარ მონაკვეთს, აღსავსეს უმნიშვნელოვანესი მოვლენებით, რომელთა კვლევა მოითხოვს ანთროპოლოგიის, არქეოლოგიის, ენათმეცნიერებისა და საკუთრივ ისტორიული მეცნიერების მონაცემების ერთობლივ გამოყენებას.



როინ მებრეველი

საქართველოს ისტორია ოთხ ტომად უძველესი დროიდან XX საუკუნემდე

იქონიე საქართველოს ისტორია შენს თაროზე!

წიგნის ავტორები

მარიკა ლორთქიფანიძე, როინ მეტრეველი
ანდრია აფაქიძე, ღვთისმშობლის მუხრანის მონასტრის
და სხვები.

ლამაზად ილუსტრირებული, უნიკალური ფოტომასალით



სასარგებო
გამოცემა

გამომცემლობა
„პალიტრა L“

იკითხეთ წიგნის მალაზიებში!!!



მარიკა ლორთქიფანიძე

მარიკა ლორთქიფანიძე (აკადემიკოსი): — მინდა საქართველოს ისტორიით დაინტერესებულ თითოეულ მკითხველს მივულოცო ამ მრავალტომეულის გამოცემა. ამჯერად თავს არ შეგაწყენთ იმის მტკიცებით, რაოდენ დიდმნიშვნელოვანია ეს გამოცემა. გეტყვით მხოლოდ იმას, რომ წიგნი ეფუძნება ქართველ მეცნიერთა ფუნდამენტურ გამოკვლევებს, არ გადაგვიტვირთავს მითითებებითა და სქოლიოებით სპეციალურ სამეცნიერო ლიტერატურაზე, არც პოლემიკური წიადსვლებისთვის მიგვიმართავს და ვფიქრობთ, იგი მიუკერძოებლად ასახავს საქართველოს მრავალსაუკუნოვანი ისტორიის ამა თუ იმ ეტაპს.

მაია ალუდაური (გამომცემლობა „პალიტრა L-ის“ მთავარი რედაქტორი): — ვფიქრობ, გადაჭარბებული ნათქვამი არ იქნება, რომ ეს ოთხტომეული ყველა ოჯახის სამაგიდო წიგნად უნდა იქცეს. მასში მაღალი პროფესიული ოსტატობით, მატინაეებსა თუ ქართულ და უცხოურ საისტორიო წყაროებზე დაყრდნობით მომზადებული მასალები მთელი სისრულით წარმოგვიდგენენ საქართველოს ისტორიას. რაც განსაკუთრებით აღსანიშნავია, დღის სინათლეზე გამოგვაქვს ის „მიჩუმებული“ ფაქტები თუ მოვლენები, რომელთაც ქვეყნის ისტორიული ბედუკუდმართობის გამო არ და ვერ ამხელდნენ ჩვენი ისტორიკოსები. ან თუ ამხელდნენ, კიდევ ისჯებოდნენ. ოთხტომეულის დირსებაზე ისიც მეტყველებს, რომ მასზე წლების განმავლობაში მუშაობდნენ ისეთი გამორჩეული მეცნიერები, აკადემიკოსები და პროფესორები,

როგორებიც არიან: **დავით მუსხელიშვილი**, **ოთარ ჯაფარიძე**, **გიორგი მელიქიშვილი**, **ანდრია აფაქიძე**, **როინ მეტრეველი**, **მარიკა ლორთქიფანიძე**, **ნოდარ ასათიანი**, **გიორგი ოთხმეზური**, **გოგი ჯამბურია**, **მინიელ სამსონაძე**, **ალექსანდრე ბენდიანიშვილი**, **მაყვალა ნათემლაძე**, **ალექსანდრე დაუშვილი**.

ოთხტომეულში გამოყენებულია საქართველოს ისტორიკოსთა რამდენიმე თაობის წარმომადგენელთა გამოკვლევები და მონოგრაფიები, მაგრამ ძირითადად დაწერილია საქართველოს, რუსეთის არქივებსა და წიგნთსაცავებში ავტორთა მიერ მიკვლეული ახალი მასალის გამოვლენისა და ისტორიოგრაფიულ მიმოცევაში მათი ჩართვის საფუძველზე.

ავტორები მაქსიმალურად შეეცადნენ, დაეძლიათ კომუნიტური ისტორიოგრაფიისთვის დამახასიათებელი ცალმხრივობა ისტორიული მოვლენებისა და ფაქტების შეფასებისას, რადიკალურად შეცვალეს მსოფლმხედველობითი პრინციპები, კვლევის მეთოდოლოგია და მეთოდიკა. თუ კომუნიტური იდეოლოგიის ბატონობის დროს ისტორიოგრაფიაში უპირატესობა ენიჭებოდა სოციალურ, კლასობრივ ფაქტორებს, ყველა მოვლენა ვიწროპარტიული პოზიციებიდან ფასდებოდა, ახლა უკვე დომინირებს პროფესიონალური მიდგომა და წამყვანი ადგილი ეროვნულ და საერთო-საკაცობრიო პრინციპების უზენაესობას უკავია.

ინტერვიუ ჯაფარიძე



მაია ალუდაური

ეგრისისა და აფხაზეთის გაერთიანება



აფხაზეთი ერთ-ერთი უძველესი ქართული ისტორიული და გეოგრაფიული მხარეა, ისეთივე, როგორც მაგალითად, კახეთი, სამეგრელო, სვანეთი... იგი მდებარეობდა დასავლეთ საქართველოს (კოლხეთის) უკიდურეს ჩრდილო-დასავლეთ ნაწილში კავკასიონის მთვარი ქედის სამხრეთ კალთიდან მდინარე გუმისთამდე (თანამედროვე სოხუმის ჩრდილოეთით). აფხაზად იწოდება აფხაზეთის მცხოვრები. საუკუნეთა განმავლობაში საქართველოში მიმდინარე ისტორიული პროცესების შედეგად, აფხაზეთის ფარგლები, შესაბამისად, ცნება აფხაზეთისა და აფხაზის მნიშვნელობა, ხან ფართოვდებოდა, ხან იკვეცებოდა.

ეგრისისა და აფხაზეთის, ამ ორი დასავლურქართული ქვეყნის გაერთიანება და ერთიანი დასავლურქართული სახელმწიფოს წარმოშობა, იმ საერთო-ქართული მასშტაბით მიმდინარე პროცესის შედეგი იყო, რომელსაც VIII საუკუნის ბოლოსთვის განაპირობებს სხვა ქართული (კახეთი, ჰერეთი...) სახელმწიფოების წარმოშობა.

VI საუკუნეში ეგრისის ტერიტორიაზე ირანსა და ბიზანტიას შორის ომის შედეგად, ეგრისის სამეფო თანდათან დასუსტდა. ეგრისის შემდგომი დასუსტება არაბთა თავდასხმებმაც განაპირობეს. საუკუნის დასასრულისათვის მას გამოეყო აფხაზეთი (საკუთრივ ბერძნული წყაროებით, აბაზგია), რომელიც უშუალოდ ბიზანტიის იმპერიის ხელისუფლებას დაუქვემდებარდა. აბაზგიის ერისთავები, არქონტები (ერისთავი ბერძენ-

თა“, როგორც მათ ქართული წყარო უწოდებს) იმპერატორის ვასალები იყვნენ. მათ მხარს უჭერდა ბიზანტიის საიმპერატორო კარი, რადგან მის ინტერესებში არ იყო ერთიანი და ძლიერი დასავლურქართული სახელმწიფოს არსებობა, რომელსაც ის ადვილად ვერ უმორჩილებდა თავის ხელისუფლებას.

აფხაზთა ერისთავებმა საიმპერატორო კარის დახმარებით შეძლეს მეზობელ აფში-

საქართველოს ისტორია (შემოქმედებულია XX საუკუნის ბოლომდე), ტომი II, მთავი VIII, ეგრის-აფხაზეთი; აფხაზეთს სამეფო



ბიზანტიის იმპერატორ
ლეონ III ისაურიელის მონეტა

ლეთზე, სანიგეთსა და მისიმიანეთზე თავისი ხელისუფლების გავრცელება; ამიერიდან თანდათან ქრება მათი ხსენება საისტორიო წყაროებში და გაერთიანებულ სამთავროს — აფხაზეთი, მის მცხოვრებთ კი აფხაზი ეწოდა. ეს არის „აფხაზეთისა“ და, შესაბამისად, „აფხაზის“ ცნების პირველი გაფართოება.

VII საუკუნეში გაუქმებული ჩანს ეგრისის მეფის ხელისუფლება. ის წყაროებში უკვე იწოდება არა მეფედ, არამედ პატრიკიოსად. თუმცა არ არის გამორიცხული, რომ პატრიკიოსი ეგრისის მეფის ბიზანტიური საკარისკაცო ტიტული იყოს.

VIII საუკუნის 30-იან წლებში დასავლეთ საქართველოში შემოჭრილი არაბი სარდლის მურვან იბნ მუჰამედის (ქართული წყაროებით, მურვან ყრუ) წინააღმდეგ, აფხაზთა საერისთავოს ცენტრს, ანაკოფიის ციხეს, საკუთრივ აფხაზეთთან ერთად ეგრისის ლაშქარიც იცავს, ქართველთა ერისმთავრების (მეფეთა) სახლის წარმომადგენლების, მირისა და არჩილის სარდლობით, რომელნიც ამ დროს ეგრისში არიან დამკვიდრებულნი. მურვან ყრუ უკუაგდეს ანაკოფიიდან. მირი ბრძოლაში მიღებული ჭრილობით გარდაიცვალა. მას მხოლოდ ქალიშვილები დარჩნენ, არჩილს ამ დროს შვილი არ ჰყავდა. არჩილმა, მირის ანდერძის თანახმად, მისი ასულები გაათხოვა და ერთ-ერთი ლეონ აფხაზთა ერისთავზე დააქორწინა.

ნა. ამასთან ლეონი ვასალად შეიწყნარა. ამ დინასტიური ქორწინებით გაერთიანდა ორი დასავლურქართული ქვეყანა, აფხაზეთი და ეგრისი და შეიქმნა ერთიანი სახელმწიფო, რომელსაც მთავრთა დინასტიის საკუთრივ აფხაზეთიდან წარმომავლობის გამო აფხაზეთი ეწოდა, ხოლო მისი უზენაესი ხელისუფალი უკვე არის არა ერისთავი, არამედ „მთავარი“. ასე მოიხსენიებს VIII საუკუნის 80-იან წლებში ამ ქვეყანას და მის ხელისუფალს, VIII საუკუნის ქართველი მწერალი იოანე საბანის ძე. ამიერიდან „აფხაზეთი“ ძიული დასავლეთ საქართველოა. ესაა ცნება „აფხაზეთის“ გაფართოების ახალი ეტაპი, ხოლო მისი ხელისუფალი ადმინისტრაციის იერარქიაში ერთი საფეხურით იწევს მაღლა.

მაგრამ ეს გაერთიანებული დასავლურქართული სახელმწიფო ბიზანტიის იმპერიის გავლენის სფეროში რჩება, „არს საბრძანებელი იონთა მეფისა“ — ბრძანებს იგივე იოანე საბანისძე. ისტორიულ-გეოგრაფიული ცნების ასეთი გაფართოების ფაქტი ჩვენ სხვაც გვაქვს საქართველოში. როგორც უკვე აღვნიშნეთ, კახეთის საერისთავოს მიერ კუხეთის, შემდეგ გარდაბნის, დაბოლოს, ჰერეთის შემოერთების შემდეგ ფართოვდება ცნება კახეთის მნიშვნელობა, ის ჯერ კახეთ-კუხეთს, შემდეგ კახეთ-კუხეთ-გარდაბანს და ჰერეთსაც მოიცავს.

ბიზანტიის იმპერიის ხელისუფლება, რომელიც ხელს უწყობდა სამეფოს დასუსტებას, ეგრისის სამეფოდან აფხაზეთის საერისთავოს გამოყოფას, რათა უკეთ განეხორციელებინა თავისი გავლენა დასავლეთ საქართველოზე, არაბთა გამოჩენის შემდეგ იცვლის პოლიტიკას და ხელს უწყობს დასავლეთ საქართველოს გაერთიანებასა და გაძლიერებას. რათა დასავლურ-ქართული ქრისტიანული სახელმწიფოს სახით ჰყავდეს მოკავშირე სახალიფოს წინააღმდეგ, რომელთანაც ბრძოლა მას გაუჭირდა. იმპერატორი ლეონ III ისაურიელი (675-741), მირს და არჩილს ორ გვირგვინსა და სათანადო გუჯარს უგზავნის, რითაც ცნობს მათ უფლებებს ეგრისზე. იმპერატორ ლეონის გუჯარში ვკითხულობთ: „შენდა მიბრძანებია ერისთავობა აფხაზეთისა. შენდა, შვილთა შენთა და მომავალთა შენთა მიუკუნიამდე. არამედ კეთილად პატივსაცემდე მეფეთა და ერთა მათ ქართლისათა და ამიერიდან ნურადამცა ხელგწიფების ვნებად მათდა და საზღვართა მათ ეგრისისათა“. ბიზან-

ტიის იმპერატორის ეს განკარგულება მიუთითებს, რომ აფხაზთა ერისთავები, რომელნიც იმპერიის არქონტები იყვნენ და იმპერიის ხელისუფლების მიერ ინიშნებოდნენ, ამიერიდან, საერისთავოს მემკვიდრეობით მფლობელებად არიან აღიარებულნი. დასავლეთ საქართველოში მოვლენები სწრაფად ვითარდება, მიმდინარეობს ძალთა კონსოლიდაცია, ლეონ II ათავისუფლებს ქვეყანას ბიზანტიანზე დამოკიდებულებისგან და თავს „მეფედ“ აცხადებს. XI საუკუნის ქართველი ისტორიკოსის ცნობით, „რაჟამს მიუძღურდეს ბერძენს“, ლეონ I ერისთავის მემკვიდრე ლეონ II, რომელიც ხაზართა მეფის ასულის წული იყო, „ძალითა მათითა გაადგა ბერძენთა, და იპყრა აფხაზეთი და ეგრისი ვიდრე ლიხამდე, სახელ-იდგა მეფე აფხაზთა, რამეთუ მიცვალებულ იყო იოვანე და დაბერებულ იყო ჯუანშერ, და შემდგომ ამისა ჯუანშერიცა მიიცვალა“. ეს ცნობა მოვლენათა მიმდინარეობის სრულ სურათს ხატავს. ასეთი რთული ვითარება ბიზანტიის იმპერიაში VIII საუკუნის ბოლოსთვის უნდა იგულისხმებოდეს (სიმონ ჯანაშია), როდესაც ბიზანტიაში დაძაბული ბრძოლა მიმდინარეობდა ხატმებრძოლებსა და ხატების თავყვანისმცემლებს შორის, იმპერია მარცხს განიცდიდა არაბთა სახალიფოსთან და საკუთარ ქვეშევრდომებთან, მაგალითად, გაძლიერებულ ბულგარელებთან ბრძოლებშიც.

ისტორიკოსი საგანგებოდ მიუთითებს ხაზართა დახმარებაზე ლეონ აფხაზისთვის. რასაკვირველია, გადამწყვეტი მნიშვნელობა ნათესაურ კავშირს ვერ ექნებოდა. ცნობილია, რომ დინასტიური კავშირები, როგორც წესი, პოლიტიკურ ინტერესთა გათვალისწინებით მყარდებოდა. აფხაზთა მთავრისადმი ხაზართა დახმარება მათი ეკონომიკური და სტრატეგიული ინტერესებით იყო განპირობებული, რადგან ჩრდილოეთ კავკასიაში ამ დროს არსებული ხაზართა სახელმწიფო შავ ზღვას მხოლოდ დასავლეთ საქართველოზე გამავალი გზით უკავშირდებოდა.

წერილობით წყაროებში მინიშნებულია ფრიად საინტერესო დეტალები: დაქორწინდარა არჩილის ძმისწულზე და მიიღო ეგრისის მეფე მირის კუთვნილი გვირგვინი, ლეონ I ეგრისის ფაქტობრივი მფლობელი ხდება, მაგრამ ის ჯერ არ აცხადებს პრეტენზიას ეგრისზე. ის ანგარიშს უწევს ქართლის ერისმთავართა სახლის მფლობელობას

ეგრისში, და მხოლოდ ამ სახლის გადაშენებისა და შედარებით ხელსაყრელი მდგომარეობის შექმნის შემდეგ, ისტორიკოსის თქმით, ლეონ II-მ „დაიპყრა აფხაზეთი და ეგრისი ვიდრე ლიხამდე“. ზოგი ისტორიკოსი (უმთავრესად თანამედროვე აფხაზ ისტორიკოსები) ცდილობს დაამკვიდროს თვალსაზრისი, რომ არაქართველმა, აფხაზმა ლეონმა დაიპყრო ეგრისი და შეიქმნა ერთიანი არაქართული სახელმწიფო „აფხაზეთი“.

აღნიშნულთან დაკავშირებით პირველ რიგში უნდა გაეთვალისწინოთ, რომ ძველ ქართულში „დაიპყრა“ მის თანამედროვე მნიშვნელობასთან ერთად ნიშნავს ძალაუფლების ხელში აღებას, ხელისუფლების პყრობას. არ არის გამორიცხული, აქ იყოს „დაიპყრა“, ე.ი. „და“ აიღო ხელში ძალაუფლება. აფხაზეთი ლეონის მემკვიდრეობითი სამფლობელო იყო, ეგრისი მშითვად მიღებული. „დაიპყრას“ დღევანდელი მნიშვნელობით განმარტება გაუგებრობას ქმნის. გამოდის, რომ ეს ორივე ქვეყანა მან ერთნაირად „დაიპყრა“,



ეგრის-აფხაზეთის მეფე ლეონ II. თანამედროვე ნახატი

როგორც თავისი სამემკვიდრეო, ისე მზითვად მიღებული, რომ მას თავისი სამემკვიდრეო ქვეყნის, აფხაზეთის დაპყრობაც დასჭირდა. აქ უდავოდ, ლეონის მიერ ეგრისსა და აფხაზეთში ძალაუფლების ერთნაირად ხელში აღება, გამეფება, ბიზანტიის ქვეშევრდომობაზე უარის თქმა იგულისხმება. ლეონის (გინდა ქართველი და გინდა არაქართველის) მიერ ეგრისის დაპყრობა არ მომხდარა. აღსანიშნავია ისიც, რომ ლეონი, როგორც მთავარი და ეგრისის ვასალი, უკვე ფლობდა ერთიან დასავლეთ საქართველოს.

ეს სამეფო ქართული — დასავლურქართული სახელმწიფო იყო. ქართული წყაროები მას „აფხაზეთს“, „აფხაზთა სამეფოს“ უწოდებენ, რადგან სამეფო დინასტია ქართული ისტორიულ-გეოგრაფიული რეგიონიდან, საკუთრივ აფხაზეთიდან იყო გამოსული. „სახელწოდება „აფხაზეთი“ ქართულიდან გავრცელდა სხვა ენებში. X საუკუნის სომეხი ისტორიკოსი იოანე კათოლიკოსი მას ეგრისს, მის მცხოვრებლებს — ეგრებს, ხოლო მეფეებს ეგრთა მეფეს უწოდებს. შუა საუკუნეების ქართული ეთნოკულტურული კონცეფციით

(„ქართლის ცხოვრება“, ლეონტი პროვლეს „მეფეთა ცხოვრება“) აფხაზეთი ეგრისში შედის. ამ კონცეფციის თანახმად, როდესაც თარგამოსმა მემკვიდრეებს გაუყო თავისი ქვეყანა, „ეგროსს მისცა ქუეყანა ზღუის ყურისა, და უჩინა საზღვარი აღმოსავლეთ მთა მცირე, რომელსა აწ ჰქვან ლიხი; დასავლეთ ზღუა; [ჩრდილო] მდინარე მცირისა ხაზარეთისა, სადა წარსწყდების წუერი კაკასისა“, ესა დასავლეთ საქართველო, ეგრისი. ვახუშტი ბაგრატიონი კი აღნიშნავს: „ეგრისის ქვეყანა ანუ აფხაზეთისა“. თანამედროვე ქართულ სამეცნიერო ლიტერატურაში მას დაუმკვიდრდა სახელწოდება „ეგრის-აფხაზეთი“. რადგან ამ დროს მასში ორი ქვეყანა, ეგრისი და აფხაზეთი გაერთიანდა, შეიქმნა ერთიანი დასავლურქართული სახელმწიფო. გაფართოვდა „აფხაზეთის“ ცნება და „აფხაზის“ მნიშვნელობა, ის მთელ დასავლეთ საქართველოს მოიცავს, თუმცა ამავე დროს არსებობს მასში შემავალი აფხაზეთის საერისთავო, უძველესი აფხაზეთი.

მარია ლორთქიფანიძე

აფხაზ მეფეთა სასახლის ნაშთები ქუთაისის დედაციხეზე





დავით აღმაშენებლის უხიოხიუმობა ჯვაროსნებთან

ნიშანდობლივია დავით აღმაშენებლის ისტორიკოსის სიტყვები: „ამას ჟამსა გამოვიდეს ფრანგნი, აღილეს იერუსალიმი და ანტიოქია, და შეწევნითა ღმრთისათა მოეშენა ქუეყანა ქართლისა, განძლიერდა დავით და განამრავლნა სპანი. და არღარა მისცა სულტანსა ხარაჯა, და თურქნი ვერღარა დაიზამთრებდეს ქართლს“. დავით აღმაშენებლის ისტორიკოსი ისეთ მნიშვნელოვან მოვლენებს, როგორც თურქ-სელჩუკებისთვის ხარკის შეწყვეტა და ქვეყნის მოშენება-გაძლიერება იყო, იერუსალიმისა და ანტიოქიის აღებას უკავშირებს.

ჯვაროსანთა გამოჩენამ, მათმა წარმატებებმა ახლო აღმოსავლეთში, დავით აღმაშენებლის პოლიტიკის გატარებას შეუწყობ ხელი. თავის მხრივ, საქართველოს მეფის წარმატებული ბრძოლა თურქ-სელჩუკებთან

კლერმონის საეკლესიო კრება, რომელზეც პაპმა ურბან II-მ მოუწოდა მორწმუნეებს წმინდა მიწის გასათავისუფლებლად ჯვაროსნული ლაშქრობის დაწყებისკენ



საპარტვილოს ისტორია (შპკმლმისი დროიდან XX საუკუნის ბოლომდე), ტომი II, თავი XVII, საბარეო პოლიტიკა, დავით აღმაშენებლის ურთიერთობა ჯვაროსნებთან

ჯვაროსნების წისქვილზე ასხამდა წყალს. ამიტომ იყო, რომ ჯვაროსნების მიერ ახალდაარსებული სამთავროები თურქ-სელჩუკთა განდევნისა და დამოუკიდებლობისთვის მებრძოლ საქართველოს თავიანთ მეგობრად თვლიდნენ.

წყაროებიდან აშკარაა, რომ დავით აღმაშენებელი მეტად პოპულარული იყო ჯვაროსანთა შორის. იოანე ბატონიშვილის „კალმასობაში“ დაცულია ცნობა, რომ იერუსალიმის მეფეს ბოლდუენ II-ს (1119-1131 წწ.) კავშირი ჰქონდა დავით აღმაშენებელთან. ისინი საიდუმლოდაც ზვდებოდნენ ერთმანეთს.

დავით აღმაშენებელი და მისი დროის საქართველო კასპიის კარის დამცველად და თურქ-სელჩუკთა წინააღმდეგ ბრძოლაში ჯვაროსანთა „წინაბურჯად“ მოიხსენიებოდა. საქართველო ჯვაროსნებისთვის განსაკუთრებით მნიშვნელოვანი გახდა.

საქართველოსა და ჯვაროსნების ურთიერთობას მეტად საინტერესოდ გამოხატავს ამ უკანასკნელთა დამოკიდებულება იერუსალიმის ქართველთა ჯვრის მონასტრისადმი. ჯვაროსნების მიერ 1099 წელს იერუსალიმის აღების შემდეგ დაარსდა დასავლეთეუროპული ტიპის მსხვილი სამხედრო-ფეოდალური სახელმწიფო, რომელსაც იერუსალიმის სამეფო ეწოდებოდა. ამ დროიდან მოკიდებული სამეფოს ტერიტორიაზე მდებარე მართლმადიდებლური ტაძრები ლათინებმა დაისაკუთრეს, მაგრამ ქართველთა ჯვრის მონასტერს ხელი არ ახლეს. ჯვაროსანთა ეს მოქმედება განაპირობა იმ სამხედრო-პოლიტიკურმა ურთიერთობამ, რაც ქართველებსა



იერუსალიმის მეფე ბოლდუენ II

და ჯვაროსნებს შორის იყო. ჯვაროსნები, თურმე, ბევრ სიმდიდრეს სწირავდნენ ქართულ მონასტრებს, რის გამოც ისინი საგანგებოდ მოიხსენიებიან ალაპებში.


დიდგორის ბრძოლის დროს დავით აღმაშენებლის ლაშქარში ჯვაროსნების („ფრანგნი“) მონაწილეობა ასევე მიგვანიშნებს საქართველოს კონტაქტებზე ევროპის ქვეყნებთან.

რომე მატრეველი



ჯვაროსანი და მუსლიმი მებრძოლები ბრძოლის ველზე

ჯრუჭის მონასტერი, 1941 წ.



ჯრუჭის მონასტრის ისტორიისთვის

ჯრუჭის წმინდა გიორგის სახელობის მონასტერს X-XI საუკუნეში დაარსებულად მიიჩნევენ. იგი მდებარეობს ზემო იმერეთის უკიდურეს ჩრდილოეთ ნაწილში, საჩხერის რაიონში, მდინარე ჯრუჭულას ხეობაში, რაჭის ქედის სამხრეთი ფერდობის დასასრულზე. ჯრუჭის მონასტრის აშენებას რაჭის ერისთავს მიაწერენ. შემდეგ იგი ფალაფანდიშვილებს ეკუთვნოდა, ხოლო XVII საუკუნიდან წერეთლების ხელში ვხვდეთ. XVIII საუკუნეში ჯრუჭის მონასტერს რაჭის ერისთავი და თავადი წერეთლები ეცილებოდნენ ერთმანეთს. ამ გაუთავებელმა ბრძოლებმა ნასოფლარებად აქცია მონასტრის მიმდებარე ტერიტორია.

XVIII საუკუნის მეორე ნახევარში იმერეთის მეფე სოლომონ I-მა მონასტერი დამოუკიდებლად გამოაცხადა. ამის შემდეგ ამ წმინდა საფანქმ აღორძინება დაიწყო და მისი ხელშეწყობით მონასტრის კუთვნილი მიმდებარე სოფლებიც — მოხვა, უზუმთა და ცხომარეთი თავიდან დასახლდა. XIX საუკუნეში ჯრუჭის მონასტერს მრავალი გლეხი ეკუთვნოდა ზემო იმერეთსა და რაჭაში. დიდ ფარობს მოი-

ცავდა მისი კუთვნილი საერგულები და ტყეები.

1991 წლის მიწისძვრამ მონასტერი ნანგრევებად აქცია.

ახლახან გაიწმინდა მიწისძვრისგან დანგრეული ჯრუჭის წმინდა გიორგის სახელობის მონასტერი. სამუშაოებს აწარმოებდა კულტურული მემკვიდრეობის დაცვის ეროვნული სააგენტოს მიერ გამოცხადებულ ტენ-

დერში გამარჯვებული ფორმა „არქიტექსი“. სამწუხაროდ, გაწმენდითი სამუშაოები ნაჩქარევად, უყურადღებოდ და ისტორიული ძეგლისთვის შეუსაბამო ფორმით წარიმართა. არ უწარმოებიათ არქეოლოგიური გამოკვლევა. რამდენიმე ძველი წარწერა, რომლებიც მკვლევრებს (ექვთიმე თაყაიშვილი, გიორგი ბოჭორიძე, ვალერი სილოგავა და სხვანი) აქვთ აღწერილი, აღარ აღმოჩნდა ტაძრის გაწმენდის შემდეგ. აღარ ჩანს ტაძრის კედლებზე არსებული რამდენიმე ქანდაკება. ნანგრევების აღებისას უყურადღებობის გამო გაითხარა რამდენიმე ძველი სამარხი. ტაძრის კედლების ნანსხვრევების ნაწილი ხევში გადაყარეს. დაზიანებულია არქეოლოგიური ფენები.

ახლა მიმდინარეობს მუშაობა ჯრუჭის მონასტრის რეაბილიტაციის საპროექტო დოკუმენტაციაზე. აუცილებელია, ამჯერად მაინც მოხერხდეს არქეოლოგიური გამოკვლევა, სარეაბილიტაციო პროექტსაც სრულყოფილი სახე მიეცეს და ამ უმნიშვნელოვანესი ძველი კულტურული ძეგლისა და საეკლესიო ცენტრის სრულფასოვან აღდგენაზეც დროულად ვიზრუნოთ.

ჯრუჭის მონასტრის ეკლესია გუმბათიანი ბაზილიკა იყო. ნაგები თლილი ქვისა და კირისგან, 1968 წლამდე გადახურული სპილენძის ფურცლით. იქვე იყო სამრეკლო და სხვა

ჯრუჭის მონასტერი. დეტალი



სამონასტრო ნაგებობანი. მონასტრის კედლებზე არსებობდა რამდენიმე ლაპიდარული წარწერა და ბარელიეფი.

ჯრუჭის მონასტერში თავადი წერეთლები და თვით მონასტერში მოღვაწე სამღვდლო პირები არიან დაკრძალული. აქვე განისვენებენ სამეფო გვარის წარმომადგენლებიც (რომლებსაც წერეთლებთან ნათესაური ურთიერთობა აკავშირებდათ). კერძოდ, იმერეთის მეფე დავით II გიორგის ძე (1755-1795), მისი ასული მხეზათუნ ბატონიშვილი, რომელიც სახლთუხუცეს ზურაბ წერეთლის ვაჟის სვიმონის მეუღლე იყო. აქვე არიან დაკრძალული სახლთუხუცესი ზურაბ ქაიხოსროს ძე წერეთელი და მისი მეუღლე თამარი, დადიანის ასული, მათი ძე გრიგოლი, ასული ქეთევანი — ქართლ-კახეთის მეფის გიორგის XII-ის რძალი, ბატონიშვილ იოანეს მეუღლე, აგრეთვე წერეთელთა სათავადო სახლის სხვა წევრები, რომლებსაც იმერეთის მეფის კარზე მნიშვნელოვანი თანამდებობები ეჭირათ.

აქვე განისვენებენ მონასტრის არქიმანდრიტები, მათ შორის მიტროპოლიტი სვიმონ აბაშიძე, მიტროპოლიტი დავით წერეთელი, სხვა წინამძღვრები და მღვდელ-მონაზვნები.

ჯრუჭის მონასტერმა შემოგვინახა უნიკალური ხელნაწერები („ჯრუჭის I სახარება“ და „ჯრუჭის II სახარება“, სხვა ძვირფასი წიგნები, კრებულები და სიგელები). მონასტერი სავსე ყოფილა უმშვენიერესი ხატებით, ვერცხლითა და ოქროთი შემკული საეკლესიო ინვენტარით. აღსანიშნავია, რომ ამ მონასტრის სიძველეებიდან ზოგიერთი ქართულ განძთან ერთად საფრანგეთშიც კი მოხვდა და შემდეგ ექვთიმე თაყაიშვილის წყალობით უკან დაბრუნდა.

ჯრუჭის მონასტერმა, როგორც უმნიშვნელოვანესმა ქრისტიანულმა ცენტრმა, კულტურულმა კერამ და ისტორიულმა ძეგლმა XIX საუკუნეშივე მიიპყრო მკვლევართა ყურადღება. მას იკვლევდნენ მარი ბროსე, დიუბუა დე მონპერე, დიმიტრი ბაქრაძე, თედო ჟორდანიას, ალექსანდრე ხახანაშვილი, პავლე ინგოროყვა და სხვანი.

მონასტრის, მისი ხელნაწერების შესწავლასა და დაცვაში განსაკუთრებული დამსახურება მიუძღვის წმინდა ექვთიმე ღვთისცაცს. მან 1919 წელს მოინახულა მონასტერი, აღწერა იგი, მისი ხელნაწერები, ხატები და საეკლესიო ნივთები. მონასტრიდან თან წამოიღო საისტორიო და საეთნოგრაფიო სა-



ჯრუჭის ოთხთავი, IX საუკუნე

ზოგადობისთვის უნიკალური წიგნები და სიგელ-გუჯრები.

XX საუკუნის 20-იან წლებში ჯრუჭის მონასტერი, მისი წარწერები და შემორჩენილი საეკლესიო ნივთები აღწერა გიორგი ბოჭორიძემ.

საბჭოთა პერიოდში დიდი ამაგი დასდეს ჯრუჭის მონასტრის დაცვასა და სათანადო მოვლის საქმეს ნოდარ, ბეჟან და შოთა სვისივაძეებმა. მნიშვნელოვანი სამეცნიერო გამოკვლევები აქვს ამ საეკლესიო სავანის შესახებ ქუთაისის სახელმწიფო ისტორიული მუზეუმის ძველ წიგნთა ფონდის მცველ მაია ქებულაძეს. რამდენიმე წერილი მიუძღვნა მას ქუთაისის ისტორიული არქივის დირექტორმა ბატონმა მერაბ კუხეაძემ. 2008 წელს ამ მონასტერზე გამოცემული მასალა შეკრიბა და ისტორიული ნარკვევი გამოსცა ტრისტან მაჭარაშვილმა.

მიუხედავად ამისა, ჯრუჭის მონასტერი და მასზე არსებული საარქივო მასალა ჯერ კიდევ არ არის სათანადოდ გამოკვლეული. ჩვენ ვცდილობთ ამ ნაკლის შევსებას და ამჯერად თქვენს ყურადღებას შევაჩერებთ ტოპონიმ „ჯრუჭის“ ეტიმოლოგიასა და ბოლოხანს აღმოჩენილ წარწერაზე.

ტოპონიმ „ჯრუჭის“ ეტიმოლოგია. ზემო იმერულ ტოპონიმებს შორის **ჯრუჭი** მეტად უცნაურად ეჩვენებათ და ჯერ თითქმის არავის უცდია მისი ახსნა. ჩვენი აზრით, ყურადღება უნდა მიექცეოთ ზემო იმერეთში და კერძოდ, ჯრუჭის მონასტრის ახლომდებარე ტერიტორიაზე საკმაოდ გავრცელებულ ტოპონიმებს: **ღრუჭი**, **ღრუჭები**, **ღრუჭუნი**, **ღრუჭუნოდელე** და მისთანანი. კერძოდ, ტოპონიმი **ღრუჭი** მინდვრის სახელად გვხვდება კაცხსა და ქვედა ჭალოვანში, სახნავის სახელად — ნავარძეთსა და თვალუეთში, ტყის სახელად — ღვითორში. გვხვდება აგრეთვე **ღრუჭის ყანა** მინდვრის სახელად ზედა ჭალოვანსა და ზოდში, **ღრუჭყანა** სახნავის სახელად ქვედა ჭალოვანში, აქვეა **ღრუჭყანის ტბა**. სოფელ წირქვალში არსებობს **ღრუჭების უბანი**, **ღრუჭების ვენახი**, **ღრუჭების ორშარა** (ყველა ჭიათურის მუნიციპალიტეტი); **ღრუჭუნო დელე** არის სოფელ ქვემოხევში (ჯრუჭის მონასტრიდან სამ კილომეტრში), **ღრუჭუნდელე** ბაჯითში, **ღრუჭუნი** დელის სახელად და **ღრუჭუნები** სახნავის სახელად გვხვდება მოძეში (ყველა საჩხერის მუნიციპალიტეტი), **ღრუჭუნი** დაბლობის სახელად — ლედვანში (ხარაგაუ-



ჯრუჭის მონასტერი. XX საუკუნის დასაწყისის ფოტო

ლის მუნიციპალიტეტი). (საქართველოს სსრ ტოპონიმია, ტ. I, ზემო იმერეთი).

როგორც ვხედავთ, აღნიშნულ რეგიონში მსგავსი სახელები საკმაოდ მრავალრიცხოვანია. იმასაც ადვილად შევნიშნავთ, რომ ყველა დასახელებული ტოპონიმის ამოსავალი ფორმაა **ღრუჭი**. ეს სახელი ძირითადად ზემო იმერეთში ფიქსირდება ანუ ზემომიერული დიალექტური წარმონაქმნია, თუმცა მსგავსი სიტყვები რაჭულ დიალექტშიც გვხვდება. მახსენდება კიდევ მისი მსგავსი სიტყვების (ღრუჭუმი, ღრუჭე) გამოყენების შემთხვევები ჩემი სოფლის (საჩხერის რაიონის სოფელი მოხვა, ჯრუჭის მონასტრის ახლოს) მკვიდრთა მეტყველებაში. ასე უწოდებიათ ჩაგარდნილი, ძნელად გასაყალი ხეებისთვის, არა როგორც სახელი, არამედ როგორც ადგილის დამახასიათებელი სიტყვა. რას ნიშნავს **ღრუჭი**? ძნელი არ არის ამ სიტყვის მნიშვნელობის წარმოდგენა. იგი ნიშნავს მკვეთრად ჩაღრმავებულ ადგილს, თუნდაც ხევს, უფრო მეტად წყლიანს. მისი ზუსტი ახსნა ქართული ენის განმარტებითი ლექსიკონის რვატომეულში არ გვხვდება, განმარტებულია მხოლოდ მსგავსი სიტყვა

ღრუჭუმი: „ღრუჭუმი-ი (ღრუჭუმისა) კუთხ. (რაჭა) „ბუნებრივი ორმოები სათიბში“ (ქართული ენის განმარტებითი ლექსიკონი, ტ. VII). ასეთი ბუნებრივი ორმოები მრავლად გვინახავს რაჭის ქედზე, უმეტესად ხიხამთაზე. ისინი ჩვეულებრივი ორმოები არ უნდა გვეგონოს, საკმაოდ ვრცელი ჩაგარდნილი ადგილებია, რომლის ერთი ნაპირიდან მეორემდე შეიძლება 100-150 მეტრი იყოს. ხოლო ზემომიერულ ლექსიკონში მოცემული **ღრუჭის** სახეცვლილი ფორმები ნიშნავს: **ღრუჭმული** — ბუნებრივად ჩაგარდნილი დაბლობი ადგილი. „ღრუჭმული დაბლობი ადგილია, დაწეულია თავისთავა“. **ღრუჭული** იგუფავ, რაც **ღრუჭმული**. „ამ სერის დაბლა არის ღრუჭული“ (ქ. ძონქინძე, ზემომიერული ლექსიკონი). რაჭული დიალექტის ლექსიკონში **ღრუჭუმი** || **ღრუჭუმი** — ბუნებრივი პატარა ჩაღრმავებული ადგილი, ორძოა (რაჭული დიალექტის ლექსიკონი). აღნიშნული ლექსიკონებთან დასტურდება, რომ **ღრუჭი**, **ღრუჭო**, **ღრუჭმული**, **ღრუჭუნო** ჩაღრმავებულ, ჩაგარდნილ ადგილს ნიშნავს.

ჯრუჭის მონასტრის ახლოს მრავალი ხევი და ჩაღრმავებული ადგილი შეიძლება მოვიძიოთ, რომელსაც შეიძლება სახელი **ღრუჭი** მიესადაგოს. ასეთად შეიძლება წარმოვიდგინოთ მონასტრის ჩრდილოეთ-აღმოსავლეთით ჯრუჭულის ხეობის მართლაც ღრმად ჩაწეული თვალწარმტაცი მონაკვეთი ან წყალფენილას ხევის რომელიმე ღრმა ნაწილი. უნდა ვფარავდეთ, რომ ამ ადგილების სახელი შემდეგ დღევანდელი მონასტრის ტერიტორიაზეც გავრცელდა ან შედარებით პატარა ზომის ასეთი ჩაგარდნილი ადგილი ადრე თვით მონასტრის ტერიტორიაზე იყო და **ღრუჭი** ეწოდებოდა.

თუ როგორ მივიღეთ **ღრუჭი**-დან **ჯრუჭი**, ეს ადვილი ასახსნელია. მოხდა ბგერათა ნაწილობრივი დამსგავსება. **ღ** ნაწილობრივ დაემსგავსა **ჯ**-ს და მივიღეთ **ჯრუჭი** > **ჯრუჭი**.

მეტიც, ისევ ზემო იმერეთში, ჭიათურის მუნიციპალიტეტში, სადაც მსგავსი სახელები მრავლად დასტურდება, სოფელ კვახაჯელეთში გვხვდება ჰიდრონიმი **ჯრუჭიღელე** (საქართველოს სსრ ტოპონიმია, ტ. I, ზემო იმერეთი). კვახაჯელეთი ზედა და ქვედა ჭალოვანის დაბლა მდებარეობს. საფიქრებელია, რომ **ჯრუჭიღელე** იმ ადგილებიდან მოდის, რომლებსაც ქვედა ან ზედა ჭალოვანში **ღრუჭი**, **ღრუჭის ყანა** ან **ღრუჭყანის ტბა** ეწოდება. ეს კი დასტურია, რომ ტოპონიმიდან **ღრუჭი** არა მარტო ჯრუჭის მონასტრის ტერიტორიაზე მი-

ვიღეთ **ჯრუჭი**, არამედ მისგან საკმაოდ შორს, ჭიათურის რაიონის სოფელ კვახაჯვალეთშიც.

შეიძლება დავასკვნათ, რომ დღევანდელი ჯრუჭის მონასტრის ადგილას ან მის შორი-ახლოს არსებობდა ჩაღრმავებული ადგილი ან ხევი სახელწოდებით **ღრუჭი**, რომლისგანაც მიღებული **ჯრუჭი** მრავალსაუკუნოვანი მონასტრის სახელად მოგვევლინა.

ჯრუჭის მონასტრის ახალადმოჩენილი წარწერა. მიწისძვრისგან დანგრეული მონასტერი რამდენიმე წლის წინათ იქ მოღვაწე ბერებმა და მორჩილებმა ნაწილობრივ გაწმინდეს. შენობის გარეთ ჩამოცვენილი ქანდაკებებიანი, ჩუქურთმებიანი და სამშენებლო ქვები, რკინის ნივთები და სხვა მასალები ცალკე დაალაგეს და მონასტრის ეზო მოაწესრიგეს. ნახევრად დანგრეული სამრეკლოს კედელთან დაწყობილია ქვებზე ამოკვეთილი ჯვრები, რკინის ნივთები და აღმოსავლეთის კედლის გარეთა მხრიდან ჩამოვარდნილი დიდი ფილა ღვთისმშობლის გამოსახულებით და წარწერებით. 2009 წლის 23 აგვისტოს ჩვენ აქ ვნახეთ ქვა ასომთავრული წარწერით, რომელიც, როგორც ჩანს, ტაძრის კედელში კირის ფენით იყო დაფარული და აქამდე ჯრუჭის მონასტრის არც ერთ მკვლევარს არ აღუწერია. ჯრუჭის მონასტრის ყოფილმა წინამძღვარმა მამა ლუკა ფალავანდიშვილმა შეგვატყობინა, რომ ეს წარწერა იქა ტაძრის ნანგრევებში უნახავთ და სამრეკლოს კედელთან გადმოუტანიათ.

აი, ამ ქვაზე არსებული წარწერა:

წ(მიდა)ო გ(იორგი) ა(დიდე)

არსენ

მამად

მთავა

რი

„წმინდაო გიორგი ადიდე არსენ მამადმთავარი“.

მამადმთავარი ეწოდებოდა ადრე და შუა საუკუნეებში კათოლიკოსს, იშვიათად ამ სახელით ეპისკოპოსს, მთავარეპისკოპოსს ან მონასტრის წინამძღვარს (არქიმანდრიტს) მოიხსენიებდნენ.

კათოლიკოსებს შორის ხუთი არსენი გვყავს: არსენ I დიდი (საფარელი) — დაახლ. 860-887 წწ., არსენ II — დაახლ. 955-980 წწ., არსენ III — XIII საუკუნის 20-30-იანი წლები, არსენ IV (ბულმაისიმიძე) — 1241/42-1249/50 წწ., დასავლეთ საქართველოს კათოლიკოსი არსენი — 1390 წ. აქედან პირველი ორი



ჯრუჭის მონასტერში ახალადმოჩენილი წარწერა

ქართლის კათოლიკოსები არიან, არსენ III და არსენ IV — ერთიანი საქართველოს პატრიარქები, მეხუთე არსენი დასავლეთ საქართველოს კათოლიკოსია, თანაც მცირე ხნით. ამ სახელის მატარებელი ეპისკოპოსებსა და მთავარეპისკოპოსებიდან არავინ ჩანს ამ სავანესთან დაკავშირებული. მონასტრის წინამძღვარი კი ამ ფორმით არ უნდა იყოს მოხსენიებული (თანაც ამ მონასტრის ჩვენთვის ცნობილ წინამძღვრებს შორის არსენი არავის რქმევია). საუარაუდოა, რომ ზემოთ ნახსენები პატრიარქებიდან რომელიმე მოხსენიებული უნდა იყოს ჯრუჭის მონასტრის ახალადმოჩენილ წარწერაში (მიუხედავად იმისა, რომ არსენ I და არსენ II ქართლის კათოლიკოსები არიან, ჯრუჭის მონასტერთან მათი კავშირი მაინც დასაშვებია). აქვე უნდა აღვნიშნოთ, რომ სიტყვა „მამადმთავარი“ ამ ფორმით უფრო ადრეულ საუკუნეებში იხმარება. აქედან გამომდინარე, ეს წარწერა ერთ-ერთი უძველესი ან შეიძლება, ყველაზე ძველი და მნიშვნელოვანი იყოს ჯრუჭის მონასტრის წარწერათა შორის და მონასტრის დაარსების დროც დაზუსტდეს. საინტერესოა, როგორ დაათარიღებენ მას ჩვენი პალეოგრაფები.



სტოუნჰენჯის აგების საიდუმლო

ევროპაში ქვის ხანის მონუმენტთა შორის ყველაზე ცნობილი სტოუნჰენჯი არაერთხელ გამხდარა აზრთა სხვადასხვაობისა და სპეკულაციის საგანი. გამუდმებით კამათობენ, ვინ, როდის და რატომ ააგო იგი. მიუხედავად იმისა, რომ თანამედროვე არქეოლოგებმა ნათელი მოპვინეს კომპლექსის აგების ბევრ დეტალს, სტოუნჰენჯის დანიშნულება ბოლომდე მაინც გამოუცნობი რჩება. უძველესი ქვები ჯერ კიდევ იდუმალებითაა მოცული, როგორც პრეისტორიული მემკვიდრეობის უსიტყვო ნიმუში.

ზემოდან დანახული სტოუნჰენჯი უჩვეულო უფროა, ვიდრე შთაბეჭდავი. ქვების გროვა სამხრეთ ინგლისში, ფრიალო ადგილის კირქვიან მიწაზე. თუმცა, თუ დაუუკვირდებით, ერთგვარ წყობასაც შევამჩნევთ. სვეტები და ბალაურები (პორიზონტალური ქვები) ნათელიყოფენ, რომ ეს დაყორილი ქვები ნანგრევებია. რაც უფრო უახლოვდებით სტოუნჰენჯს, მით მეტად ექცევით უზარმაზარი ქვების გარემოცვაში. უდიდესი ქვა სიგრძით 9 მეტრია და 44 ტონაზე მეტს იწონის.


ქვების უმეტესობა დამტვრეულია, ზოგიც თითქმის გალეულია. როგორც ჩანს, ჯერ კიდევ უხსოვარ დროში სამშენებლოდ ან გზის გასაყვანად გამოიყენეს, მაგრამ მაინც საკმარისადაა შემორჩენილი, რათა თანამედროვეთ ზოგადი წარმოდგენა შეექმნათ სტოუნჰენჯზე. შიდა დიამეტრი 100 მეტრს აღწევს, 30 სვეტი და 30 ბალაური ოდესღაც შიდა წრეს ქმნიდა; წრეში უფრო მოზრდილი სვეტებისა და ზღუდარების ნალისებრი განლაგება იყო, რომელსაც დღეს ტრილითონს უწოდებენ. ირგვლივ

არაერთი ქვაა როგორც გროვად, ასევე განცალკევებით. გულმოდგინე დაკვირვებით ვადგენთ, რომ დღეს ასე მიყრილ-მოყრილი ქვები ოდესღაც საკმაოდ აკურატულად — კილოთი და კოტათი შეერთებული და მშრალი წყობით იყო გამაგრებული. ყველაზე საოცარი კი ის გახლავთ, რომ ქვების წრე მართლაც წრე იყო და არა პოლიგონი 30 სვეტითა და ამდენივე ოდნავ მოხრილი ბალაურით. სტოუნჰენჯი აშკარად განსაკუთრებული ადგილი უნდა ყოფილიყო, მაგრამ რა დანიშნულებისა და დროის რომელ მონაკვეთში, ჯერ კიდევ გამოუცნობი რჩება.

სტოუნჰენჯი ინგლისის ისტორიის ადრეულ პერიოდშიც გამოუცნობი დანიშნულების ნაგებობად მიიჩნეოდა. შუა საუკუნეების მწერლები, მაგალითად, ჯეფრი მონმუთელი (1100-1155) ამტკიცებდა, სტოუნჰენჯი ან უკვე ამოწვევტილ გიგანტთა აგებულება, ან ჯადოქარ მერლინის მიერ არის შექმნილიო. ზოგიერთი თანამედროვე თეორეტიკოსიც არანაკლებ ზღაპრულ ჰიპოთეზას გამოთქვამს სტო-

უნპენჯის აგებისას უცხოპლანეტელთა ნახელავის შესახებ. ჩვენს დროშიც კი ამჯობინებს ხალხი, რომ სტოუნჰენჯის გაურკვეველ წარმომავლობას ბურუსით მოცული და მაგიური ასსნა ჰქონდეს.


ინგლისელი მწერალი ჯონ ობრი (1626-1697) ერთ-ერთი პირველი იყო, ვინც სტოუნჰენჯი გულმოდგინედ გამოიკვლია. ობრი ახირებული კაცი გახლდათ და ინგლისის სიძველეებით იყო გატაცებული. სწორედ მან აღმოაჩინა 56 თანაბრად დაშუალედებული ღრმული შიდა პერიმეტრში (რომელსაც მოგვიანებით „ობრის ორმოები“ ეწოდა). სტოუნჰენჯმა ცნობისწადილი გვირგვინოსნებსაც აღუძრა. ასე მაგალითად, მეფე ჯეიმს I-მა (1603-1625) თავისი საუკეთესო ხუროთმოძღვარი აინიგო ჯოუნსი გაგზავნა ნანგრევების დასათვალიერებლად და მათი წარმოშობის შესახებ აზრის მოსახსენებლად. ჯოუნსი არქიტექტურის კლასიკური სტილის მიმდევარი იყო, ამიტომაც დაასკვნა, რომ სტოუნჰენჯი რომაული ეპოქის დროინდელი ტაძრის ნანგრევები უნდა ყოფილიყო (ახ.წ. 43-410). ობრი კი, პირიქით, ამტკიცებდა, სტოუნჰენჯი რომამდელია და, შესაძლოა, ბრიტანელი კელტების მიერ იყოს აგებულიო. კელტები ბრი-



მწერალი ჯონ ობრი (1626-1697) ერთ-ერთი პირველი იყო, ვინც სტოუნჰენჯი გულმოდგინედ გამოიკვლია

ტანეთში ძვ.წ. V საუკუნიდან სახლობდნენ. კიდევ ერთი ბრიტანელი სწავლული, სიძველეთა მოყვარული, უილიამ სტაკლი 1740-იან წლებში გამოთქვამდა აზრს, რომ სტოუნჰენჯი უძველესი კელტი დრუიდების სარიტუალო და მსხვერპლშეწირვის ადგილი უნდა ყოფილიყო. წარმართი დრუიდები რომაელ დამპყრობთ სასტიკ წინააღმდეგობას უწევდნენ. სტაკლიმ თავისი მოსაზრებები გამოაქვეყნა და ხატო-

ზემოდან დანახული სტოუნჰენჯი უჩვეულო უფროა, ვიდრე შთამბეჭდავი





სტოუნჰენჯი 5000 წლისაა, ანუ იმაზე ბევრად ძველია, ვიდრე დიდხანს მიაჩნდათ

ვანი ილუსტრაციებიც დაურთო, რამაც ფართო საზოგადოებას ცხოველი ინტერესი გაუჩინა ამ ნაგებობისადმი. შედეგად, სტოუნჰენჯი პირდაპირ დაუკავშირეს ხელახლა ამოტყვებულ დრუიდებს, რასაც არანაირი ისტორიული საფუძველი არ გააჩნია.


სერიოზული კვლევა მანამდე არ დაწყებულა, სანამ ევროპამ მეცნიერების ხანაში არ შეაბიჯა, ანუ XIX საუკუნემდე. მომდევნო კვლევებმა სტოუნჰენჯის წარმოშობის ამბავი ისტორიამდელ ნისლში გახვია. სამეცნიერო არქეოლოგია მას შემდგომ განვითარდა, რაც მუზეუმის კურატორმა დანიელმა კრისტთან თომსენმა პრეისტორიული პერიოდი სამ — ქვის, ბრინჯაოსა და რკინის ხანად დაყო იმ მასალების მიხედვით, რისგანაც აშხადებ-

დნენ იარაღს ხსენებულ პერიოდებში. თომსენის თეორია პირველად 1936 წელს გამოჩნდა და ისტორიკოსებს შორეული წარსულის შესწავლაში ფასდაუდებელი დახმარება გაუწია. ლონდონის სიდეველთა ასოციაციამ სტოუნჰენჯის გათხრები 1909 წელს დაიწყო, რამაც ცხადყო, რომ ქვის მონუმენტი სვადასხვა პერიოდში — ძვ.წ. 1800-1500 წლებში, ანუ შუა ბრინჯაოს ხანაში იყო აგებული. თუმცა ამ თარიღებმა ისტორიკოსები პრობლემათა წინაშეც დააყენა, რადგან დასავლეთ ევროპაში უამრავია მეგალითური სტრუქტურა, ქვისგან თლილი სვეტებითა და ზღუდარებით, თუმცა სტოუნჰენჯის დარად დაზვეწილი არც ერთი არ გახლავთ.

ყოველივე ეს ეწინააღმდეგებოდა XX საუკუნის პირველ ნახევარში გაბატონებულ ისტორიულ თეორიას, რომლის თანახმადაც ყოველ კულტურულ ინოვაციას ერთი გეოგრაფიული არეალი ჰქონდა და იქიდან ვრცელდებოდა მსოფლიოში. არქეოლოგები მივიდნენ დასკვნამდე, რომ სტოუნჰენჯის ამგები ხუროები ბრიტანელები ვერ იქნებოდნენ, ისინი სხვა ადგილიდან უნდა ყოფილიყვნენ მოსული. ბრინჯაოს ხანისთვის უფრო დახვეწილი ხმელთაშუაზღვისპირული სამყაროდან შემოღწევაც გაითვალისწინეს.

ეს მოსაზრება პოპულარული გახლდათ რადიონახშირბადის ანალიზის მიგნებამდე, ანუ XX საუკუნის მეორე ნახევრამდე. აღნიშ-

სტოუნჰენჯი ძველებურ ინგლისურ რუკაზე





დაისი მეგალითურ ძეგლთან

ნულმა ჩვენი წარმოდგენა თავდაყირა დააყენა პრეისტორიულ მოვლენებზე და სტოუნჰენჯი ერთხელ და სამუდამოდ ქვის ხანას მიაკუთვნა. სტოუნჰენჯი 5000 წლისაა, ანუ იმაზე ბევრად ძველია, ვიდრე ფიქრობდნენ. უადრესი ფორმებით იგი ეგვიპტის პირამიდებზეც კი 500 წლით უხნესია. უფრო საკვირველი კი ის გახლავთ, რომ სტოუნჰენჯს მხოლოდ 1500 წლის განმავლობაში იყენებდნენ.

თავდაპირველად ჰენჯი — წრიული სანგარი და მიწაყრილი — აშენებული უნდა იყოს დაახლოებით ძვ.წ. 3000 წელს. „ობრის ორმოებიც“ ამ პერიოდშივე უნდა იყოს ამოთხრილი. ხუთასიოდე წლის შემდეგ კი, დაახლოებით ძვ.წ. 2500 წელს დაიბაზნებინა მოუტანიათ. ამ 80-მდე ქვიდან თითოეული 1,6 ტონას იწონის. ქვები ძირითადად ორ დაუსრულებელ წრედ იყო დაწყობილი და, შესაძლოა, სვეტბალაურის ფორმას ქმნიდა. დაახლოებით ძვ.წ. 2200 წელს სტოუნჰენჯმა ინტენსიური მოდიფიკაცია განიცადა. 27-ტონიანი ქვიშაქვის ლოდები 29 კილომეტრით დაშორებული კარიერიდან მოზიდეს, რომელიც ბორცვზე მდებარეობდა. ლოდები მიწაყრილთან მიათრიეს და ერთმანეთს მიამაგრეს ურღვევ წრედ. უფრო დიდი ლოდებიც კი გამოჭრეს და ფორმა მისცეს ხუთი დიდი ტრილითონის შესაქმნელად. დაახლოებით ძვ.წ. 1900 წლისთვის ლოდები ქვიშაყრილის წრის გარეთ გადააჯგუფეს და სპირალისებური ფორმა მისცეს, ხოლო ოთხი საუკუნის შემდეგ შიგნით შეიტანეს. სწორედ ეს ბოლო წყობაა დღემდე შემორჩენილი.

ისტორიკოსები კარგა ხანია, სტოუნჰენჯის აგების ზებუნებრივ ჰიპოთეზას უარყოფენ. ქვის ხანის პერიოდში მწირი ტექნოლოგიური საშუალებები იყო, ამიტომ ამხელა კომპლექსის აგება დიდ ადამიანურ ძალასა და სი-

მარჯვეს მოითხოვდა. ქვის უროების, ბერკეტებისა და ლილვების გამოყენებით ასობით მუშა სარსენის ლოდებს თლიდა, გადააადგილებდა და ზეადმართავდა. შედარებით მცირე ზომის ქვებს, ალბათ, უფრო ნაკლები მუშახელი ესაჭიროებოდა. XX საუკუნის ოციანი წლებიდან მეცნიერთა ვარაუდი შეიცვალა ქვების მოზიდვის არეალის შესახებ. ახალი ვარაუდით, გიგანტური ლოდები სამხრეთ უელსიდან, პრესცელის მთებიდან უნდა იყოს მოზიდული. ლოდების გეოლოგიური კვლევით სწორედ ეს ადგილი დადგინდა მათი წარმოშობის წყაროდ.

არაერთს უჭირს, ირწმუნოს ალტერნატიული თეორია, თითქოს გამყინვარების პერიოდში გიგანტური ლოდები მყინვარებში მოექცა სტოუნჰენჯის ტერიტორიაზე და ყინულის დნობის შემდეგ მივიღეთ ეს ქვაწყობილი. თუმცა დღეს ოფიციალურ თეორიად მიიჩნევა, რომ სტოუნჰენჯის ბუმბერაზი ქვები ადამიანის ხელით არის მიზიდული. ჩვენთვის გაუგებარი მიზეზებით, ადამიანებმა ოთხი ათასი წლის წინ 132-ტონიანი ლოდები 200 კილომეტრზე ხელით გადაზიდეს ბრისტოლის არხით, უელსისა და სამხრეთ-დასავლეთი ინგლისის გავლით, რათა ზღუდისებრი ქვაწყობილი აღემართათ.

ჰენჯის შესასვლელიდან ფართო შარა იშლება, რომელიც ზაფხულის მზებუდობისას, 21 ივნისის აისის მიმართულებას იმეორებს, ანუ მზის წელიწადის კულმინაციას. ამ განლაგების დერმი სტოუნჰენჯის ისტორიის განმავლობაში არასდროს შეცვლილა. როგორც ჩანს, „ჰილსტონის“ შემცველი მნიშვნელოვანი საკურთხეველი იყო ამ დერმზე ტრილითონის ნალის ფორმით. ბუნობის აისის მიხედვით მეგალითებისა და სამაროვნების წრიულად განლაგება ევროპაში ჩვეულებრივი მოვ-

ლენა გახლდათ და მათი დანიშნულება უფრო ისტორიის სიღრმეებშია საძიებელი, ვიდრე დროს გადარჩენილი კვალი მიგვანიშნებს. ზამთრის მზებუდობა, 21 დეკემბერს, მზის წელიწადის დასაწყისად მიიჩნევა და შესაძლოა წლიური სამეურნეო ციკლის განახლებად მოვიაზროთ. სამარხების შემთხვევაში, განლაგებას შესაძლოა საიქიოში ხელახლა დაბადების რწმენასთან ჰქონდეს კავშირი. ზაფხულის მზებუდობას, მოახლოებული სეზონის შუაგულში, დიდი მნიშვნელობა ენიჭებოდა მიწათმოქმედ ხალხებში.

მაგრამ ეს ყოველივეც ვერ განმარტავს სტონჰენჯის ამდენ კომპონენტს — ლოდებს, სარსენის ქვებს, მიწაყრილს. განმარტება თითქოს 1960-იან წლებში გაჩნდა, როცა ოქსფორდის უნივერსიტეტის ინჟინერიის პროფესორმა ალექზანდერ თომმა გამოთქვა მოსაზრება, რომ სტონჰენჯსა და მსგავს ქვის წრიულ ნაგებობებს ქვის ხანის ხალხი ასტრონომიულ გამოთვლებად მიიჩნევდნენ, რომელთა მეშვეობით ადგენდნენ ზღვის მიმოქცევისა და მზის დაბნელების პერიოდებს. თომის თეორიით, „ობრის ორმოები“ სტონჰენჯში მზისა და მთვარის კალენდრების განლაგებისთვის გამოიყენებოდა ჩვეულებრივ 18,6-წლიან მონაკვეთებში. ეს თეორია მართებულად ჩათვალეს ე.წ. „მეგალითური იარღის“ სტატისტიკური ანალიზით, რაც ქვის წრეების ზუსტ და სტანდარტულ ზომად მიიჩნევა. სამწუხაროდ, სტატისტიკით ხშირად იმას ვიღებთ, რაც გვსურს, ხოლო „მეგალითური იარღის“ მიერ მართებულად მიჩნეული, მაინც სტატისტიკური ილუზია აღმოჩნდა.

საქმე ის გახლავთ, რომ ჩვენ სტონჰენჯის მხოლოდ ქრონოლოგია ვიცით, მეტი კი

თითქმის არაფერი. დაახლოებით ხუთი ათასი წლის წინ მიწათმოქმედებმა თხრილი გაიყვანეს და ნაპირი აწიეს განსაკუთრებული ადგილის დასაცავად. ეს სამუშაო, საგარაუდოდ, კოლექტიურად განხორციელდა. როგორც ჩანს, ეს ქვაწობილი დღესასწაულების გასამართავად გამოიყენებოდა, რაც სამიწათმოქმედო კალენდრით იმართებოდა (გაერცელებული აზრის საწინააღმდეგოდ, არანაირი მტკიცებულება ან სამხილი არ არსებობს, რომ ე.წ. „სასაკლავო ქვა“ სტონჰენჯში ოდესმე გამოუყენებიათ მსხვერპლის — ადამიანის ან ცხოველის შესაწირად). ისიც შესაძლებელია, რომ მშენებლობის ბოლო სტადია უკვე პრესტიჟის საქმედ იქცა მსხვილი მესაქონლეებისთვის, რომლებიც პირუტყვის მოშენებით იყვნენ დაკავებული და შესაძლოა, სტონჰენჯის დასრულების ინიციატორებადაც კი გვევლინებოდნენ.

სტონჰენჯის სტრუქტურული წყობის საუკეთესო ახსნა შემდეგია: ის წარმოადგენს უფრო მუდმივ ჰენჯს, ტრადიციული ხის ჰენჯის ქვის ვერსიას, რომელსაც ერთი ან მეტი ხის წრიული საგუმავოს ფუნქცია ეკისრებოდა. ქვის ჰენჯის თეორიას არქეოლოგიური საფუძველი კი გააჩნია, მაგრამ კითხვაზე პასუხს, თუ რისთვის აგებდნენ ადრეული ხალხები თუნდაც ხის ჰენჯებს, მაინც ვერ სცემს. ამდენად, მართალია, სტონჰენჯმა ზოგიერთი საიდუმლო გაგვიმხილა, მაგრამ მისი აგების ზუსტი მიზნისა და დანიშნულების შესახებ ამოცანა ჯერ კიდევ ამოსახსნელი რჩება.

National Geographic-ის გამოცემა „ისტორიის საიდუმლოების“ მიხედვით მოაშადა ლევან ინასარიძემ

ვეროპაში უამრავია მეგალითური სტრუქტურა, თუმცა სტონჰენჯის დარად დახვეწილი არც ერთი არ გახლავთ



მისი უდიდესი სპორტული ფეხბურთი და მისი წინაპრები



ჩინენ-იცის არენა. აქ დამარცხებული გუნდის კაპიტანს მსხვერპლად ღვთაებას სწირავდნენ

ძნელი წარმოსადგენია, რომ ჩვენ გარშემო არსებული უამრავი ჩვეულებრივი ნივთი ოდესღაც არ არსებობდა და იგი გამოიგონეს. მაგალითად, ბორბალი ან თუნდაც ბურთი. დიახ, ბურთი სამ-ნახევარი ათასი წლის წინ დღევანდელი მექსიკის ტერიტორიაზე მცხოვრებ ოლმეებს „ადმოუჩენიათ“. ყოველ შემთხვევაში, ბურთაობასთან დაკავშირებული უფრო ადრეული პერიოდის არქეოლოგიური აღმოჩენები ამ დრომდე არ მოგვეპოვება.

პირველად იყო... ბურთი

ბურთის სამშობლოდ მექსიკის ტერიტორიის გამოცხადება იმ უბრალო მიზეზის გამო შეიძლება, რომ სწორედ ადგილობრივებმა შეძლეს პირველად მცენარე კაუჩუკონოსისგან მიღებული კაუჩუკისთვის ელასტიკურობის მინიჭება, ანუ მისი რეზინისთვის მიმსგავსება, რისგანაც ბურთის შექმნა თავად განგების ნება ყოფილა...

ოლმეები კაუჩუკს იპომეის (ესეც მცენარეა) წვეწვს ურედნენ. განსაზღვრული პროპორციით ნახავი ხანგრძლივი ზელის შემდეგ მკვრივდებოდა და ნელ-ნელა ბურთის ფორმას იძენდა. არქეოლოგებმა ამ ტექნოლოგიით დაშნადებულ მრავალ, განსხვავებული ზომის ბურთს მიაკვლიეს და აღსანიშნავია, რომ მათგან ყველაზე პატარა, დაახლოებით 10 სანტიმეტრი დიამეტრისა, კილო-ნახევარს მანც იწონის, ორჯერ უფრო დიდი ზომისა კი საზარბაზნე ყუმბარას უფრო მოგაგონებთ.

ასეთი ბურთით კაცის მოკვლაც ხომ შეიძ-

ლება... პოდა, რა გასაკვირია, ძველი მაიას მოსახლეობა თამაშისთვის ისევე რომ ემზადებოდა, როგორც სამკვდრო-სასიცოცხლო ბრძოლისთვის. „მოთამაშები“ მუხლებსა და წვივებს ტყავის ქამრებით იფარავდნენ, იკეთებდნენ ხის სამხრებს, თავზე ტყავის ჩაჩქანს იხურავდნენ, „სათამაშო“ ხელს კი ტრავმისგან მომცრო ფიცრის ფარით იცავდნენ. მაგრამ მანც, მთელი ეს ადჭურვილობა, რომელიც ამერიკული ფეხბურთის ამუნიციას მოგაგონებდათ, რა თქმა უნდა, ვერ იქნებოდა ტრავმისა და დაჟეჟილობისგან დაცვის გარანტი და შესაბამისად, მატჩის დასრულების შემდეგ არაერთი მოთამაშე ტოვებდა მოედანს დაღურჯებულ-დასისხლიანებული. და ისიც უკეთეს შემთხვევაში...

რაც შეეხება ბურთაობის სპორტულ წესებს, მასზე მხოლოდ ზოგადი წარმოდგენა გვაქვს და სავარაუდოდ, იგი ხელბურთისა და როკეტბოლის ელემენტებით უნდა ყოფილიყო გაჯერებული და თამაშში პირველყოფილ „ბიტას“, „ყვანჯსა“ თუ „ჩოგანსაც“ იყენებდნენ.



თამაშში უპირობო გამარჯვებისთვის ინდიელებს ბურთი ჩიჩენ-იცის არენაზე ამ რგოლში უნდა გაეგებინათ

მოგურთალსა მოედანი... მსაჯი და ჯილდო

მაიას უძველეს ქალაქ ჩიჩენ-იცაში არქეოლოგებმა 146X36 მეტრი ზომის მოედანი აღმოაჩინეს, რომელიც ბარელიეფიანი კედლებითაა შემოსაზღვრული და ზედ სათამაშო ეპიზოდებია გამოსახული. სარბიელის კედლებზე, დაახლოებით ექვსი მეტრის სიმაღლეზე, რგოლებია გამოკვეთილი. უპირობო გამარჯვებულად ის გუნდი ცხადდებოდა, რომლის მოთამაშეც ბურთს რგოლში გააძვრენდა. ეს კი არცთუ ხშირად ხდებოდა და მოგებულს მეტწილად ქულებით ავლენდნენ.

ინდიელთა ტრადიციულ ულამას მექსიკაში მიმდევრები დღესაც ჰყავს და მას ზოგჯერ ცეცხლოვანი ბურთითაც თამაშობენ

ასპარეზობა შხის ჩასვლამდე გრძელდებოდა, თუკი, რა თქმა უნდა, მოედანზე მყოფ ერთ მოთამაშეს მაინც ჰქონდა სიქა შერჩენილი, ფეხზე მდგარიყო.

თამაშს საკრალური დატვირთვა ჰქონდა. მეტოქე გუნდები ორ დაპირისპირებულ სტიქიას განასახიერებდნენ, მაგალითად, ცეცხლსა და წყალს. ცეცხლის გუნდის გამარჯვება იმ წელს გვალვას მოასწავებდა და დამარცხებული გუნდის ლიდერს მსხვერპლად წყლის ღვთაებას შესწირავდნენ. მსხვერპლს თავს გამარჯვებული გუნდის კაპიტანი აცლიდა...

რა თქმა უნდა, თამაშს მაშინაც სჭირდებოდა მსაჯული. თანაც, იმდროინდელი არბიტრების ამოცანა მხოლოდ მოედანზე განვითარებული მოვლენებისთვის თვალის ყურადღებით მიდევნება არ ყოფილა. მაიას ტომელებს სწამდათ, რომ თუკი თამაშის შემდეგ მსხვერპლშეწირვა წესების მცირედი დარღვევით მაინც მოხდებოდა, გვალვა თუ წყალდიდობა კიდევ უფრო დიდი ზიანის მომტანი იქნებოდა. მაშინდელი არბიტრების გადაწყვეტილებებსაც, როგორც დღეს, ასე თვალი და ასე ყური აკონტროლებდა. აღსანიშნავია, რომ მსაჯისა თუ მოთამაშის მიერ მოედანზე წარმოთქმულ თითოეულ სიტყვას მთელი სტადიონი იგებდა. ჩიჩენ-იცას არენის აკუსტიკური ეფექტი მეცნიერებისთვის დღემდე გამოცანად რჩება და ის ტურისტების საყვარელი გასართობია. მოედნის ერთ ბოლოში წარმოთქმული სიტყვა საპირისპირო კიდევუ მყოფს ისევე გარკვევით ესმის, თითქოს ყურისძირში ეუბნებიან.



მაშინ, როცა ამერიკის კონტინენტზე ფეხი ესპანელებმა დადგეს, აცტეკები უკვე მხოლოდ სპორტული ინტერესით ბურთაობდნენ და ადამიანის მსხვერპლად შეწირვა წარსულს იყო ჩაბარებული. გულშემატკივრები დებდნენ ფსონებს, გამარჯვებული გუნდის კაპიტანს კი უფლება ეძლეოდა, მეტოქე გუნდის ქომავის ავლადიდება და ძვირფასეულობა დაესაკუთრებინა. „პრიზი“ ერთობ თვალისმოპყრელი უნდა ყოფილიყო, თუ გავითვალისწინებთ, რომ აცტეკურ საზოგადოებაში წესად იყო, გულშემატკივარი სტადიონზე აუცილებლად საუკეთესოდ „ჩაცმულ-დახურული“ და ოქროს სამკაულებით მორთული უნდა წაბრძანებულიყო.

ესპანელმა დამპყრობლებმა, რომლებმაც ინდიელებს ქრისტიანობის მიღება აიძულეს, უძველესი თამაში აკრძალეს, რამდენადაც ის მზის, მთვარისა და სიმინდის ღვთაებათა საკულტო ტრადიციასთან იყო დაკავშირებული.

თუმცა მექსიკის ჩრდილოეთ-დასავლეთით, სინალოას შტატში, არიან ოჯახები, რომლებიც თავს აცტეკთა დიად ვარსკვლავთმრიცხველ ქურუმთა შთამომავლებად მიიჩნევენ და არ იფიქრებენ ულაშას (ასე ეწოდება ინდიელთა ბურთით თამაშის ერთ-ერთ სახეობას). ისინი დღესაც ოლმეკთა ტექნოლოგიით ამზადებენ კაუჩუკის ბურთს. რამდენიმე ქალაქში შექმნილი ათამდე პროფესიონალური გუნდი კი, ისევე როგორც ძალიან დიდი ხნის წინ, ახლაც, ყოველი წლის აპრილში ბურთაობას აჩადებს.

კალჩო — ფლორენციელთა თამისუფლების სიმბოლო

იტალიელები ფეხბურთს კალჩოდ (calcio) მოიხსენიებენ. ეს სახელწოდება ფლორენციული ბურთაობიდან მომდინარეობს, რომლითაც იტალიელები აღორძინების ეპოქიდან მოყოლებული, XVIII საუკუნემდე ერთობოდნენ.

ამბობენ, რომ 1766 წელს ქალაქ ლივორნოში გამართულ მატჩს ბრიტანეთის კონსულიც დასწრებია... „და ასე იქცა ინგლისი ფეხბურთის სამშობლოდ“, — მწარედ ხუმრობენ დღეს ტოსკანელები.

ფლორენციული თამაში კი ძალიან ცოტა რამით თუ ჰგავდა თანამედროვე ფეხბურთს. თანაც საეჭვოა, ფლორენციელებს შუა საუკუნეებში არაფრისგან შეექმნათ კალჩო. სავარაუდოდ, მისი დიდი წინაპარი ძველბერძნული თამაში „ფაინინდა“, ანდა სხვა ძველბერძნული თამაში „ეპისკუროსი“ უნდა ყოფილი-



იტალიელები მიიჩნევენ, რომ ინგლისელებმა ფეხბურთი მათგან ჯერ კიდევ 1766 წელს „მოიპარეს“, როდესაც კალჩოს მატჩს ბრიტანელითა კონსული დაესწრო



კალჩოში ვეველაფერი ნებადართულია, თავსა და საზარდულში ჩარტყმის გარდა

ყო, რომელიც მოგვიანებით რომაელებმა გადაიღეს და მას „ჰარპასტუმი“ (harpastum/harpuzstum) შეარქვეს. ბერძნები არპასტონს, არპადზოს (ბერძნ. „წართმევა“) სათამაშო ბურთს უწოდებდნენ. ცნობილია, რომ ჰარპასტუმი განსაკუთრებით პოპულარული რომაელ ლეგიონერთა შორის ყოფილა.

მობურთალთა ქალაქად ფლორენცია კი მოგვიანებით, XV საუკუნეში იქცა. იმდროინდელი მოქალაქეები წუხდნენ კიდევ, ამ საქმეგამოლეულთა გადამკიდევ, ქუჩაში გავლა საშიშია, შეიძლება თავში მძიმე ბურთი მოგხვდესო. ქალაქის თავებს კანონის გამოცემაც კი



ბურთაობა ინგლისელებს არ გამოუვინებიათ, მაგრამ ფეხბურთის თამაშისა და მისი წესების დახვეწა სწორედ მათი დამსახურებაა



ბურთაობა ძველ ბერძნებსაც უყვარდათ

მოუხდათ, რომელიც კალჩოსა და სხვა „ხმაურიან თამაშებს“ კარ-მიდამოების სიახლოვეს კრძალავდა.

კალჩოს საასპარეზო ადგილებად სანტა-მარია-ნოველას, სანტა-კროჩეს მოედნები და პორტა-ალ-პრატოს სიახლოვეს მინდორი იქცა. ზამთარში, კარნავალის დღეებში, როდესაც მდინარე არღო იყინებოდა, გუნდები ყინულზეც მართავდნენ ბურთაობას. რაც მთა-

ვარია, კალჩო დიდგვაროვანსა და მდაბიოს არ ცნობდა და მოედანი ყველას ათანასწორებდა. სხვათა შორის, იმ ეპოქის კარგ „ფეხბურთელებად“ თვით რომის პაპები: კლიმენტ VII, ლევ XI და ურბან VII ითვლებოდნენ.

ვინ იცის, იქნებ ხუთი საუკუნის წინანდელი თამაში დაეწეებასაც მისცემოდა, ფლორენციული რესპუბლიკის სიმბოლოდ რომ არ ქცეულიყო. 1530 წელს გერმანელი იმპერატორის ჯარისკაცებმა ფლორენციას ალყა შემოარტყეს. ქალაქი შიმშილობდა, თუმცა კარნავალის ბოლო დღეს, 17 თებერვალს, მოსახლეობას სანტა-კროჩეს მოედანზე ტრადიციული კალჩოს სათამაშოდ ძალა და ხალისი მაინც შერჩენოდა. მართლაცდა, ბურთაობა გაჩაღდა და ამ სანახაობით შეცბუნებულმა მტერმა, რომელიც ქალაქის გარშემო გორაკებზე იყო გამაგრებული, მოედანს ზარბაზნებიდან ცეცხლი გაუხსნა, თუმცა ჭურვები მიზანს ვერ აღწევდა და ყოველ გასროლას ფლორენციელთა აღტაცების ყიჟინა და დაცინვა ერთვოდა.

ამ ისტორიული მატჩის ოთხასი წლის იუბილეზე მუსოლინის იტალიაში ფლორენციული ფეხბურთის აღორძინებას მიჰყვეს ხელი. კალჩოს დღესაც იმ წესებით თამაშობენ, რომელიც 1580 წელს გრაფმა ჯოვანი დე ბარდიმ თავის ტრაქტატში აღწერა.

მატჩი იწყება... ჰინებით

კალჩოს მოედნის ზომა 100X50 მეტრია და ქვიშითაა დაფარული. თითო გუნდი 27 მოთამაშისგან: სამი მეკარის, ოთხი მცველის, ხუთი ნახევარმცველისა და თხუთმეტი თავდამსხმელისგან შედგება. მატჩი 50 წუთს გრძელდება, გამარჯვებული გუნდი კი ჯილდოდ კიანინის ჯიშის თეთრ ხბოს იღებს.

თავად თამაში რაგბისა და ამერიკულ ფეხბურთის უფრო მოგაგონებთ, ვიდრე ფეხბურთს და მისი მთავარი მიზანი ნებისმიერი ხერხით მეტოქის მოედნის საზღვრამდე ბურთის მიტანაა. თამაშში აკრძალვები თითქმის არ არის. ეგ კი არა, ნებადართულია მეტოქისთვის თვალებში ქვიშის შეყვრაც. არ შეიძლება მხოლოდ თავსა და საზარდულში ჩართვმა.

საინტერესო სანახავია თამაშის დასაწყისი. მსაჯი აგდებს ბურთს, მაგრამ მას ყურადღებას არაუფერ აქცევს. გუნდები ჯერ ხურდებიან, პირისპირ მდგომი მეტოქეები იტალიური ენის ყველაზე უშვერი სიტყვებით ერთმანეთს მანამ ლანძლავენ, სანამ რომელიმე მუშ-

ტი-კროზე არ გადავა. და აი, სწორედ აქედან იწყება კალჩოს „მატი“.

ფეხბურთის „კანონიერი“ საფეხობლო

კაცმა რომ თქვას, მრავალ ერს ჰქონია თავისებური ჯგუფური თამაში ბურთით (ან მსგავსი ნივთით), რომელიც შეიძლება ფეხბურთის წინაპრად მივიჩნიოთ. მაიას ტომის, საბერძნეთისა და რომის გარდა, ბურთაობა უძველესი დროიდან ჰყვარებიათ ეგვიპტეში, ჩინეთში, იაპონიაში... თუმცა ფეხბურთის სამშობლოდ ინგლისია აღიარებული.

ქალაქ დერბის მცხოვრებლები სიამაყით მოგიყვებიან ამბავს, თითქოს შესამე საუკუნეში ადგილობრივმა ჯეელებმა რომელიღაც გიონერებისგან შემდგარ გუნდს, მათივე თამაშში, ზემოთ ნახსენებ ჰარპასტუმში აჯობეს. იქიდან მოყოლებული, ინგლისელთა შორის ბურთაობა საყვარელი გასართობი გამხდარა, თანდათანობით დახვეწის შემდეგ კი თამაში თანამედროვე ფეხბურთად იქცა.

სხვა ვერსიით, ფეხბურთის წინამორბედი თამაში ბრიტანულ კუნძულებზე ჯერ კიდევ ჩვენს წელთაღრიცხვამდეც სცოდნიათ.

ასე იყო თუ ისე, VII-IX საუკუნეების ინგლისში ბურთაობა ძალიან ჰყვარებიათ. სადღესასწაულო დღეებსა თუ ბაზრობის დასრულების შემდეგ ერთი სოფელი მეორეს ეჯიბრებოდა. მოთამაშეთა რაოდენობას გუნდებში არავინ თვლიდა, არც რამე აკრძალავა არსებობდა, მთავარი კი მეტოქე სოფლის მოედნამდე ბურთის მიტანა ყოფილა.

სიტყვა „ფუტბოლ“ პირველად XV საუკუნის პირველი ნახევრიდან, მეფე ჰენრიხ IV-ის გამოცემულ ბრძანებაში გვხვდება. და თუკი თავდაპირველად ბურთაობა მდაბიოთა გასართობად მიიჩნეოდა, მოგვიანებით ის თვით სამეფო ოჯახის წევრთა გატაცებაც გამხდარა.

XVI საუკუნის მეორე ნახევრიდან ინგლისის ორ უდიდეს უნივერსიტეტში — კემბრიჯსა და ოქსფორდში უკვე არსებობდა მობურთაობა გუნდები, თუმცა თამაშის წესები, თანამედროვესთან მიახლოებული, პირველად მხოლოდ საუკუნის შემდეგ ჩამოაყალიბეს. ეს ინგლისელმა ნატურალისტმა ფრენსის უილიუმსმა (1635-1672) გააკეთა, რომელმაც თავის დაუმთავრებელ „თამაშების წიგნში“ მოედნისა და კარის ზომები, მოთამაშეთა განლაგება და თამაშის ტაქტიკა აღწერა.

არც ხელბურთია, არც რაგბი... ეს უკვე ფეხბურთია!

მიუხედავად ყველაფრისა, ფეხბურთის ეპოქის დასაწყისად მაინც XIX საუკუნე უნდა ვაღიაროთ. სწორედ იმხანად ინგლისელ პედაგოგთა შორის გავრცელდა მოსაზრება, რომ ყმაწვილთა ფიზიკური და სულიერი განვითარებისთვის ბურთაობა განსაკუთრებით სასარგებლო იყო. შედეგად თამაში უაღრესად პოპულარული გახდა, განსაკუთრებით კი ჯენტლმენტა შორის.

საფეხბურთო კლუბების მომრავლებას ერთიანი სათამაშო წესების შემოღება მოჰყვა. 1863 წელს შეიქმნა ასოციაცია, რომელმაც დაადგინა მოედნისა და კარის ზომები, და მთავარი: აკრძალა ბურთის ხელით თამაში. შედეგად კი ერთმანეთს საშუალოდ გაემიჯნენ მისი უდიდებულესობა ფეხბურთი და რაგბი. ამრიგად, 1863 წელი თანამედროვე ფეხბურთის დაბადების წლად გამოცხადდა.

გელა უზარიძე



ინგლისსა და შოტლანდიას შორის 1872 წელს გამართული პირველი საერთაშორისო მატჩის სავაზეთო ილუსტრაცია



მიზა გომიაშვილის ცხოვრების ლაბირინთი

ის არჩილ გომიაშვილის ვაჟია და შეიძლება, ასეც დარჩენილიყო ყველასთვის ბოლომდე, მაგრამ მოახერხა და საკუთარი სახელი დაამახსოვრა საზოგადოებას — მიზა გომიაშვილი... დღეს როგორც ვახსენებთ, რომ ის არჩილის ვაჟია, შეგვიძლია ასევე პირიქითაც აღვნიშნოთ, რომ არჩილი მიშას მამაა...

წლების წინ ძლივს გამოძებნა დრო, რომ პირისპირ დაემსხდარიყავით და გვესაუბრა... განა იმას ვამბობ, ძვირი სანახავია-მეთქი, უბრალოდ, ვერც ხლისწყალივითაა, რომელსაც დიდხანს ვერ დააკავენ... ხანგრძლივად რამის მოყოლა ზომ საერთოდაც არ მოსწონს. მგონი ურჩევნია კიდევ, მიკარგული იყოს სადმე, თავისი ცხოვრების ლაბირინთის ზვეულებში. ის არის არტისტი, რომელიც პოპულარობისთვის არასოდეს გამოიტანს სააშკარაოზე თავის განცდებს, თუმცა ყოველთვის მრავლად იქნებიან მისი ცხოვრებითა და შემოქმედებით დაინტერესებულნი. ის ზომ მიზა გომიაშვილია!

— ადრეული ბავშვობა ცალკეულ ფრაგმენტებად მახსოვს, თანაც ბოლომდე დარწმუნებული არ ვარ, მოყოლილი აქვთ თუ თავად მახსოვს... ბევრი რამ საერთოდ არ დამრჩენია მეხსიერებაში. მაგალითად, სკოლაში როგორ წავედი, არ მახსოვს. დღემდე ვერ ვიხსენებ თბილისის 53-ე სკოლიდან მოსკოვში პირველი კლასიდან გადაყვანილი თუ მეორიდან... მიკვირს ხოლმე, ვინმე რომ იტყვიას, ნათლად მახსოვს, სამი წლის რომ ვიყავი, რა მოხდაო. მე ვერე ნათლად ტექსტები მახსოვს. სპექტაკლის ტექსტი მთელი ცხოვრება აღარ მაგიწყდება. პირველად რომ როლი ვითამაშე 30 წლის წინ, ღამით რომ გამაღვიძოთ, იმ ტექსტსაც კი გეტყვი. რაც შეეხება ფილმის ტექსტს, გადაღების დასრულებისთანავე ვიგიწყებ. რა გითხრათ, აბა... ეტყობა ბილობილი უნდა ვსვა ბევრი, რომ ჩემი ბავშვობის ყველა დეტალი გავიხსენო...

ნაკლებად მაგიწყდება სუნი, ფერი, განწყობა, ოღონდ ამბების მოყოლა არ შემიძლია...

პატარა რომ ვიყავი, ერთი დაუძლეველი შიშში მქონდა — მეშინოდა, ჩვენს სახლში ქურდები არ შემოსულიყვნენ. ამის გამო ღამით ვერ ვიძინებდი. კარგად მახსოვს, ნევროპათოლოგთანაც წამიყვანეს და სედუქსენი და ნოქსირონი დამინიშნეს. მე ამას ქურდების წამალს ვეძახდი... მაშინ საკუთარ სახლში ვცხოვრობდით ქიაჩელზე, მამამ ხის დარაბები გააკეთებინა, რომ აღარ მშინებოდა.

მამა გრიბოედოვის თეატრში მუშაობდა. მახსოვს, პატარა ვიყავი და ერთად ვბრუნდებოდით თეატრიდან შინ. ქუჩაში ჩემზე დიდ ძაღლებს ვეთამაშებოდი. მამა ამბობდა, როგორ არ ეშინიაო... ძაღლების არასოდეს შემშინებია.

სკოლაში კარგად არასოდეს ვსწავლობდი. კითხვა მიყვარდა, მაგრამ სკოლის წიგნებს არ ვკითხულობდი. უზრდელო არ ვყოფილვარ, მაგრამ ხულიგანი ვიყავი... მთელი ჩემი სამეგობრო ასეთი იყო... წესიერად ვიქცეოდით მშობლებთან, მასწავლებლებთან, მაგრამ ერთმანეთში ვიქცეოდით ხულიგნურად, ვცელქობდით. დირექტორი გვეხვეწებოდა, სკოლაში ნუ მოხვალთ და ოთხიანის ატესტატს გაგატანთო. ჩვენ მაინც დავდიოდით.

მოსკოველი დირექტორი რას მეუბნებოდა? მოსკოველი დირექტორი არც მახსოვს, IV კლასში უკვე თბილისში გადამიყვანეს. მოსკოვში პატარა ვყოფილვარ ხულიგანობისთვის? მაგას ნუ დარდობთ, პატარაც ვახერხებდი...

ბაღში დავდიოდი, როცა გამომაგდეს ჯგუფიდან, რადგან დანა მქონდა თან. მახსოვს, რკინის პატარა ყუთი მქონდა საკვითაფიციტო, ზედ რაღაც ეხატა — ზღაპრის გმირები მგონი... იქ დედაჩემი იმდროინდელ სანდვიჩებს — ბუტერბროდებს მილაგებდა. იმაში მედო დანა... ბაღის ასაკში იმ დანას ვერ ვიყიდდი, ალბათ ან უფროს ძმას მოუპარე, ან გაუცუცალე ვინმეს რამეში.

გაცელა ძალიან მიყვარდა. შუათანა ძმა ტექნიკაში კარგად ერკვევა. თავისი ხელით აწყობილი რადიო ჰქონდა, სათუთად აწყობდა... შინ რომ არ იყო, წავიღე და ვილაცას „ატვიორტკაში“ გადაუცუცალე... ღამაში, ბრჭყვიალა ტარი მომქონა...

მოხერხებული ვყოფილვარ? იმდენად მოხერხებული ვიყავი, რომ დედა ფულს რომ მოგვეცემდა, ჩემზე შვიდი წლით უფროსი ძმა მეტყოდა: მოდი, ეზოში დავმარხოთ და დილას ხეები ამოვა ფულითო. ვმარხავდით. მერე ძალიან მიკვირდა, რატომ არ იყო არც ხე და არც ფული...

სკოლა ისე დავამთავრე, არ ვქეოდი. „ვგიკში“ ვსწავლობდი. სოხუმში ვიყავით მამაჩემის მეგობართან, აფხაზეთის ოლქის მდივან



„კითხვა მიყვარდა, მაგრამ სკოლის წიგნებს არ ვკითხულობდი. უზრდელო არ ვყოფილვარ, მაგრამ ხულიგანი ვიყავი. მთელი ჩემი სამეგობრო ასეთი იყო“



„მამა მუუბნებოდა, მე მაკარუნჯო არ ვარ და არ ვიცი, როგორ უნდა გავზარდიო, მიყურე და ისწავლე, რა არის კარგი და რა ცუდი, ნახე, როგორ ვცხოვრობო“



„მამასთან განსაკუთრებული ურთიერთობა მქონდა. ბუნებით ძალიან მკაცრი კაცი იყო, მე ერთადერთი ვიყავი, ვისთანაც სიმკაცრეს ვერ იჩენდა“

ბორია ადლებასთან. რესტორან „მერხეულ-ში“ ვისხედით. ყოველ 15 წუთში ვდგებოდი და მოსაწვევად გავდიოდი. ეს ის დროა, „მარლბორო“ მარტო ცეკას ბუფეტში რომ იყიდებოდა. მამამ, კარგი რა წაიღე ტვინი, წესიერი სიგარეტი მაინც მოწიე, რომ იხრჩობი მამ „კოლხეთითო“. მას მერე დავიწყე მოწევა.

მამასთან განსაკუთრებული ურთიერთობა მქონდა. ბუნებით ძალიან მკაცრი კაცი იყო, მაგრამ მე ერთადერთი ვიყავი, ვისთანაც სიმკაცრეს ვერ იჩენდა. მამას „ლიუბიმჩიკი“ ვიყავი, როგორც თვითონ ამბობდა... ჯერ ერთი, ერთ რიცხვში — 23 მარტს ვართ დაბადებული ორივე, მერე ორივე მსახიობები ვიყავით, მესამე და ყველაზე მთავარი ის იყო, რომ ძალიან ვუყვარდი.

მამა იუმორით სავსე კაცი იყო. ბოლო წამამდე მხნედ იყო. ბოლო დღეებშიც კი ახერხებდა ღადაობას... იქ ვიყავი, რამდენჯერმე კი მომიწია თბილისში ჩამოსვლამ, ბოლოს ჩამოვედი სპექტაკლზე, მამა მესამე დღეს გარდაიცვალა. ზურამ დამირეკა — ჩემმა მამამ...

მშვენიერი იყო ჩემი სტუდენტობის წლები. „ვიკიკში“ ცოტა ხანს ვისწავლე, ჩემი ოსტატი — რეჟისორი იურა ჩილუკინი გარდაიცვალა და მის შემდეგ აღარ მომიხდა იქ გაჩერება.

საერთო საცხოვრებელში არ მიცხოვრია, მაგრამ 24 საათს იქ ვიყავი. ყველაფერი მომწონდა იქ — სტუდენტური ცხოვრება, გოგონები...

მოსკოვში თვე-ნახევრიანი „გადატრიალება“ მქონდა, როცა ვამბობდი, ექიმი უნდა გავხდე-მეთქი. ჩემი მეგობარი და მეზობელი იყო მოსკოვში ავთო გოგლიძე, ქირურგი. პირველად მასთან ერთად დაერჩი მორიგეობაზე. დაებრუნდი, მამასთან შევედი და ვუთხარი, ქირურგი უნდა გავხდე-მეთქი. მიყურა და მერე ისტერიკული სიცილი აუტყდა... შვიდ-რვა ოპერაციას დავესწარი. პირველად ტაქსის მძღოლი მოიყვანეს დაჭრილი, ზურგში ჰქონდა ჩარტყმული. ავთომ, ვნახოთ, რა სიღრმის ჭრილობააო. თითი ჩაყო. ცუდად გავხდი... გამოვიარე... სარკეში რომ ჩავიხედე, დავინახე თეთრ ხალათსა და ქუდაში თეთრი რაღაც ორი შავი ლაქით. ეს მე ვიყავი... მერე დახმარებაც კი შემიძლო, ისე მივეჩვიე...

ჩვენთან შინ ბევრი ცნობილი ადამიანი მოდიოდა, არტისტები, პოლიტიკოსები, სამართალდამცავებიც კი... მამა კომუნიკაბელური იყო და ყველასთან ადვილად მეგობრობდა, ვინც ღირსი იყო — შავ სამყაროსთანაც და გენპროკურორთანაც...

მამას წარსული ცხოვრება იყო შავ სამყაროსთან სერიოზულად გადაჯაჭვული...

მამა მეუბნებოდა, მე მაკარენკო არ ვარ

და არ ვიცი, როგორ უნდა გაგზარდო, მიყურე და ისწავლე, რა არის კარგი და რა ცუდი, ნახე, როგორ ვცხოვრობო... ვიჯექი კიდეც მის მანქანაში დილიდან საღამომდე.

საერთოდ, ძალიან საინტერესო წინაპრები მყავდა. დედის მამა — გოგი მანჯავიძე წითელი პარტიზანი იყო. ვოროშილოვის ნაჩუქარი მაუზერით დარბოდა.

ბებია პოლონელი იყო — ნატალია მიხაილოვნა. 16 წლის ყოფილა, ბაბუას რომ უნახავს... დედაჩემი ოდესაში გაჩნდა. ექვსი თვის იყო, თბილისში რომ ჩამოიყვანეს. მატარებლით მოდიოდნენ. მამინ ყაჩაღობა იყო. ცნობილი იყო ამ საქმეში ბატკა მახნო — საშინელი კაცი. გააჩერა ემელონი. კუპეში ბებია იყო ბავშვით და ბაბუას ადიუტანტი... ბატკა მახნომ რომ შეიხედა, იცნო ბებია და უთხრა:

— პრაშუ პრაშჩენიე, მადამ გოგი...

დახურა კუპის კარი და გაატარეთ მატარებელიო, — ბრძანა. არ ვიცი, საიდან არის ცნობილი, მერე რა უთხრა მახნომ თავისიანს — გოგისთან ჭიდაობის თავი არ მაქვსო. ეგეთი ბაბუა მყავდა...

მამაჩემის მამაც მაგარი იყო — მიშა გომიაშვილი იყო ისიც... მამაჩემმა კი ყველას გადაუჯოკრა. 14 წელიწადი ჰქონდა ციხეში გატარებული, ოთხჯერ მოიხადა სასჯელი. რისთვის? აფერისტობისა და ქათმის მოპარვისთვის არ იჯდებოდა...

„საექტაკლის ტექსტი მთელი ცხოვრება აღარ მივიწყებდა. პირველად რომ როლი ვითამაშე 30 წლის წინ, ღამით რომ ვამალვიდით, იმ ტექსტსაც კი ვეტყვიო“





„მეტეხში რომ იყო თეატრი, ამას ვგრძნობდით, ცხადია... როცა მივიჩინეთ, რომ დრო იყო, საპატრიარქოსთვის გადაგვეცა ტაძარი, ერთ ღამეში გამოვედით მთავრობასთან შეუთანხმებლად და ეკლესია შევიდა...“

ციხეში სანახავად თუ ვყოფილვარ? არა... ჩემი ძმა რომ გაჩნდა, მაშინ ბოლო სასჯელს იხდიდა. მე რომ გაეჩნდი, მაშინ დამთავრებული ჰქონდა სასჯელების მოხდა. საქართველოში მჭავანაძე იყო, რომელსაც მამა უყვარდა ძალიან, ამიტომ დამსახურებული არტისტობაც მისცა და სახალხო არტისტობაც.

ინსტიტუტი დავამთავრე, არავინ მეპატიუებოდა, მაგრამ წავედი მეტეხის თეატრში. მაშინ თეატრიდან ინსტიტუტში მოდიოდა მოთხოვნა, იყო სხვა თეატრებიდან მოთხოვნა და არ იყო მეტეხის თეატრიდან. ამიტომაც წავედი იქ. ჩემთან ქაღალდით საუბარი არ ჰქრის... პირდაპირ უნდა მელაპარაკოს, ვისაც უნდა.

მეტეხის თეატრში ძალიან კარგი ხალხი დამხვდა. ეს იყო სანდრო მრეკლიშვილი, ბიჭები, რომელთაგანაც რამდენიმე ცოცხალი აღარ არის, ჩემთვის მძიმეა მათზე საუბარი. ამ წლებში იყო გასტროლები, დროს ტარება, ქეიფი...

მეტეხში რომ იყო თეატრი, ამას ვგრძნობდით, ცხადია. იქ არ ვეწეოდით, უწმაწურ სიტყვებს არ ვხმარობდით... მეტეხში ჯერ ციხე იყო, მერე სახელოსნო, საწყობები. თეატრი ჩემამდე გახსნეს. ჩვენმა ბიჭებმა გაწმინდეს იქა-

ურობა. მერე, როცა მივიჩინეთ, რომ დრო იყო, საპატრიარქოსთვის გადაგვეცა ტაძარი, ერთ ღამეში გამოვედით მთავრობასთან შეუთანხმებლად და ეკლესია შევიდა... დილით რომ გაიღვიძა კომუნისტურმა მთავრობამ, იქ უკვე ეკლესია იყო. ის სამი ზარი, ახლა რომ ჰკიდია ეზოში, ჩემი ხელით დაგვიდე, ჯაჭვი კი შინიდან მივიტანე...

ძალიან მიყვარს მცენარეები, დამირგავს და მომივლია კიდეც... მიყვარს სახლის აშენება და მიშენებია კიდეც... ხომ არ ვფიქრობ, რომ არქიტექტორობა აჯობებდა? არა, თავიდანვე ვიცოდი, რომ მსახიობი ვიქნებოდი და ახლაც ვფიქრობ, რომ სწორად ვფიქრობდი...

ძალდი ყოველთვის მყავდა. ბოლოს მყავდა შუააზიური ნაგაზი — დიდი ძალდი იყო, ცუცას ვეძახდი. რომ დავუძახებდი ცუცას, ყველას ეგონა, პატარა ძალდი შემოვიდოდა, არადა, გამოჩნდებოდა უზარმაზარი... მერე დაემართა მენინგიტი. ერთ თვეს დამყავდა ექიმთან. თან ის ექიმი იყო თემქაზე, XVI სართულზე. არ მუშაობდა ლიფტი. ძალდი ვერ დადიოდა და ამიტომ ყოველდღე ხელით ამყავდა და ჩამომყავდა... არ მეუბნებოდნენ, რომ ვერ გადარჩებოდა? მერე რა, რომ მე-

უნებოდნენ, ექიმთან მაინც წავიყვანდი, პატარა იმედი მქონდა... მერე თემურ ჩხეიძესთან ვიყავი რეპეტიციაზე, რომ დამირეკეს, წრეზე დაიწყო სიარულიო... ეს ბოლო წუთები იყო.

მდიდარი მამის შვილი ვარ? ჩემთვის აბსოლუტურად სულერთია სიმდიდრე. მატერიალურის გამო დიდი გარდაქმნები მათ ფსიქოლოგიაში ხდება, ვინც უცბად მდიდრდება... არ მიკვირს, მაგრამ არ მესმის ამ გამდიდრებული ხალხის დამოკიდებულება... დაახლოებით ისეთი, უცხოეთში რომ ჩავლენ ორი თვით და დაბრუნებულეს ქართული სიტყვები ავიწყდებათ — ამერიკელები ხდებიან. ასე ემართებათ, ფულს რომ შოულობენ მაშინაც... მე ფუფუნებაში არ გაზრდილვარ, ოჯახში გავიზარდე, თბილისში... ამიტომ სხვას არასოდეს დაუწყვებ ზემოდან ყურებას. დღეს მაქვს, ზვალ — არ მაქვს... მერე რა... რატომ უნდა მქონდეს ბევრი ფული, ბიზნესმენი არ ვარ და... მემკვიდრეობა მაქვს? მემკვიდრეობა მართლაც დიდი მაქვს — მსახიობობა, ადამიანობა, თბილისელობა... ამაზე დიდი მემკვიდრეობა არ არსებობს.

თურმე სპაქტაკლის გაცდენა შემიძლია? ჰო, ასეა. ერთხელ მივედი და ოთარ მეღვინეთუხუცესს ვუთხარი, დღეს რაღაც კარგად ვერ ვარ და სპექტაკლზე ვერ მოვალ, ვერ ვითამაშებ-მეთქი. მართლა არ მივედი. გამაგლო თეატრიდან...

აფხაზეთში ომის დროს ვყოფილვარ? ვიყავი. გახსენებაც არ მინდა. თქვენთვის ძნელი წარმოსადგენია, როგორი ვარ იარაღით ხელში? — ჩემთვისაც.

დებრესიაში ვიყავი, როცა სამაჩაბლოში ომი იყო... 1993 წელს დებრესიაში არ ვყოფილვარ...

საშინელი მოხუცებულობა მექნება, თუ მივაღწიე იქამდე. მყრალი ბებერი ვიქნები, იმიტომ რომ საშინელი ხასიათი მაქვს. ალბათ, ყველაფერთან პრეტენზია მექნება, ვიჭაჭყანებ... ახლაც არ მაქვს შოკოლადის ხასიათი, ჩქარა მეცვლება განწყობა, ძალიან მომთხოვნი ვარ. ადამიანისგან ვითხოვ იმას, რასაც გავცემ, როცა ვერ ვიღებ, მერე იწყება კონფლიქტი... ეს ხასიათიც მამისგან მაქვს. არაფერს არ ვინანებ არასოდეს, იმიტომაც ვარ მე, რომ ასე ვცხოვრობ, ალბათ მერეც ასე ვიცხოვრებ...

ლელა ჯიფაშვილი



„მდიდარი მამის შვილი ვარ? ჩემთვის სულერთია სიმდიდრე... ოჯახში გავიზარდე, თბილისში... დღეს მაქვს, ზვალ — არ მაქვს, მერე რა...“



თომა ჩაბელიძე:

ამ რუბრიკის სტუმრობა ადვილი საქმე არ არის...

როცა საქმე პროფესიულ არჩევანზე მიდგა, საკუთარ თავთან არ უკამათია... მიუხედავად იმისა, რომ დედა ექიმობას ურჩევდა, ხოლო მამა — იური სტობას, ისტორიით გატაცებულს მხოლოდ ერთხელ გაუელდა აზრმა, — რუქისორი ხომ არ გავხდეთ... ბოლოს ისტორიის სიყვარულმა, დიდმა ინტერესმა გადასძალა. დღეს მიიჩნევს, რომ სწორი ნაბიჯი გადადგა. ისტორიული დოკუმენტების გაცნობა, წარსულის ძიება და მატრიანებში ქექვა მისი საყვარელი საქმეა, რომელსაც სიამოვნებით ემსახურება. იღებს დოკუმენტურ ფილმებს და წინ დიდი გვეგები აქვს. ჩემი რესპონდენტი თომა ჩაბელიძე იყო.

— თომა, ისტორიისადმი ინტერესი როდის გაგიჩნდა?

— რაც თავი მახსოვს. პირველი შთაბეჭდილება იაკობ გოგებაშვილის „ერეკლე მეფე და ინგილო ქალიდან“ მოდის. მას შემდეგ ისტორიით ვარსებობ. თუმცა ერთი „მინუსი“ მაქვს, კარგი მესხიერებით ვერ დავიკვეხნი. არ გვეგონოთ, რადგან „ერუდიტის“ სტუმარი ვარ, წინასწარ თავს ვიმართლებ. შეიძლება ორი წლის შემდეგ ჩემივე ფილმს როგორც ახალს, ისე ვუცქირო. ახლახან დავამთავრე მუშაობა დოკუმენტურ ფილმზე „გრემი“. გრემი 150 წლის განმავლობაში (XV საუკუნის მეორე ნახევრიდან XVI საუკუნის ჩათვლით) კახეთის დედაქალაქი იყო. ის შაჰ-აბასმა ლაშქრობების დროს დაანგრია. გრემის ისტორიაზე მუშაობა ჩემთვის ძალიან საინტერესო იყო...

— კითხვარზე გადავიდეთ?

— ეს იქნება ყველაზე საშინელი წუთები ჩემს ცხოვრებაში (იცინის). ამ რუბრიკის

სტუმრობა ადვილი საქმე არ არის.

— „მამაცობაზედ ნაქებია ყოველს საქართველოს მეფეთა და თავადთა ზედა, ძველით ახლებამდისინ, თვით კარგი სარდალი იყო და მერე გულოვანი, უზვი და უშურველი, მსმეველ-მჭმეველი, ცხენოსან-ცეროსანი, ომში კოხტა და უშიშარი, მაგარი ქრისტიანი“, — ასე დაახასიათა XVII საუკუნის ისტორიკოსმა ფარსადან გორგიჯანიძემ ქართველი მეფე-დასახელეთ იგი?

— მინიშნებას ვერ მეტყვი?

— ის 1527-1556 წლებში მეფობდა. ყიზილბაშთა წინააღმდეგ ბრძოლის დროს სასიკვდილოდ დაიჭრა.

— მიუხედავად, ლუარსაბ I-ზეა ლაპარაკი.

— რომელ ქვეყანაში მოღვაწეობდა ფარსადან გორგიჯანიძე?

— საქართველოში.

— ცდებით.

— (ფიქრობს) მართალია, მგონი ირანში იყო, ზუსტად აღარ მახსოვს.

— ირანში როსტომ მეფის კარზე იზრდებოდა, როსტომის ქართლში გამეფების შემდეგ, ფარსადანი ასრულებდა ირანში მის მოვალეობას, ისპაჰანის მოურავი იყო. მის კალამს ეკუთვნის საქართველოს ისტორია უძველესი დროიდან 1696 წლამდე.

— საინტერესოა, მის შესახებ ამდენი არ ვიცოდი.

— არსებობს ვერსია, რომ დავით IV-ს აღმასწავლებელი მან უწოდა. შემდეგ კითხვაზე გადავიდეთ. ერთიანი საქართველოს რომელი მეფე აღიკვეცა ბერად დავით-გარეჯის მონასტერში 1155 წელს დამიანეს სახელით?

— დემეტრე I. ბერად აღკვეცის შემდეგ შექმნა ცნობილი საგალობელი „შენ ხარ ვენახი“.

— ვის მიუძღვნა იგი?

— მარიამ ღვთისმშობელს.

— დღეს ეს სიტყვა ვეროპის ზოგიერთ ქვეყანაში პოლიციელთა მეტსახელია, ხოლო

წარსულში მსოფლიოში ერთ-ერთი უძლიერესი სახელმწიფოს მეფეთა ტიტული იყო.

— ფარაონი.

— ბიბლიის მიხედვით, რომელ ქალაქში გაატარა ბავშვობა იესო ქრისტემ?

— ნაზარეთში.

— რა ბედი ეწია საფრანგეთის უკანასკნელ მეფეს, ლუდოვიკო XVI-ს?

— გილიოტინაზე აიყვანეს.

— რა პროფესიისა იყო ჯოზეფ-ინიას გილიოტენი?

— თუ არ ვცდები, ექიმი იყო.

— ექიმი და პოლიტიკური მოღვაწე იყო. რომელ-მა რომაელმა იმპერატორმა უბოძა საკუთარ ცხენს კონსულობა?

— ნერონმა.

— დაფიქრდით.

— მაპატიეთ, არასწორად გიპასუხეთ, ასე კალიგულამ გააკეთა, დაძაბული ვარ.

— ნუ ნერვიულობთ, კარგად დაიწყეთ. გადმოცემით, რომელიც „ქართლის ცხოვრებაშია“ დაცული, მდინარეების ნაპირზე დაბანაკებული ლაშქარი წყალდიდობის მსხვერპლი გახდა. ერთმა მდინარემ არაბთა ჯარში მყოფი 23 000 აბაში (აბასინელი) წაღეკა, ხოლო მეორემ — 35 000 ცხენი დაახრჩო. რას ვუწოდებთ დღეს ამ მდინარეებს?

— ცხენისწყალი და აბაშისწყალი.

— ის ცნობილი ქართველი მწიგნობარი, მესტამბე, პოლიტიკური და საეკლესიო მოღვაწე იყო. სამშობლოდან გაიტაცეს და კონსტანტინოპოლს მონად გაყიდული ვლახეთში მოხვდა. სინას მთას მიმავალი, 1716 წელს გზაში მოკლეს. ცხოვრობდა და მოღვაწეობდა რუმინეთში. ვისზეა ლაპარაკი?

— ვერ გიპასუხებთ.





- ანთიმოზ იფერიელზე.
- ვაა!!! ეს როგორ ვერ გავიხსენე.
- სიქსტის კაპელაში, საკურთხევის კედელზე, არის განთქმული კომპოზიცია, რომელიც 1536-1541 წლებში შეიქმნა. მას „განკითხვის დღე“ ჰქვია და ბიბლიურ სიუჟეტს გადმოგვცემს. ვინ არის მისი ავტორი?
 - მიქელანჯელო ბუნაროტი.
 - გადმოცემის მიხედვით, როდესაც რომაელებს პიროსთან ომის დროს ფული დააკლდათ, ქალღმერთმა იუნონამ შესთავაზა ზარაფხანა მის ტაძარში გაემართათ. რა ეწოდებოდა ამ ტაძარში მოჭრილ ფულს?
 - ვერ ვიხსენებ.
 - იუნონას მეტსახელი moneo იყო.
 - გასაგებია (იციინის), ძალიან კარგი მიიღწება მითხარით.
 - მინიშნება გითხარით, მაგრამ მაინც არ მპასუხობთ.
 - მონეტა.
 - „ლექსო ამოგთქომ ოხერო, / თორო იქნება ვკვდებოდე / და შენ კი ჩემდა სახსოვ-

- რად, / სააქაოსა რჩებოდე“... დაასახელეთ ამ სტროფის ავტორი.
 - მიხა ხელაშვილი იგი 25 წლის ასაკში ბოლშევიკებმა მოკლეს, ქაქუცა ჩოლოყაშვილის თანამებრძოლი იყო.
 - 1783 წლის 24 ივლისს ციხესიმაგრე გეორგიევსკში გაფორმდა სამოკავშირეო ხელშეკრულება რუსეთსა და ქართლ-კახეთის სამეფოს შორის. ვინ აწერდა ხელს საქართველოსა და რუსეთის მხრიდან?
 - საქართველოდან ხელს გარსევან ჭავჭავაძე და იოანე ბაგრატიონი აწერდნენ, ხოლო რუსეთიდან — გენერალი პავლე პოტიომკინი.
 - ნათლობის გარდა კიდევ როდის სცხებენ მირონს ადამიანს?
 - (ფიქრობს) ვერ ვიხსენებ.
 - მიგანიშნებთ, ეს ყველა ადამიანის ხვედრი არ არის.
 - როცა საეკლესიო ცხოვრებას იწყებს, არა?
 - ცდებით, ადამიანს მეორედ მირონს მეფედ კურთხვის დროს სცხებენ.

— რა თქმა უნდა, რა თქმა უნდა (იციხის), ხომ გითხარით, კარგი მეხსიერებით არ გამოვირჩევი-მეთქი.

— „იგი მამაცად არ იწოდება, ვინც ხმალ-შემართული წინდაწინ ბრძოლის დასასრულზე ფიქრობს“. ვის ხმალზე იყო ამოტივიფრული ეს სიტყვები?

— არ ვიცი.

— შამილის. რომელ ბრძოლაში დაიდუბა ადმირალი ნელსონი?

— ტრაფალგარის კონცხთან, ესპანელები დაამარცხა, მაგრამ მიიმედა დაიჭრა და გარდაიცვალა.

— რომელი დინასტიიდან იყო ეგვიპტის უკანასკნელი დედოფალი კლეოპატრა?

— პტოლომეა დინასტიიდან.

— 1700 წლის 19 ნოემბერს ნარვასთან ბრძოლაში ტყვედ ჩაურდა მეომარი, რომელშიც პეტრე I-მა მოწინააღმდეგეს ერთი ტონა ოქრო შესთავაზა. ვინ იყო ის მეომარი?

— დავაზუსტებ, ქართველი იყო?

— დიახ.

— ალექსანდრე ბაგრატიონი.

— რა ეწოდებოდა გელათის აკადემიის ხელმძღვანელს?

— რექტორი.

— სწორი პასუხია — მოძღვართ-მოძღვარი. ქაშუეთის ეკლესიაში დასვენებულ რომელი მწერლის ცხედარს ეფინა შუბლზე მუხის ფოთოლი?

— ილია ჭავჭავაძის.

— მირიან მეფე, ფარნავაზი, ვახტანგ გორგასალი, დემეტრე II — ჩამოთვლილთაგან, რომელი მეფე არ იყო ქრისტიანი?

— ფარნავაზი.

— აშშ-ის პრეზიდენტებიდან რომელი იყო მსახიობი?

— რონალდ რეიგანი.

— რა რეაქცია ჰქონდა ზრუშკოვს, როდესაც 1960 წელს ფილიპინელმა ლორენცო სუმულონგმა საბჭოთა კავშირის აღმოსავლეთ ვეროპის დეკოლონიზაცია შესთავაზა?

— ფქსსაცმელი გაიხადა და მაგიდაზე ბრაზუნს დაიწყო.

— რომელი მეფის მამასა და შვილს ერქვა ბაგრატი?

— გიორგი I-ის.

— რა ერქვა მეფის რუსეთში დეპუტატის გასამრჯელოს?

— არ ვიცი, ალბათ ხელფასი.

— დიეტა ერქვა.

„ისტორიისადმი ინტერესი მაქვს, რაც თავი მახსოვს. პირველი შთაბეჭდილება იაკობ გოგებაშვილის „ერეკლე მეფე და ინგილო ქალიდან“ მოდის. მას შემდეგ ისტორიით ვარსებობ“.

— (იციხის) მართლა? რა საინტერესოა.

— დაალაგეთ დიპლომატიური რანგები: ატაშე, ელჩი, დესპანი.

— ატაშე, დესპანი, ელჩი.

— რომელი იყო შაჰ-აბას I-ის სატახტო ქალაქი?

— ისპაჰანი.

— რა უწოდა მემატანიემ XI საუკუნის 80-იან წლებში მტრის განუწყვეტლივ შემოსევებს?

— დიდი თურქობა.

— ვისი სიტყვებია „სახელმწიფო — ეს მე ვარ“?

— ლუდოვიკო XIV-ის, ამ სიტყვებს მაშინ ამბობდა, როცა სურდა, საკუთარი თავი კანონზე მაღლა დაეყენებინა.

— რომელი მოციქული მოკლეს ლოცვის დროს ისრის სროლით?

— თომა.

— რომელი შტატი იყიდა ამერიკამ რუსეთისგან?

— ალასკა.

— რა საკითხს მიუძღვნა ილია ჭავჭავაძემ 1871 წელს დაწერილი პუბლიცისტური წერილი „გამოცანები“?

— მამათა და შვილთა ბრძოლას.

— რომელი ქართველი მეფე იყო სტუმრად რომის იმპერატორ ანტონიო პიუსთან?

— ფარსმან II.

— ერეკლე II, დავით აღმაშენებელი, ვახტანგ გორგასალი — ჩამოთვლილთაგან რომელი მეფის ძეგლი არ დგას თბილისში?

— ერეკლე II-ის.

— დაასრულეთ ვერაბიდეს ცნობილი გამონათქვამი — „სამი რამ ყოველთვის უნდა ახსოვდეს ხელმწიფეს: ერთი, რომ იგი მმართველია ერისა, მეორე — კანონისა და სამართლის თანახმად უნდა მართავდეს და მესამე — მმართველობა მისი...“

— ვერ დავასრულებ.

— „...მმართველობა მისი საუკუნო არ არის“.

თამარ კვიციანი

რომაული ჩაცმულობა

130

რომაელთა ტანსაცმელი

არ იკერებოდა. ქალებსა და მამაკაცებს გრძელი ქსოვილი მთელ სხეულზე ჰქონდათ შემოსხვიული და ქინძისთაგებით, ბროშებით ან ქამრებით დამაგრებული. ქალების უმეტესობას ეცვა თხელი პერანგი — ტუნიკა, უსახელო გრძელი კაბა — სტოლა და სქელი მოსასხამი — პალა. მამაკაცებს ეცვათ მუხლამდე დაშვებული უსახელო ტუნიკა — იგივე კოლობიუმი, ზემოდან კი მოსხმული ჰქონდათ ტოგა.



▲ მეწამული სამოსის ტარება მხოლოდ მდიდრებს შეეძლოთ. რომაელი სენატორების ტოგას მეწამული ზოლი დაჰყვებოდა.

▼ რომაელებს, შეძლებისა და მდგომარეობის მიუხედავად, ძალიან უყვარდათ მუსიკის მოსმენა.

131

რომაელთა ტანსაცმელი ერთმანეთისგან იმის მიხედვით განსხვავდებოდა, თუ რამდენად მნიშვნელოვან პერსონას ეცვა იგი. რიგით მოქალაქეებს სადა, თუთრი ტოგები ემოსათ; მთავრობის წარმომადგენლებს, რომლებსაც სენატორებს უწოდებდნენ, — მეწამულზოლიანი ტოგები, რომლის ერთი ბოლო მარცხენა მხარზე ჰქონდათ გადადებული, მეორე კი მარჯვენა ხელზე. მდიდარ მამაკაცებსა და ქალებს ძვირფასი შალის ან აბრეშუმის ტანსაცმელი ეცვათ, უბრალო მოქალაქეებს კი უხეში ქსოვილის.



132

ტანსაცმელი მისი პატრონის სადაურობასაც მიანიშნებდა. რომაელთა მიერ დაპყრობილ მიწებზე სხვადასხვა კულტურისა და რასის ადამიანები ცხოვრობდნენ და განსხვავებული სტილის სამოსი ეცვათ. მაგალითად, ეგვიპტელი მამაკაცები პარიკებს ატარებდნენ და ტილოს გრძელ ქსოვილს თეძოზე იხვევდნენ, ჩრდილოეთ ევროპაში კელტ ქალებს მატყლის კუბოკრული შალი ჰქონდათ მოსხმული, მამაკაცებს კი განიერი შარველები ეცვათ.

▼ რომაული სანდლების ლანჩები ლურსმნებით იყო დაჭედვით, დიდხანს რომ არ გაცვეთილიყო.



ჩაიცვი რომაელივით!

შევიძლია შენც ჩაიცვა ტოგა!
 აიღე ზეწარი ან პლედი და ქვემოთ მოყვანილი მითითებები შეასრულე!



ზეწარი თეთრი უნდა იყოს, რადგან რომაელები ამ ფერს ამჯობინებდნენ.

ზეწრის ერთი ბოლო მარცხენა მხარზე გადმოიფინე, დარჩენილი ნაწილი კი ზურგზე მოისხი.



ზეწრის მეორე ბოლო გადმოიტანე სხეულის წინ, ისე, რომ შიგ გაუხვიო. ახლა უკვე თითქმის რომაელი ხარ!

დასასრულ, ზეწრის მეორე ბოლო მარჯვენა ხელზე გადაიდევ, და რომაული ტოგაც მზად არის!



133

რომაული ფეხსაცმელი ფეხით მოსიარულეთათვის იყო განკუთვნილი. ჯარისკაცები და მოგზაურები იცვამდნენ ყაითნიან ფეხსაცმელს, რომლის ტყავის ძირი ლურსმნებით იყო დაჭედვით. სახლში სატარებლად რომაელები ფლოსტებს ამჯობინებდნენ. გლეხებს ეცვათ ხარის ტყავის სანდლები, რომლებსაც კოჭებზე თასმებით იმაგრებდნენ და მათ კარბატინები ეწოდებოდა. ყველა რომაული ფეხსაცმელი ღია იყო, მხოლოდ მოგვიანებით დაიწყო დიდგვაროვნებმა დახურული ფეხსაცმლისა და ჩექმის ჩაცმა.

ბარბენობაზე ზრუნვა

134

ვარცხნილობა მოდის მიხედვით

იცვლებოდა. თავისუფალი ქალები გრძელ თმას ატარებდნენ, რადგან მოკლედ შეჭრილი მონობის ნიშანი იყო. მოგვიანებით ქალების უმეტესობა კისერთან მჭიდროდ შეკრულ, გადატკეცილ თმას ატარებდა. რომელ მამაკაცებს მოკლე თმა ჰქონდათ და სუფთად გაპარსული ჰირი, თუ, რა თქმა უნდა, მოხუცები არ იყვნენ.



◀ მდიდარი ქალები დიდ დროს უთმობდნენ თმის მოვლას. სპილოს ძვლისგან დამზადებული თმის სარკები სხვადასხვა ვარცხნილობისთვის გამოიყენებოდა.

135

რომაელები სახის კანს გულმოდგინედ უვლიდნენ.

მოდური იყო ფერმკრთალი, გლუვი კანი. ქალები და მამაკაცები ლაქების დასაფარავად სახეზე იწებებდნენ ქსოვილისგან მრგვალად გამოჭრილ პაწაწინა წრეებს, რომელსაც „სპლენია“ ეწოდებოდა, და უამრავ კოსმეტიკურ საშუალებასაც

მიმართავდნენ. სახის პუდრად იყენებდნენ დაფუქლ ცარცს ან ტყვიის თეთრას, ღაწვების შესაფარად — ოხრას, პომადად — მცენარის წვენს, ხოლო თვალის კონტურისთვის — ნაცარსა და სურმას.



136

ქერა თმა დიდად ფასობდა. რომაელთა უმეტესობას მუქი წაბლისფერი თმა ჰქონდა. ბევრს აღაფრთოვანებდა ქერა თმა, რადგან ის იშვიათი ხილი გახლდათ. რომაელი ქალები თმის გასაუფერულებლად იყენებდნენ ძმარსა და თუთქს (საპნის ადრეული სახეობა, რომელსაც შარდისა და ნაცრისგან ამზადებდნენ).



137

დალაქთან სტუმრობა

შესაძლოა მტკივნეულიც ყოფილიყო. მაშინ ჯერ კიდევ არ ჰქონდათ მაკრატლები და სამართებლები. თმის შესაკრეჭად და წვერის გასაპარსად დალაქები გალესილ ქვას, ძირითადად, კაჟს, მოგვიანებით კი ბრინჯაოს იყენებდნენ. როცა მოლაში სუფთად გაპარსვა შემოვიდა, დალაქები იძულებული შეიქნენ, მამაკაცებისთვის წვერი ღერა-ღერა ამოეგლიჯათ!

უპასუხე კითხვებს

თუ რომაელივით ჩაცმა დაგჭირდება, როგორ სამოსს აირჩევ? გამოიყენე ამ და წინა გვერდზე მოყვანილი ინფორმაცია, რათა დაგეხმაროს იმ სამოსის დახატვაში, რომლის ჩაცმასაც მოისურვებ. როგორ ვარცხნილობას გაიკეთებდი? მდიდარი მმართველი გინდა იყო თუ კვლეტი მეომარი ან ჯარისკაცი?



139

რომში სავარცხელს სზვადასხვა ცხოველის (მათ შორის სპილოს) ძვლის ან ძვირფასი ხისგან ამზადებდნენ. სავარცხელს ხვეული თმის გასასწორებლად, ზოგჯერ კი ვარცხნილობის სამშვენივრად იყენებდნენ. წვირლებილა სავარცხელს კი სხვა, ნაკლებად სასიამოვნო დანიშნულებაც ჰქონდა — მკებენარის მოსაცილებლად ხმარობდნენ.

138

რომაელებს მოსწონდათ სასიამოვნო სურნელი. კანის გასასუფთავებლად და დასარბილებლად ზეითუნის ზეთს იყენებდნენ და სუნამოს იპყრებდნენ. სუნამოს დასამზადებელი ინგრედიენტები სზვადასხვა ქვეყნიდან ჩამოჰქონდათ: სამხრეთ ევროპიდან შემოდოდა ყვავილები, სანელებლები — ინდოეთსა და აფრიკიდან, ზოლო სურნელოვანი ფისი და ძვირფასი მერქანი — არაბეთიდან.




აბანოები

140

რომაელები საზოგადოებრივ აბანოებში დასასვენებლად დადიოდნენ. ეს უზარმაზარი შენობები არა მარტო დასაბანი, არამედ საზოგადოების თავშეყრის ადგილიც იყო. აბანოებში, თანამედროვე ტერმინოლოგიით რომ ვთქვათ, ფიტნეს-ცენტრებში, ერთმანეთს ხვდებოდნენ მეგობრები. აქ შეეძლოთ ეჭიდავათ, გაეკეთებინათ მასაჟი, გაეკრიჭათ თმა, ეკითხათ წიგნი, წაეხეშებინათ ან დამტკბარიყვნენ ხელოვნების ნიმუშებით, რომლებიც იქვე, ქანდაკებათა გალერეაში იყო გამოფენილი. იქვე იყიდებოდა ნელსაცხებლები და სუნამოები.

◀ თითქმის ყველა უბანში იყო საზოგადოებრივი აბანო. მათ იმპერატორები ან მდიდარი ოჯახები აშენებდნენ და რომის მოქალაქეებს ჩუქნიდნენ. საუკეთესო იყო კარაკალას აბანოები (დაახლოებით 215 წ.), სადაც ერთდროულად 1600 კაცს შეეძლო დაებანა.



141


ქალები და მამაკაცები ცალ-ცალკე ბანაობდნენ. ქალები აბანოში დილაობით დადიოდნენ, როცა მამაკაცები სამუშაოდ იყვნენ წასული. მამაკაცები კი აბანოში ნაშუადღევს მიდიოდნენ.

წყალი ყველაზე ცივი „ფრიგიდარიუმში“ იყო

„ტეპიდარიუმში“ წყალი გრილი ან ნელთბილი გახლდათ

დაუჯერებელია!

მართალია, რომაელებს ძალიან უყვარდათ ბანაობა, მაგრამ მხოლოდ ცხრა დღეში ერთხელ მიდიოდნენ აბანოში!



ცხელ ოთახს „კალდარიუმს“ უწოდებდნენ

◀ რომაულ აბანოში ბანაობა ხუთ სხვადასხვა სტადიას მოიცავდა, რაც აბანოს შენობის სხვადასხვა ადგილას ხდებოდა

142

აქ დანთებული ცეცხლით წყალს ათბობდნენ კალდარიუმისთვის

ბანაობა მარტივი არ ყოფილა. მობანავე ხუთ სხვადასხვა აუზში იბანდა: ტანსაცმლის გახდის შემდეგ შედიოდა ცხელ ოთახში, ანუ ორთქლის აბანოში, სადაც მცირე ხანს დაჰყოფდა ხოლმე; მერე გადაინაცვლებდა ცხელ, მშრალ ოთახში, სადაც მონა საფხეკითა და ზეითუნის ზეთით ჭუჭყს მოაცილებდა. შემდეგ ასევე ცოტა ხნით გრილწყლიან აუზში ჩაიყურყურებდა, მერე კი ნელთბილში გადაინაცვლებდა. სულ ბოლოს ცივწყლიან აუზში ჩახტებოდა.

ბართობა

143

რომაელებს უყვარდათ მუსიკა და ცეკვა. მოხეტიალე მუსიკოსები ქუჩებში და ზოგჯერ წვეულებებზეც უკრავდნენ. უბრალო ხალხის საყვარელი ინსტრუმენტები იყო სტვირი, ფლეიტა, ციმბალი, კასტანეტები და საყვირი. მდიდარი და განათლებული მოქალაქეები კი ამ საკრავებს უკადრისობდნენ. დიდგვაროვანები არჩევდნენ ქნარს, რომელიც უფრო ლამაზ ხმას გამოსცემდა. ქნარით ხშირად პოეტებსა და მომღერლებს უწევდნენ აკომპანემენტს.




▶ მოხეტიალე მუსიკოსები ქუჩაში უკრავენ

▼ რომაულ პიესებში ყველა როლს მამაკაცები ასრულებდნენ. ქალის როლის შემსრულებლებს ნიღბები ეკეთათ და ქალის კაბები ეცვათ. ქალებს მსახიობობა ეკრძალებოდათ, გამონაკლისს მხოლოდ მიმები წარმოადგენდნენ.

მოქმედების სხვადასხვა ადგილის საჩვენებლად სცენა რთული მექანიზმის მეშვეობით ტრიალებდა.

სცენა ანუ „პულპიტუმი“



144

რომაელი თეატრის მოყვარულები ტრაგედიებს კომედიებს ამჯობინებდნენ. კომედიას ბედნიერი დასასრული ჰქონდა და ეს საზოგადოებას ამხიარულებდა, ტრაგედია კი სულის შემძვრელი სანახაობა იყო. ხალხს ძალიან უყვარდა მიმები — წარმოდგენა, სადაც გამოდიოდნენ აკრობატები და მეფოკუსები, სიმღერისა და ცეკვის თანხლებით კი წარმოადგენდნენ სატირულ სცენებს ყოველდღიური ცხოვრებიდან.

145

წარმოდგენები რელიგიური დღესასწაულების შემადგენელი ნაწილი იყო. ანტიკურ მითებზე აგებული დრამები, ძირითადად, დიდაქტიკური ხასიათის გახლდათ. მოგვიანებით პიესები ყველანაირ თემაზე იწერებოდა, თვით მიმდინარე მოვლენებზეც. ზოგჯერ პოლიტიკოსები თავად უკვეთდნენ დრამატურგს პიესას, რათა ხალხისთვის თავიანთი ჩანაფიქრი მხატვრულად მიეწოდებინათ. მოქალაქეებს ბილეთებს უფასოდ ურიგებდნენ, რათა მათი გული მოეგოთ და ხმებიც მოეპოვებინათ.

147

რომაელ მსახიობებს ნიღბები ეკეთათ. ნიღბები აუდიტორიას ეხმარებოდა, შორიდანაც კარგად დაენახათ მთავარი გმირების




გრძნობები. ხის ნიღბები ფერადი საღებავებით იყო შეფერილი. ნიღბებს ადამიანთან შედარებით დიდი ნაკეთები და გაზვიადებული გამომსახველობა ჰქონდა. ზოგი ბედნიერ ადამიანს გამოსახავდა, ზოგიც შეშინებულსა და ზოგიც ნაღვლიანს.



148

რომაელთა საყვარელი გასართობი იყო თამაშები, რომლებიც გაწაფვასა და იღბალს მოითხოვდა. მოზრდილებიცა და ბავშვებიც ხალისით თამაშობდნენ კამათლებითა და კოჭებით, რაც თითების სწრაფ მოძრაობასა, ბედსა და სხვარტ აზროვნებაზე იყო დამოკიდებული. ბავშვები გასართობად თამაშობდნენ, მოზრდილები კი სანადლეოზე — ვინ მოიგებდა.



146

თეატრს უზარმაზარი, კარგად ნაგები შენობა ეთმობოდა. ერთ-ერთი ყველაზე კარგად შენახული რომაული თეატრი, რომელმაც ჩვენამდე მოაღწია, სამხრეთ საფრანგეთში, ორანჟში მდებარეობს. აქ 10 ათასი მაყურებლისთვის იდგა სკამი და ისე იყო დაპროექტებული, რომ აუდიტორიას სულ უკანა რიგებშიც კი კარგად ესმოდა მსახიობის ხმა.

დაუჯერებელია!

წარმოდგენებში მხოლოდ მამაკაცები თამაშობდნენ. ზოგიერთი ტელეგარსკვლავით პოპულარული იყო. ქალებს სცენასთან ახლოს ჯდომა აეკრძალებოდათ, თუკი რომელიმე მათგანი ვარსკვლავისთვის პაემანის დანიშვნას შეეცდებოდა.





ჩუჩი-სლოუა კვიის უკანასკნელი პრეზიდენტი

					1 ვლდემი ნაკვეთი ქალაქი	2 1118 წლის „... ბრძოლა“			3 თურქეთის პრეზიდენტი
					4 ისრაელის არმია				
5 ბალესტინის ისლამური მოძრაობა							6 მეირვასი ნიფთები	7 აპრილის ძვ. ქართული სახელწოდება	
8 ქალაქი საქართველოში		9 ქვეითი ჯარის წვობა კვადრატის სახით			10 ლაშქარი				
11 ვაბარდო-ბაღდათის დედაქალაქი					12 ისტორიული მხარე აღმ. საქართველოში	13 ნოეს ერთ-ერთი ვაჟი			14 კოლხეთის მმართველი ძეწ. I ს.
							15 მთავრის უმაღლესი ტიტული ძვ. ინდოეთში	16 მონარქი	
	17 სრული მონური დამოკიდებულება	18 პირველი ქალი			19 მოსამართლე მუსლიმებში				
							20 ბეღლბურჯი იალქუჩიანი გემი		21 მდინარე საქართველოში
		22 პლანეტა თუპიტერის თანამგზავრი			23 ჩრდილოეთ-ატლანტიკური ალაბზი				
	24 კვივის ერთ-ერთი დამაარსებელი								25 ფიცარნაპი სიკვლილი დასჯისთვის ძველად

წინა ნომერში გამოქვეყნებული სკანვორდის პასუხები:

1. ნობელი; 2. ბელუჩი; 3. ვენა; 4. კადაფი; 5. ფინეთი; 6. უვო; 7. ვაშინგტონი; 8. ალბიონი; 9. ნიაგარა; 10. მანილა; 11 გრემი; 12. სეიმი; 13. სიათა; 14. აბისინია; 15. მარკა; 16. ნარა; 17. აიათი; 18. ვირჯინია; 19. კანონი; 20. ომალი; 21. თირა; 22. ბერნი; 23. ნამაზი; 24 მიტარბი. სურათზე: ნიკოლა სარკოზი.